

10. maj 2006

UKA 06/10
UPA 2006/24

Peqqussutissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

2004-mi upernaakkut ataatsimiinnermi Naalackersuisut "2004-mi Kalaallit Nunaanni nalunaarasuartaateqarneq pillugu nassuiaat" oqallisissiatut saqqummiuppaat, nalunaarasuartaateqarnerup qanoq ilusilerneqarnissaanut suut kissaatigineqarnerisut piffissamut ungasissumut anguniagassat oqaasertalerneqarnissaat anguniarlugu, tak. UPA 2004/28.

Naalackersuisut isumaqarluinnarput nalunaarasuartaatitigut attaveqarnerup nuna ataatsimut atasunnngortissinnaagaa, tamatumunngalu peqatigitillugu suliniuteqarfinni pingaarutilinni, nunap immikkoortuinut inuussutissarsiutinulluunniit killilerneqarsinnaasuni ineriartortitsinissatut kissaatigineqartoq tapersersinnaallugu. Innuttaasut tamarmiusut oqarasuaateqarnermi Internetteqarnermilu tunngaviusumik atuisinnaalersinnissaasa qulakkeerneqarnissaa pingaaruteqarpoq, aammalu tamatuma saniatigut nalunaarasuartaateqarnermi sullissinerni inuussutissarsiutinik ingerlataqartunut namminersortunut, pisortanut innuttaasunullu ataasiakkaanut atugassarititaasunik killeqartitsiviunissaat eqqumaffigisariaqarluni.

Tamatuma kingunerisaanik Kalaallit Nunaanni nalunaarasuartaateqarnerup niuerfinni assigiinngitsuni sukkassutsit assigiinngitsut atorlugit ineriartortitsinneqarnissaa suliniutigineqalerpoq. Kalaallit Nunaat qitiusumik ineriartorfiusunut, inuussutissarsiornerup innuttaasullu ilarujussuisa katersuuffiint, taamaalillunilu nalunaarasuartaateqarnermi sullissinerit pillugit unammillernissamut ineriartortitsinissamullu niuernikkut tunngavissalinnut agguanneqarsinnaavoq. Tamatuma akerlianik isorliunerusuni niuerfinnik, niuernerpalaartunik atugaqartitsilluni nalunaarasuartaatitigut sullississutinik atortorissaartunik ingerlatsisinnaanissamut annertussutsimikkut naammangitsunik arlalinnik peqarsinnaavoq. Taamaattumik immikkoortitikkamik pilersuisussaataanerme sullissinerit suut aamma akit qaffasinnerpaaffissaat suut isorliunerusunut neqeroorutigineqassanersut nassuiarneqarpoq. Tassalu inuiaqatigiit aningaasaqarnerannut iluaqutissat qulakkeerniarlugit nalunaarasuartaateqarnermi suliaasaqarfiit niuernikkut pissarsiffiusinnaanersut ineriartortinneqarnissaat aallunneqarpoq.

Kiisalu Naalackersuisut isumaqarput nalunaarasuartaateqarnermik ammanerulersitsiniarneq aallartinneqareersoq, kingunerisassat tamakkiisumik

isiginiarneqarnissaannik qulakkeeriffiusoq, taamatullu nalunaarasuartaateqarnerup eqaannerusup allannguiffigineqarnissamullu piareersimanagerusup naammassineqarnissaanut periarfissiisooq nakkutigisaalluni ingerlateqqinneqassasoq.

Kalaallit Nunaanni nalunaarasuartaatitigut attaveqatigiittarnernut piunasaqaatini immikkut ittuni pingaartumik illoqarfiit nunaqarfiillu akornanni radiokęde qaammataasarlu aqqutigalugit isorartuukkut attaveqatigiittarnermut atatillugu aningaasartuutit qaffasissut piginnaanerillu killeqangaatsiartut pineqarnerupput. Kisiannili teknologiip ineriartornerata pissutsinik taakkuninnga allanngortitsisarnera ingerlaannartussaavoq. Immikkut naatsorsuutigineqartariaqarpoq nassitsisinnaanerup annertusiartornerani aningaasartuutitigut tunngaviusut appariartornerisa ingerlaannarnissaa. Tassalu nalunaarasuartaatitigut attaveqatigiinnerup annertusiartortumik inuiaqatigiit kalaallit ataqatigiinnerannut iluaqutaasinnaassaaq, aammalu nalunaarasuartaatitigut attaveqatigiinnermut politikki Kalaallit Nunaanni nalunaarasuartaatitigut attaveqatigiinnermik atuineq siuarsarniarlugu aaqqissuunneqarsinnaassalluni.

Tamatumunnga peqatigitillugu aammattaaq Kalaallit Nunaanni ineriartortitsisoqarpoq, sullissinerillu netverkteknologii ataasiinnaq atorlugu ingerlanneqartut suli amerliartorput, taannaavorlu Internettikkut atorneqartoq, aammalu IP-mik (Internet Protokol) taagorneqartoq. IT-mik atunerit tamarmiusut amerlanersaannut atorneqalereerpoq, kisiannili aamma maanna sukkaqisumik sullissinernut nalinginnaasunut, soorlu telefoneqarnermut TV-qarnermullu atugaaleriartorluni. Taamaattumik ilaatigut teknologii ataasiinnarmi ataatsikkoortitsinermik taagorneqartoq, ilaatigullu niuernikkut pissutsinut tunngaviusunik allannguutissat siunnerfigalugit sulisoqarpoq, sullissinerit taakku terminalinut atortut naleqquttut atorlugit aammalu Internettikkut attaveqaatit naammaginarturnik piginnaaneqarnerat apeqqutaalluni Internettikkut attavilerneqarsinnaalermata. Sullissineq "nammineq toortaalluni telefonikkut sullinneqarneq", Skype, eqqartorneqartorujussuaq ineriartornermut tassunga assersuutissaavoq. Inuit Skype-mut programmimik (akeqanngitsumik) namminneerlutik qarasaasiaminnut ikkussisimasut nunarsuarmi sumiikkaluarunilluunniit Internettimut akiligassamik saniatigut allamik akiliuteqaratik Internettikkut oqaluussinnaapput. Taamatut oqaloqatigiinnermi pitsaassuseq telefoniinnakkut oqaluunnermi sungiusimasamut qanilliarporpoq. Aamma atortunik, telefoniinnarnik atuilluni Skype-mik (assigisaanilluunniit) atuiiffiusinnaasunik, allaammi telefoninik ledningeqanngitsunik tuniagaqartoqarpoq. Taamatut ineriartornerup nalunaarasuartaateqarnermi niuernikkut pissutsinik tunngaviusunik allanngortoqarneranik nassataqarsinnaanera naatsorsuutigineqartariaqarpoq, aammattaaq Kalaallit Nunaanni.

Maannamut politikki atorneqarsimasooq, tassalu Internettikkut attaveqarnermi atunerup annertussusaa malillugu naatsorsueriaaseq, atueriaatsimik nassitsinermi pisinnaasanik akisuunik isumalluutinillu killeqartunik, tamatumalu peqatigisaanik Kalaallit Nunaanni Internettimut teknologiip siunertanut nutaanut atorneqarfiani ineriartortitsinerup ingerlaneranik ajornakusoortitsisumik tunngaveqartumik aallaaveqarpoq. Oqaatigineqareersutut nassitsinermi pisinnaasat annertusiartornerini aningaasartuutinut killigititaasut appariartornerat aammattaaq Kalaallit Nunaannut

atuuppoq, taamaattumillu nalunaarasuartaateqarnermi politikki siumut isigiffiusumi siunissami ilusiliussassatut aallaavigineqartoq tassaasariaqarpoq nassitsinermi pisinnaasat, aammattaaq aningaasaqarneq eqqarsaatigalugu, isumalluutitut annikitsuunngitsut.

Tassalu ammanerulersitsinissamik politikki niuernermi pissutsinut taamatullu teknologiimik ineriartortitsinermit naleqqussarneqarsinnaassapput.

Alloriarnertut siullertut sullissinernik ammanerulersitsinissaq suliniutigineqassaaq. Tamatuma nassatarisaanik minnerpaatut nalunaarasuartaateqarnermi attaveqaatit naatsorsuutitaat avissaartinneqassapput. Sullissinernik tuniniagaqartut akiliillutik nalunaarasuartaateqarnermi sullississutit atorlugit Kalaallit Nunaanni suliffeqarfimmut sumiiffinnilu niuernikkut tunngavissaqartuni inuinnarnut sullissinerminnut attaveqaatit atorsinnaassavaat.

Sullissinernik tuniniagaqartut attaveqaatinik atuisinnaatitaanerak akit taamatullu piumasaaqatit allat iluarsinerisigut qulakkeerneqassaaq. Taamatuttaaq atuinermi nassiussueqatigiissinnaaneq qulakkeerneqassaaq, taamaalillunilu tuniniagaqartup ataatsip sullitaata tuniniagaqartup allap sullitaanut attaveqarsinnaalersinneqassalluni. Taamatut attaveqaatinik ataatsimut atuinissamut akit nalunaarasuartaateqarnermut politikkimut annertuumik sunniuteqassapput; isorartuumut attaveqaatinik atuinermut akit illoqarfinni minnerusuni nunaqarfinnilu sullissinernik tuniniagaqartut neqeroorutaannut immikkut sunniuteqassallutik. Tamannalu pilersuisussaataitaanerup aalajangersarneqarneranut, tassungalu atasumik atuisunut akinik annerpaaffiliinermut atasutut isigineqassaaq.

Naalackersuisut siunissamut qanittumut iliuusissatut anguniagaraat Internettikkut sullissinernik tuniniagaqarnissamut sullissinerit ammanerulersinniarnissaat.

Kiisalu Naalackersuisut nalunaarasuartaateqarnermi aqutsisunik pilersitsinissaq siunissamut qanittumut iliuusissatut anguniagaraat. Tamatumunnga tunngaviusoq ilaatigut tassaavoq, nalunaarasuartaateqarnerup annertunerusumik ammanerulersinniarneqarnerata nassatarisaanik ajornartorsiutaalersussat qulaajarneqarnissaat aqqinneqarnissaallu eqqarsaatigalugit aqutsinermi piginnaatitaaffiit pisariaqartinneqartut pigineqarnissaasa qulakkeerneqarnissaa. Tamatumattaaq saniatigut oqartussaasut, nalunaarasuartaateqarnermi ingerlatsivimmik piginnittuunermik aqutsisut aamma oqartussaasut, nalunaarasuartaateqarnermi suliassaqarfimmik inatsisiliuussisut avissaartinneqarnissaat qulakkeerneqassaaq. Ajornartorsiut tamanna nunani allani nalunaarasuartaatitigut attaveqaqatigiinnermik suliassaqarfinni ilisimaneqarpoq.

Tamanna pisinnaassappat nalunaarasuartaateqarneq pillugu inatsit 1993-imeersoq maanna atuuttoq iluarsaanneqartariaqarpoq. Maanna inatsimmi atuuttumi assersuutigalugu nalunaarasuartaatitigut sullissinernik tuniniagaqarnerup ammanerulersinnissaa periarfissaqanngilaq, taamaallaalli akuersissutinik tunniussinissaq periarfissaqarpoq, tamannalu aqqiissutissatut eqaatsutut isigineqarsinnaanngilaq.

Naalackersuisuniit nalunaarasuartaateqarnermi pitsaasumik aqutsinissap pingaaruteqarnera eqqumaffigineqartorujussuuvog, taamaattumillu nalunaarasuartaateqarnermi malittarisassiuussisarnerup ineriartortinneqarnissaa nukittorsarneqarnissaalu siunnerfigineqarpoq. Ullumikkut Namminersornerullutik Oqartussat Danmarkimilu IT-mik aamma nalunaarasuartaateqarnermik aqutsisoqarfik akunnerminni qanittumik suleqatigeereerput. Malittarisassiuussisarnermi misilittagaareersut ilinniarfiginissaat, aammalu siumukarneq ineriartornerlu ingerlateqqinniarlugit nalunaarasuartaateqarnermi killissarititaasut eqqortut qulakkeerneqarnissaat siunertaralugu suleqatigiinneq tamanna nukittorsarneqassaaq.

Nalunaarasuartaatitigut sullissinerit pitsaasut ineriartortinneqarneri piujuartinneqarnerilu nunap isorartunerujussuanut iluaqutigineqarsinnaapput, kalaallit inuussutissarsiutinik ingerlataqarnerisa kalaallillu kulturiata ineriartornerannut kaammattuutaasinnaapput, kiisalu oqaatsit oqaluinnarnikkut allattariarsornikkullu ataatsimut atorneqartut piujuartinnissaannut ilaasinnaapput. Pissutsit tamakku tamarmik Kalaallit Nunaata ataatsimut ataqatigiinnerani iluaqutigineqarsinnaapput.

Naalackersuisut Kalaallit Nunaanni nalunaarasuartaatitigut atassuteqarnerup ineriartortinneqarneranut takorluugaat tassaavog Kalaallit Nunaat tamakkerlugu innuttaasut, suliffeqarfiit pisortallu allaffeqarfiisa piffissap qanorluunniit ilinerani atassuteqaatinik elektroniskiusunik pitsaasunik akikitsunillu piffissamut naleqquttunik qulakkeeriffigineqarnissaat.

Naalackersuisut isumaqarput, inatsisinik atuuttunik iluarsaassinermi allannguutissatut siunnersuutigineqartut annertummata peqqussutissatut siunnersuutip, nalunaarasuartaatitigut atassuteqarneq nalunaarasuartaatitigullu sullissinerit pillugit Inatsisartut peqqussutaannik atorunnaarsitsiviusussatut siunnersuuteqarfiusup matuma saqqummiunneqarnissaa naleqqunnerpaassasoq.

Maanna Kalaallit Nunaanni nalunaarasuartaatitigut attaveqarnermut inatsisitigut tunngaviusog tassaavog nalunaarasuartaatitigut attaveqarneq sullissinerillu pillugit Inatsisartut peqqussutaat nr. 10, 28. oktober 1993-imeersoq, inatsisartut peqqussutaatigut nr. 12-ikkut, 6. november 1997-imeersukkut allannguuteqartinneqartoq.

Naalackersuisut 2004-mi Inatsisartut upernaakkut ataatsimiinneranni "Kalaallit Nunaanni TELE pillugu nalunaarusiaq 2004" saqqummiunneqartoq aallaavigalugu inatsisinik nutarterinissamut suliniummik aallartitsipput.

2. Peqqussutissatut siunnersuutip pingaarnersai:

I. Inatsisit eqaannerusut – Inatsit aalajangersakkanik allanik immersugassaq

Inatsisit ingerlaavartumik teknologiimi ineriartornermi periarfissarititaasunut naleqqussarneqarnissaata qulakkeerneqarnera, peqqussutissatut siunnersuutip inatsisitut aalajangersakkanik allanik immersugassatut ilusiligaaneramik

nassataqarpoq. Tamatuma nassataanik Naalakkersuisut Inatsisartut akulerutsinnigikkaluarlugit piginnaatitsinertut siunnersuutigineqartup iluani niuernikkut pissutsit teknologiilu nutaaq tunngavigalugit inatsisinik naleqqussaasinnaapput. Aalajangiinerit inuiaqatigiit aningaasaqarnerannut annertuumik sunniuteqartussat tassani pineqarpata, assersuutigalugu piffissamut sivikitsumut iliuusissatut pilersaarutaasut saniatigut ammanerulersitsinerit ilaneqassappata, tak. siuliani allassimasut, tamatuma pinnginnerani Inatsisartut aningaasaqarnermut ataatsimiititaliaanut saqqummiisoqassaaq.

Inatsisinik iluarsaassinerup atatillugu iluarsaassinerup inatsisinut tunngasortaasa, aammalu iluarsaassinerup nalunaarutinut tunngasortaasa oqimaqatigiisinnerarisa annertuumik allannguuteqartinneqarnissaat siunnersuutigineqarpoq. Inatsisini siunertaasut pingaarnerit iluanni teknologiip niuernerup unammilleqatigiinnerullu ineriartornera malillugu ingerlaavartumik iluarsineqartarsinnaassaaq, inatsisinik nutarterinerit arriitsut aqqusaaqaanngikkaluarlugit. Taamatut periaaseqarneq niuerneru ineriartortuarmi pisariaqartitat malillugit eqaatsumik aaqqiisinnaalernissamik kinguneqassaaq.

Nalunaarasuartaatigut atassuteqarneq inuiaqatigiinnut kalaallinut pingaarutilittut inissisimavoq. Taamaattumik ammanerulersitsiniarluni suliniutaasinnaasut atuutinneqalinninnerminni nalilersoqqissaarneqartussaapput. Tunngaviatigut pilersuinerup isumannaassusiata piujuarnissaa annertunerusumik unammillernissamik kissaateqarnermiit salliusariaqarpoq.

II. Kisermaassinerup aalajangersakkat akerlianillu ammanerulersitsineq

Peqqussutissatut siunnersuut manna namminermini ammanerulersitsinermik pilersitsinnaanngimmat, kisiannili siunnersuut taamaallaat Naalakkersuisut inuiaqatigiinni sunniutissanik misissuereernerminni Kalaallit Nunaanni nalunaarasuartaatigut attaveqatigiinnermi niuerfiit ilaannik ammanerulersitsinissamik aalajangiisinnaanerannut sinaakkusiisnaammat, tamanna isiginiarneqassaaq.

Naalakkersuisut nalunaarasuartaatigut atassuteqaatinut atortunut ingerlatsinermullu, Kalaallit Nunaanni illoqarfiit, nunaqarfiit nunallu allat akornanni atortut elektroniskiusut atorlugit atassuteqarnissamut ajornarunnaarsitsisunut kisermaassineq ingerlatiinnarniarpaat, tassalu peqqussutissatut siunnersuummi matumani radiokedip qaammataasanullu attaveqaatit ammanerulersinneqarnissaat anguneqassanngilaq. Tamatuma saniatigut Naalakkersuisut illoqarfinni nunaqarfinnilu nalunaarasuartaatigut atassuteqaatinut imminnut atasunut atortunut ingerlatsinermullu kisermaassineq attatiinnarniarpaat. Matumani nutaartaavoq Naalakkersuisut nalunaarasuartaateqarnermi teknologiip ineriartornerata periarfissiiffigisaani ammanerulersitsinnaanerat, tamatumalu peqatigisaanik piumasarissallugu niuernikkut piumasaaqatit tunngavigalugit unammillertoqassasoq, nalunaarasuartaateqarnermi sullissinerup atuuttup pitsaannerusumik, sukkanerusumik aamma/imaluunniit akikinnerusumik ineriartortinneqarnissaa, taamaalillunilu ataatsimut inuiaqatigiinnut iluaqutaanissaa anguniarlugu.

Peqqussutip kapitaliani siullermi, pisortatigoortumik nalunaarasuartaatitigut atassuteqarnermut Namminersornerullutik Oqartussat kisermaassinerannut tunngasumi siunnersuutigineqarpoq aalajangersakkamik, Naalakkersuisunut sullissinernik, kisermaassinerup ataani inissisimasunik ilaatitsinngitsoornissamut piginnaatitsiviusumik ilanngussisoqassasoq.

Maannamut ammanerulersitsinerup kingunerisassaanik misissuilluaqqaartinnani ammanerulersitsisannginnermik periaaseq atuinneqassaaq. Taamaattumik niuerfimmi aalajangersimasumi ammanerulersitsinissaq inuiaqatigiinnut kalaallinut tamakkiisunut iluaqutaassaaq, aammalu innuttaasunut, inuussutissarsiornermut allaffissornermullu aningaasartuutit nakkutigisaanngitsumik qaffannerannik kinguneqassanani.

Peqqussutissatut siunnersuummi piumasarineqarpoq, ammanerulersitsinissamik aalajangertoqassappat soorlu nalunaarasuartaateqarnermi aqutsisunik aamma nalunaarasuartaateqarnermi maalaaruteqartarfimmik pilersitsinissamut, pilersuisussaataitaanermut tunngavissanut aamma pilersuisussaataitaanermi amigartoorutaasinnaasunik matussusiisarnissamut, attaveqaatinik ataatsimut atuinerup isumagineqarneranut kiisalu atuisut illersorneqarnissaannut maleruagassiortoqassasoq.

III. Nalunaarasuartaateqarnermi aqutsisut

Sullissinernik ammanerulersitsinissaq malittarisassiuussisarnermut maannamut atorneqartumut naleqqiullugu annertuunik kinguneqartussaavoq. Siullertut pingaarnertullu niuernerme sullissisut, taakkununga ilaallutik siornatigut kisermaassisuusimasooq (TELE Greenland A/S), politikikkut suliaqarfii kiisalu nakkutilliinermi oqartussaasut akornanni suliassat akisussaaffiillu ersarissumik agguarneqartariaqarput. Tamatuma nassatarisaanik sapinngisamik "talut ussissut" niuernerme sullissisut, politikikkut suliaqarfii aamma nalunaarasuartaateqarnermi aqutsisut akornanni pilersinneqartariaqarput.

Nalunaarasuartaateqarnermi aqutsisunik pilersitsinissaq, aamma inatsisinik, Naalakkersuisut sulianut aalajangersimasunut, soorlu nalunaarasuartaateqarnermi aqutsisut inatsisinik tunngaveqartumik nakkutilliisussaataitaanerannut tunngatillugu nalunaarasuartaateqarnermi aqutsisunut naalakkiisinnaannginnerinik ersarissumik imaqartunik suliaqarnissaq siunnersuutigineqarpoq. Naalakkersuisut suliani ataasiakkaani nalunaarasuartaateqarnermi aqutsisunit aalajangiiffigineqartuni immikkut akuersissuteqarnissamut periarfissaqassanngillat. Aqutsisunit aalajangikkat nalunaarasuartaateqarnermi maalaaruteqartarfimmut, suliami inaarutaasumik aalajangiisussaasumut ingerlateqqinneqarsinnaapput. Maalaaruteqartarfiup aalajangigai Naalakkersuisunit allanngortinneqarsinnaanngillat.

Nalunaarasuartaateqarnermi aqutsisut Naalakkersuisunut attuumassuteqannginnissaat anguniarlugu siunnersuutigineqarpoq, ilaatigut nalunaarasuartaateqarnermi aqutsisut Ineqarnermut Attaveqarnermullu Pisortaqaarfiup (taassumaluunniit pisortaqaarfittut oqartussaffiata) avataanut

inissineqassasoq, ilaatigullu nalunaarasuartaateqarnermi aqutsisut namminerisaminnik pisortaqaassasut.

Siunnersuutigineqarpoq nalunaarasuartaateqarnermi aqutsisut unammilleqatigiinnermut ataatsimiititaliap aamma Kalaallit Nunaanni atuisartut siunnersuisooqatigiiffiata ataatsimoortumik allaffeqarfiannut kattunneqassasoq. Tassunga assingusumik ilusiliineq Savalimmiumi ilisimaneqarpoq. Tamatumunnga tungaviuvoq matumani pineqartut tassaammata qanigisariinnik inissiinissaq, tassami nalunaarasuartaateqarneq unammilleqatigiinnermut atuisunullu tunngasunik imaqarpoq. Tamatumani pingaarutilik tassaavoq, allattoqarfittut suliaassat najukkamilu aningaasartuutit agguarneqarsinnaaneratt, taamaalillunilu allaffissornermut aningaasartuutit appasitsinneqarsinnaaneratt. "Iluaqutaasumik" ataatsimut kattussinissaq siunnerfigineqarpoq, ataatsimut aqutsisoqartunik allaffissornikkut kattussinissaq pineqarani

Siunnersuutigineqarpoq inatsimmut maannamut atuuttumut naleqqiullugu nalunaarasuartaateqarnermi aqutsisut atuisunik sullissinermi pilersuisussaataaernermilu nakkutilliinissamut pisussaaffilerneqarnissaat qulakkerneqassasoq. Tamatumunnga atatillugu nalunaarasuartaateqarnermi aqutsisut sulianut paasissutissanik pissarsiniartarneranni sapinngisamik annertunerpaanik periarfissaqartinneqassapput.

Nalunaarasuartaateqarnermi aqutsisut maleruagassanik, atortut elektroniskiusut atorlugit attaveqatigiinnissamut attaveqaatit sullissinerilluunniit pillugit isumaqatigiissusiordermut atatillugu atuisut pisinnaatitaaffiinik qulakkeeriffiusunik aqutsinermi pisariaqartutut naliliisoqarnera malillugu suliamut aalajangersimasumut paasissutissatut atugassanik teknikkikkut misissuisinnaanissamut periarfissaqartinneqassapput.

Nalunaarasuartaateqarnermi aqutsisut maalaarutit siunissami suliarineqartarnissaannut atugassanik tigusillattaarluni misissuisinnaanissamut, imaluunniit tamatumunnga tunngatillugu avataaniit ikiorserneqarnissamik inniminniisarnissamut periarfissaqartinneqassapput.

Nunarsuarmi nalunaarasuartaateqarnermi aqutsisut nalunaarasuartaateqarnermik suliaasaqarfinit aningaasalersorneqartarnerat ileqquuvoq. Aningaasalersueriaatsip taassuma aamma Kalaallit Nunaanni nalunaarasuartaateqarnermi aqutsisunut atuutsinneqalernissaa siunnersuutigineqarpoq, amerlasuukkaaraluni tuniiaqarnermi isorartuumut attaveqartarnermut akiliisitsisarnikkut.

Isorartuumut attaveqarnermut akiliutip akuersissummik pigisaqartumut, isorartuumut attaveqartarnermik sullissinermik tuniiaqartunut allanut suliffissuullu nunap iluani piginneqatigiiffutigisinnaasaannut tuniiaaqqittartunut akilersinniarneqartarnissaa siunnerfigineqarpoq. Taamaattumik akiliut sullissisumut ataatsimut akilersinniarneqarsinnaavoq, taamaalillunilu toqqaannangitsumik sullissinerlut tamanut isorartuumut attaveqatigiinnermut atorneqarnerannut naleqqiullugu tutsinneqarsinnaalluni. Naalakkersuisulli aalajangersinnaapput isorartuumut attaveqarnerup ilagisaanut (soorlu radiokedep/qaammataasap) assigiinngitsunut

akiliutinut procentinik assigiinngitsunik atuiniarlutik, kisiannili tassani suli aamma akiliutip sullissinnermut isorartuumut attaveqarnermut atorneqartumut sumut atanera apeqqutaassanngilaq.

"2004-mi Kalaallit Nunaanni nalunaarasuartaateqarnek pillugu nassuiaat"-mi Ementor-ip misissueqqissaarnerani tikkuarneqarpoq, sullissinerni pilersuisussaataaaffiusuni amigartoorutit ukiumut 38 aamma 48 millioner kr.-it missaannik annertussuseqartartut. Pilersuisussaataaaffiusutut taaneqartut tassaapput telefonit aalaakkaasunik attavilikkat, ISDN aamma dial-up-ikkut Internettimik atuiffiusinnaasut. Suliassaqarfiit allat, soorlu mobiltelefonit ADSL-ilu, ullumikkut pilersuisussaataaernermit matussusigaanngitsut ammanerulersinneqarnissaat pilersuisussaataaernernullu ilanngunneqarnissaat naatsorsoraanni, niuerfimmi tamakkiisumik ammanerulersinneqartumi pilersuisussaataaernermi amigartoorutaasut ataatsimut annertunerusussaapput. TELE Greenland A/S-imiit naliliineq malillugu taakku ukiumut 100 millioner kr.-it sinnerlugit amerlassuseqassapput. Taamaattumik tamakkiisumik ammanerulersitsisoqassappat aammalu aningaasalersuineq tamakkerluni akitsuutitigut akilerneqassappat akitsuutit annertussusissaat ukiumut 2 millioner kr.-iniit 100 millioner kr.-erpianut allanngortinneqassapput.

Tamatumunnga atatillugu eqqaasitsissutigissallugu pingaaruteqarpoq, akitsuusiinermi siunertaamat taperseeqatigiittarnerup TELE Greenlandimit peerneqarnissaa, taamaalillunilu paasiuminarsaanissaq. Taamaalilluni aallaavittut oqaatigineqassaaq tamatumani ullumikkut akitsuutaasut saniatigut akitsuusiinissaq pineqanngimmat, kisiannili taperseeqatigiittarnermik nuussinissaa pineqarluni.

Peqqussutissap atuutilernerata kingorna piffissangaatsiap niuerfimmik ammanerulersitsinissamullu ilusiliat aningaasatigut kingunerisassanik naatsorsukkanik misissueqqissaarnermut atorneqarnissaa naatsorsuutigineqarpoq. Sullissinerit suut ammanerulersinneqarnissaannut taakkulu qanoq pilertortigisumik pinissaannut Naalakkersuisut toqqaanerat tunngavigalugu suliassaqarfimmut tassunga nalunaarusiortoqassaaq. Aningaasalersuinermi ajornartorsiuteqarnissaq pinngitsoorniarlugu Nalunaarasuartaateqarnermut immikkoortortap Nalunaarasuartaateqarnermi aqutsisoqarfimmut allanngortinneqarnerani aningaasaliissutit malinnaatinneqarnissaat qulakkeerneqartariaqarpoq, taamaalilluni aningaasalersuinermi minitaqarnissaq pinngitsoorneqassamat. Ilusiligaanerup maanna atuuttup, tassalu Nalunaarasuartaateqarnermut immikkoortortaq Ineqarnermut Attaveqarnermullu Pisortaqarfimmut inissinneqarsimalluni, misissueqqissaarnerit pisariaqartinneqartut nalunaarusiornissallu naammassinissaasa tungaanut ingerlaannarnissaa naatsorsuutigineqarpoq. Taakku tunngavigalugit akitsuutip annertussuserigallagassaa. Inatsisartut aningaasaqarnermut inatsisaatigut akuersissutigineqartussaq aalajangersarneqarsinnaassaaq. Aatsaat Inatsisartut aningaasanut inatsisaat akuersissutigineqartoq atuutilerpat nalunaarasuartaateqarnermi aqutsisut pilersinneqarnissaat naatsorsuutigineqassaaq, taamaalillunilu akitsuutissatut akilersinniarneqartut atorlugit aningaasalersorneqarsinnaassalluni. Taamaattumik tamatuma pinissaata tungaanut sulinerup aningaasalersorneqarnissaa nalornissutigineqassanngilaq.

Akitsuutit marlunnik imminnut attuumassuteqanngitsunik immikkoortortaqaarnissaa naatsorsuutigineqarpoq, taakkorpiaallu annertussusilerneqarnerini nalunaarasuartaateqarnermi aqutsisunut aningaasartuutit aamma pilersuisussaataaernermi annaasassat matussuserneqassapput. Tunngaviatigut Nalunaarasuartaateqarnermi aqutsisut pilersinneqarneranni aningaasartuutissat naatsorsuutigineqartut 2 mio. kr.-it missaanniittut matussuserneqassapput, tak. oqaaseqaatini immikkoortoq 4, Inuussutissarsiornermut aningaasaqarnikkut allaffissornikkullu kingunerisassat. Taamaalilluni niuerfimmi sullissisut amerlinissaasa tungaanut akuersissummik pigisaqartumik, nalunaarasuartaateqarnermi aqutsisunik aningaasalersuisuusumi peqaannarallassaaq.

Radiukkut attaveqaqatigiinnerup ingerlanneqarneranik isumaginninneq nalunaarasuartaateqarnermi aqutsisunut aningaasartuuteqarfiussanngilaq, suliassaqarfik taanna ilaatigut frekvensinik atuinermut akiliuteqartitsisarnikkut aamma radionut akuersissutinut akiliuteqartitsisarnikkut imminut aningaasalersortuummat.

IV. Nalunaarasuartaateqarnermi maalaaruteqartarfik

Peqqussutissat siunnersuummi Naalakkersuisut nalunaarasuartaateqarnermi maalaaruteqartarfimmik pilersitsisinaanissaat siunnersuutigineqarpoq. Maalaaruteqartarfimmik taamaattumik pilersitsineri siunertaavoq suliatigut piginnaaneqarfiit pisariaqartut katersorlugit eqqartuussivimmu assingusumik suliat nalunaarasuartaateqarnermi teknikkikkut pisariusut aalajangiiffigineqartarnissaat.

Suliaqarfimmik eqqartuussivimmu assingusumik nalunaarasuartaateqarnermi maalaaruteqartarfiusumik pilersitsinikkut eqqartuussivinnut nalinginnaasunut ingerlatitseqqissinnaaneq mattunneqassanngilaq, kisiannili akuersissummik pigisaqartoq, sullississutinik tuniniagaqartut pilersuisussaataaffiusunillu tuniniagaqartut aaqqiagiinnginnerit pilersut aningaasaqarnermut pingaaruteqarsinnaasut aaqqiiffigineqarnissaannut oqalliffimmik sulianik ilisimasaqarluartumik saaffissaqalissallutik.

V. Pilersuisussaataaneq

Pilersuisussaataaneq tunngavimmigut tassaavoq nalunaarasuartaatitigut sullissinernik nalinginnaasunik ataatsimoortunut sumiiffinnulluunniit, niuernermi qilersorsimannngitsumi maleruagassiuunneqanngitsumilu nalunaarasuartaatitigut sullissinernik nalinginnaasunik neqeroorfigineqarnissamut ilimanaateqanngitsuniittunut tuniniagaqarnissamik qulakkeerinissaq. Sullissinerit atuisunut unamminartunik akeqartitsilluni aammalu pitsaassuserititassamik pitsaassuseqartitsilluni atugassiissutigineqassapput.

Siunnersuutigineqarpoq Naalakkersuisut sullissinernit ullumikkut innuttaasut amerlanersaannit anguneqarsinnaasunit sullissinernik pilersuisussaataaffiususanik aalajangersaanissamut piginnaatinneqassasut, oqarasuaatikkut oqaluussisarnernik, bredbåndinik mobiltelefonikkullu oqaluussisarnernik.

Naalackersuisut 2004-mi aalajangerput mobiltelefonit illoqarfinnut nunaqarfinnullu minnerpaamik 70-inik innuttaqartunut tamanut atuutsinneqalissasut. Atuutsitsilernerup 2005-ip naanerani naammassineqarnissaa naatsorsuutigineqarpoq. Mobiltelefoneqarnerup illoqarfinnit nunaqarfinnullu taakkunanngaanniit peerneqannginnissaat qulakkeerniarlugu imaluunniit siunissami aserfallatsaaliorneqanngitsoornissaat pinngitsoorniarlugu Naalackersuisut mobiltelefoneqarnermi assigiinngisitaartunik annertussusilerlugu pilersuisussaatitaanissamik aalajangiisinnaapput. Nuna tamakkerlugu mobiltelefoninik atuisinnaalernissaq tamatumani siunertaangilaq, kisiannili minnerpaatut illoqarfinni nunaqarfinnilu sullissinermik atuutsitsiviulereersuni sullissinerup qulakkeerneqarnissaa siunertarineqarluni.

Aammattaaq siunnersuutigineqarpoq Naalackersuisut pilersuinissamut pisussaaffinnut killissanik sukumiisunik aalajangersaanissamut piginnaatinneqassasut. Najugaqarfiit avinngarusimasut, illoqarfiit nunaqarfiillu killeqarfiisa avatanniittut pilersorneqarnerat inuiaqatigiinnut akisoorsuummat, pilersuisussaatitaanermut aningaasartuutit aalajangersimasunik amerlassusilikkat sinnerneqarsimatillugit atuisup nammineerluni akiliinissaanik piomasqaateqarfiusumik aalajangersaasoqarsinnaavoq. Tassani ataasiaannartumik aningaasartuutissat, nalunaarasuartaateqarnermi sullissinermik pineqartumik pilersitsinermi akilerneqartussat pineqarput. Tamatuma kingunerisaanik savaatillit, tuttuutillit, outfitterit, piniariartarfiit assigisaallu avinngarusimasuniittut nalunaarasuartaatinut atortulersuutit pilersinneqarnerini taakkununnga aningaasartuutit amerlassusissaattut killiliusaaq sinnerlugu amerlassuseqarpata, aningaasartuutit sinneri namminneerlutik akilertassavaat.

VI. Pilersuisussaatitaanermi amigartoorutit

Naalackersuisut sullissinerni pilersuisussaatitaaffiusuni ammanerulersinneqartuni akinut annerpaaffissanik aalajangiinerat ingerlatsiviup pilersuisussaatitaasup sullissinerup amigartooruteqarfiunissaanik tunngavissalimmik naatsorsuutiginninnermik kinguneqarpat, ingerlatseqatigiiffik ukiumut missingersuusiortfiusussamut tullermut siumoortumik pilersuisussaatitaanermi amigartoorutit taakku utertinneqarnissaannik Naalackersuisunut qinnuteqarsinnaavoq.

Qinnuteqaat sullissinermut missingersuutitut uppernarsaatinik naammaginartunik tunngavilersorneqassaaq, tassanilu naatsorsuusiortarnermut tunngavissat Naalackersuisunit aalajangersarneqarsimasut tunngavigineqassapput. Utertitassat inaarutaasumik aalajangiiffigineqarneranni naatsorsuutit inaarutaasut tunngavigineqassapput.

Pilersuisussaatitaanermi naatsorsutit isertitanik, sullissinerpiami akigititaasut annerpaaffissaattut akuerineqartut iluanni, tassalu akikillisaatit, akinut appaatit assigisaallu eqqarsaatiginagit anguneqarsimasunik tunngaveqassapput. Ilaassutitut sullissinernit imminnut qanitariittunit isertitat ilanngunneqassapput, soorlu telefonbogip saqqummersinneqarnerani pilerisaarutinit isertitat. Aningaasartuutit naatsorsuusiordermi periaatsit tunngavigineqassapput, tassanilu pigisat nalillit

nalikilliliiffigineqartarput aningaasallu atorineqartut (pigisat nalillit nalikilliliiffigineqarnerminni nalingannut innersuussilluni) niuernerminni erniat tunngavigalugit erniaqartinneqartarlutik, aammalu aningaasartuutitut tamakkiisumik agguagaasunut periaaseq malillugu toqqaannartumik toqqaannangitsumillu ingerlatsinermit aningaasartuutit ilaqartinneqartarlutik, tassanili pineqanngillat qullersaqarfinni suliassanik ingerlatsinermit, pilerisaarusiornermit, pilerisaarinermit ineriartortitsinerimullu aningaasartuutit.

Pilersuisusaatitaanermi sullissinermit ammanerulersinneqartunut tunngatillugu Naalakkersuisut aalajangiisinaapput:

- akinut qaffasinnerpaaffissat atuuttut qaffanneqassasut, siunissami pilersuisusaatitaaffiusuni amigartoorutaasartussat nungutinniarlugit, imaluunniit
- pilersuisusaatitaaffiusuni amigartoorutit isorartuumut attaveqaatinik, tassalu radiokedemik qaammataasamillu atuinerminni kaaviiartitaqarfiusussami pilersuisusaatitaanermut akiliuteqartitsisarnikkut aningaasalersorneqassasut, imaluunniit
- pilersuisusaatitaanermi amigartoorutit nunap karsianit matussuserneqartassasut, imaluunniit
- taakku marluk kattunneqassasut.

Isorartuumut attaveqaqatigiinnermit tunngatillugu pilersuisusaatitaaffiusunut akiliut nalunaarasuartaateqarnerminni aqutsisunut aningaasalersuinerminni akiliuteqartitsisarneq assigalugu akilersinneqartassaaq, tak. imm. III.

Ukiuni ataasiakkaani pilersuisusaatitaanermut akiliutit akilersinneqartut pilersuisusaatitaanermi amigartoorutaasunit amerlaneruppata, Naalakkersuisut sinneqartoorutit ukiumi aningaasaliiffiusumi tullermi atorineqartussanngorlugit illuqartitsinissamut piginnaatinneqassapput, tassanilu aningaasat sinneruttut siunissami sullissinermit/akiliummut akiliisitsinissamut pisariaqartitsinerujumaartussamut iluarsiiisutigineqassapput. Aningaasat akiligassanngortinneqartut (ukiup siuliani aningaasanit sinnerussimasinnaasut ilanngullugit) pilersuisusaatitaanermi amigartoorutinit ikinneruppata, aningaasat sinneri pilersuisusaatitaanermik tuniniagaqartumut pissarsiassatut isigineqassapput, aammalu ukiuni tulluuttuni sullissinermit/akiliummut akiliisitsinissamut pisariaqartinneqalersussanut ilanngullugit naatsorsorneqassallutik.

Sullissinermit pilersuisusaatitaaffiusunut suli Namminersornerullutik Oqartussat kisermaassisusaatitaanerisa ataaniittunut, taamaalillunilu akuersissut tunngavigalugu sullississutaasunut tunngatillugu siunnerfigineqarpoq, akit qaffasinnerpaaffissaattut aalajangersarneqartut tunngavigalugit sullissinerit tamakkiisumik isigalugit siunissami amigartooruteqarfiusarunnaarnissaat, tak. sullissinerit akornanni taperseeqatigiittarnerup peerneqarnissaannut periaatsit. Taamaattumittaaq suliassaqarfinni akuersissuteqarfiusumi pilersuisusaatitaaneq amigartooruteqarfiusinnaajunnaassaaq.

VII. Attaveqaatinik ataatsimut atuineq

Nalunaarasuartaatitigut attaveqaqatigiinnermi sullissinermut iluaqutissaq pingaarnerpaaq tassaavoq, sullississummik atuisut tamarmik akunnerminni attaveqaqatigiissinnaalernissaannik pilersitsinissaq. Tamanna piviusunnngortinneqassappat atuisut tamarmik attaveqaatinut attavilerneqassapput, aammalu attaveqaatit assigiinngitsut sullissinernik assigiinnik isumagisaqartut atortulersuutit sullissinerillu eqqarsaatigalugit ataatsimut kattunneqassallutik. Tamanna attaveqaatinik ataatsimut atuinermik imaluunniit tamanut atassugiinermik (interconnetion) taagorneqarpoq.

Tamanna nalinginnaasumik nunat assigiinngitsut attaveqaataasa akornanni kattussinikkut pisarpoq, kisiannili sullississummik tuniniagaqartut unammilleqatigiit niuerfimmi ataatsimi assigiinnik pisariaqartitsisarput. Taamaattorli tuniniagaqartut unammilleqatigiit akornanni attaveqaatinik ataatsimut atuinerup imaaliiallaannaq pilersinneqarsinnaanera naatsorsuutigineqarsinnaanngilaq, pingaartumik tuniniagaqartoq ataaseq unammillertiminut naleqqiulluni niuernikkut nukittunerungaatsiartumik inissisimatillugu. Taamaattumik sullissinernik ammanerulersitsinermi attaveqaatinik ataatsimut atuisinnaaneq inatsisitigut qulakkeerneqartariaqarpoq.

Taamaattumik nalunaarasuartaateqarnermi aqutsisut attaveqaatinik ataatsimut atuinerup niuerpalaartumik teknikkikkullu naleqqussagaasumik atorneqalernissaanut qulakkeerinissamik piginnaatinneqassapput. Tamanna sullississutinik tuniniagaqartut allat sullississutinik ammanerulersinneqartunik neqeroorutigisassatut siunnerfigisaannut tunngatillugu attaveqaatinik ataatsimut atuinissamut piunasaqaatinik naammaginartunik sunilluunniit akuersissummik pigisaqartumut naammassinnissinnaanissamut pisinnaatitaaffilerneqarnerisigut pissaaq.

Tamakkiisumik ilaannaasumilluunniit sullissinernik ammanerulersitsinermut atatillugu tuniniagaqartut nalinginnaasumik akuersissummik pigisaqartup attaveqaatai atorlugit sullississutinik atuinissamik pisariaqartitsisartussaapput. Taamaattumik akuersissummik pigisaqartup tuniniagaqartunut allanut sullississutinik neqerooruteqarsinnaanissaannut naalakkeerneqarnissaa pisariaqartinneqartussaavoq.

VIII. Atuisunik illersuineq

Suliassaqarfimmi tassani nalunaarasuartaatitigut atassuteqarnermut atortunik nalunaarasuartaatitigullu sullissinernik atuisunut tuniniagaqartunut piunasaqaatit minnerpaaffissaannik maleruagassiortoqarnissaa siunnersuutigineqarpoq. Inatsimmi atuuttumi Naalakkersuisut sullissinerni akuersissuteqarfiusuni atuisunut piunasaqaatit akillu akuerisarpaat, atuisullu taamaalillutik paasissutissinneqarnissamut kiffartuunneqarnissamullu minnerpaaffissanik qulakkeeriffiqarsimallutik.

Naalakkersuisut Inatsisartunit piginnaatinneqarnermik kingorna Namminersornerullutik Oqartussat nalunaarasuartaateqarnerup ilaanik ammanerulersitsissappata, atuisut ataasiakkaat illersorniarlugit ataatsimut

maleruagassanik, tuniniagaqartut tamarmik malitassaannik minnerpaaffiliinissamik piumasaqarnissaq pisariaqartinneqalissaaq.

Siunnersuummi annertuunerusumik iluarsaassinissaq nalunaarutinit nuunneqarpoq, iluarsanneqartut atuisunut tuniniakkanik nutaanik ineriartortitsinermut atatillugu nassaarsiullaqqissutsimut nutaaliornissamullu naapertuutsinniarlugit.

IX. Nalunaarasuartaatitigut atassuteqarneq inuiaqatigiinnut pingaarutilik

11. september 2001-imi USA-mi ajortumeeriniat saassussinerisa kingorna Danmarkimi Kalaallillu Nunaanni upalungaarsimaneq aallutarineqalerpoq, aammalu 20. december 2001-imi Naalakkersuisut ataatsimiinneranni Kalaallit Nunaanni upalungaarsimanermi suliassat takussutissiorniarlugit Kalaallit Nunaanni Namminersornerullutik Oqartussani isumalluutit politikkikkut tullerriaarneqarput.

Upalungaarsimanissamut kalerrisaarinissamullu pilersaarutit atorsinnaassappata atassuteqaatit atorsinnaasut illersorsinnaasullu, aammalu pilersuinermi isumannaassuseq pitsaasoq pisariaqartinneqarput. Tamanna pissutigalugu nalunaarasuartaatitigut atassuteqarneq Kalaallit Nunaannut pingaarutilerujussuartut inissisimavoq.

Taamaattumik aalajangersakkamik, nalunaarasuartaatitigut atassuteqarnermut atortulersuutinit nalunaarasuartaatitigullu sullissinernik tuniniagaqartut pisariaqartinneqartunik pilersaarusiorsinnaanissaat, aammalu nalunaarasuartaatitigut atassuteqarnerup inuiaqatigiinnut pingaarutillip tamatuma qulakkeernissaanut iliuuseqarnissamut pisariaqartinneqartunik aalajangiinissaat eqqarsaatigalugu Naalakkersuisut sukumiinerusunik maleruagassiorsinnaanissaannut piginnaatitaaffiliisumik ilanngussisoqarnissaa siunnersuutigineqarpoq.

3. Pisortanut aningaasaqarnikkut allaffissornikkullu sunniutissat:

Siunnersuutip kommuninut allaffissornikkut imaluunniit aningaasaqarnikkut kinguneqarnissaa naatsorsuutigineqanngilaq.

Ineqarnermut Attaveqarnermullu Naalakkersuisoqarfiup ataani nalunaarasuartaateqarnermut immikkoortortami maanna sulisorineqartut marluk, kiisalu radioqarnermik ingerlatsivimmi sulisorineqartut marluk nalunaarasuartaateqarnermi aqutsisunut nuutsinneqassapput. Sulisut marluk radioqarnermik ingerlatsivimmeersut nalunaarasuartaateqarnermi aqutsivimmut aningaasartuuteqarfiussanngillat, suliassaqarfik taanna ilaatigut frekvensinut akiliuteqartitsisarnikkut aamma radionut akuersissutinut akiliuteqartitsisarnikkut imminut aningaasalersortuummat.

Ullumikkut nalunaarasuartaateqarnermik suliassaqarfik akuersissummik pigisaqartup qaammammoortumik 90.000 kr.-it tikillugit Namminersornerullutik Oqartussat nalunaarasuartaatitigut attaveqarnermut, radiukkat attaveqarnermut allakkeriveqarnermullu tunngatillugu pisortaqaarfittut suliassanut aningaasartuutaannut uppernarsarneqarsimasunut akiliuteqartarneratigut aningaasalersorneqarpoq. Kalaallit Nunaanni nalunaarasuartaateqarnermik

suliaqarfiup taassumaluunniit ilaata ammanerulersinneqarsinnaanerani aallussinerup annertusineranut atatillugu, pisortaqarfittut suliassat nalunaarasuartaateqarnermik suliaqarfimmit aningaasalersorneqarnissaat naapertuutinnigilaq. Ullumikkut TELE Greenland A/S kisimi niuernermit tassani kisimiilluni sullissisuusutut nalunaarasuartaatitigut attaveqarnerup isumagineqarneranut aningaasartuutitut akiliisarpoq.

Siunnersuutigineqarpoq, nalunaarasuartaateqarnermi aqutsisut sulianik ataasiakkaanik suliaqartarnerannut aalajangiisarnerannullu atatillugu oqartussaasutut suliaat, aamma nalunaarasuartaateqarnermi aqutsisut peqqussutit matuma taannalu tunngavigalugu allaffissornikkut maleruaqqusat suliarineqartut malinneqarnissaat qulakkeerniarlugu nakkutillissusaatitaanerat nalunaarasuartaateqarnermik suliassaqarfimmit aningaasalersorneqassasoq, pisortaqarfittullu suliassat nunap karsianit aningaasalersorneqassallutik.

Pisortaqarfittut suliassanut aningaasalersuinerup Namminersornerullutik Oqartussani ukiumut atorfiit akuerineqartut ataatsimik ilaneqarnissaannut aningaasartuuteqarnermik kinguneqarnissaa naatsorsuutigineqarpoq, taannalu 400.000 kr.-inik naleqartussatut missiliorneqarpoq. Ineqarnermut Attaveqarnermullu Pisortaqarfiup naatsorsuutigaa maanna missingersuutit iluanni pisortaqarfittut suliassat nammineerluni aningaasalersorsinnaassallugit.

4. Inuussutissarsiordermut aningaasaqarnikkut allaffissornikkullu sunniutissat:
Nalunaarasuartaatitigut sullissinermik ammanerulersitsineq maanna kisimiilluni akuersissummik pigisaqartup (TELE Greenland A/S-ip) kaaviiartitaasa sinneqartoortuutaasalu ikileriarnerinik nassataqassaaq, taamaalillunilu ingerlatseqatigiiffiup iluanaarutiminit akiliutigisartagaasa millisineqarnissaat periarfissinneqassaaq. Ammanerulersitsinerup ingerlatseqatigiiffimmut kisermaassisuusimasumut sunniutissai eqqoriaruminaapput. Tassani ingerlatseqatigiiffiup sulisinnaassusia nalunaarasuartaateqarnermillu ammanerulersitsinermit niuernermit naleqqussarsinnaanissaa annertuumik apeqqutaassaaq. Aamma ammanerulersitsinerup sukkassusia kiisalu sullissinerit suut atornerqarnersut apeqqutaassapput.

Nalunaarasuartaatitigut attaveqatigiinnerup nuna ataatsimut pitussavaa, tamatumunngalu peqatigitillugu suliniuteqarfissat pingaernerit nunami sumiinnermut imaluunniit inuussutissarsiutitigut killilerneqarsinnaasut iluanni ineriartortitsinissatut kissaatigineqartoq ikorfartorsinnaallugu. Innuttaasut tamarmik telefonimut Internettimullu tunngaviusunik atuisinnaanissaasa qulakkeerneqarnissaa, tamatumalu peqatigisaanik nalunaarasuartaateqarnermi sullississutini namminersortunut inuussutissarsiutinik ingerlataqartunut, pisortanut innuttaasunullu ataasiakkaanut aalajangersagaqarnerata eqqumaffigineqarnissaa pingaaruteqarpoq.

Taamatut isigalugu Kalaallit Nunaanni ineriartornermi qitiusunut, inuussutissarsiutit inuiaqatigiinnilu amerlasuut katersuuffigisaannut, taamaalillunilu nalunaarasuartaatitigut sullississutinik unammillernissamut ineriartortitsinissamullu niuernikkut tunngavissaqartunut agguarneqarsinnaavoq. Ineriartortitsinermik qitiusuni inuussutissarsiutinik ingerlataqartut sullissinermit neqeroorutinik,

suliffeqarfiit ataasiakkaat pisariaqartitaannut naleqqussagaanerusunik pissarsisinnaanissartik naatsorsuutigisinnaassavaat. Tamatuma akerlianik isorliunerusuni suliaassarfiup ilaanik niuruteqarnermi, tamarmik immikkut niurpalaartunik atugassaqartitsiviusumik nalunaarasuartaateqarnermi sullississutinik atortorissaartunik pigisaqaannarnissamut annertussutsimikkut inuuttunik peqarsinnaavoq.

Siunnersuutigineqarpoq Naalakkersuisut nalunaarasuartaateqarnermik suliaqartunut isorartuumut attaveqaqatigiittarnermi atuinnermut immikkut ittumik akeqartitsinissamik naalakkisinnaanerannut aalajangersakkamik inatsisitigut tunngaviusussamik ilanngussisoqassasoq. Aalajangersakkami tassani siunertarineqarpoq nalunaarasuartaateqarnermik suliaqartut nalunaarasuartaateqarnermi aqutsisunik, nalunaarasuartaateqarnermi maalaaruteqartarfimmik aammalu pilersuisussaataitanermi amigartoorutaasinnaasunik aningaasalersuinissaat. Ammanerulersitsiniarluni suliniutit aallartinneqarnissaasa tungaanut akuersissummik pigisaqartoq kisimiilluni niurfimmi tuniagaqartussaavoq, taamaattumillu kisimiilluni nalunaarasuartaateqarnermi aqutsisunut aamma nalunaarasuartaateqarnermi maalaaruteqartarfimmut aningaasalersuisussaalluni.

Akitsuutissaq ungasianiit attaveqaqatigiinnermut tutsinneqassaaq, taassumalu nalunaarasuartaateqarnermi sullissinerit arlallit akiinut sunniuteqarnissaa naatsorsuutigineqartariaqarpoq, annertussusissaanullu akitsuutip annertussusissaa apeqqutaassaaq.

Aallarnisaanerup nalaani nalunaarasuartaateqarnermi aqutsisut aningaasartuutissaasa 2 mio. kr.-iunissaat naatsorsuutigineqarpoq, taakkunanngalu 1 mio. kr.-it akissarsianut tunngavissanullu pingaarnernut (aningaasartuutit aalajangersimasut) atorpeqassapput, kiisalu 1 mio. kr.-it misissueqquissaarnermut paasiniaanermullu atorpeqassallutik.

Nalunaarasuartaateqarnermi maalaaruteqartarfiup maanna pilersinneqarnissaa siunertarineqanngilaq, kisiannili pilersitsinissaq ammanerulersitsinerup pinnginnerani aallarnisartariaqarpoq. Nalunaarasuartaatitigut maalaaruteqarfik pilersinneqartinnagu nalunaarasuartaateqarnermi aqutsisut aalajangiineri pillugit nalunaarasuartaateqarnermi maalaaruteqartarfimmut ingerlatitsisoqarsinnaanngilaq. Nalunaarasuartaateqarnermi maalaaruteqartarfiup pilersinneqannginnerani nalunaarasuartaateqarnermi aqutsisut aalajangigaat pillugit maalaaruteqarnissaa kissaatigineqarpat, tamatuma eqqartuussivimmut suliakkiissutigineqarnissaa innersuussutigineqarpoq.

Nalunaarasuartaateqarnermi maalaaruteqartarfiup sulineranut 150.000 kr.-it ukiumut missingersuutigineqassapput, taakkunanga 50.000 kr.-it maalaaruteqartarfimmi ilaasortat akissarsiaaattut atorpeqassappu, t aammalu 100.000 kr.-it angalanermut aningaasartuutitut atorpeqassallutik.

Angalanermut najugaqarnermullu aningaasartuutit missingersuutini annertungaatsiarput. Inuiaqatigiit annertussusaat tunngavigalugu maani

najugaqartunik nalunaarasuartaateqarnermi teknikkimik ilisimasalimmik toqqaaniarnissaq ajornakusoorsinnaavoq, tamatumani pineqartup suliassa qarfinnut soqutigisanut attuumassuteqannginnissaa siunertarineqarmat. Kiisalu aamma Kalaallit Nunaata iluani angalanissamut aningaasanik immikkoortitsisoqartariaqassaaq.

5. Innuttaasunut aningaasaqarnikkut sunniutissat:

Namminersornerullutik Oqartussat nalunaarasuartaatitigut attaveqatigiinnermik kisermaassisussaatitaanerit akuersissummillu pigisaqarnerat maannamut sullissinerit ataasiakkaat akornanni taperseeqatigiissinnaanermik periarfissiisarsimavoq, taamaalillunilu soorlu illoqarfinni annerusuni telefonilinnit sinneqartoorutit nunaqarfinni telefonilinnut amigartoorutitut matussutigineqarsinnaasimallutik. Ammanerulersitsinerup kingunerisaanik sullissinerni ammanerulersinneqartuni ataasiakkaani taperseeqatigiissinnaaneq ajornarsissaaq.

Unammilleqatigiinnerup pingaartumik illoqarfinni anginerusuni pilersinneqarnissaa, aammalu sullissisutunik ammanerulersinneqartunik tuniniagaqartut nutaat sullissinerup pingaartumik sumiiffinni sinneqartooruteqarfiusinnaasuni tuniniaanissaat naatsorsuutigineqartariaqarpoq. Tamatuma pitsaaqutigissavaa illoqarfinni anginerusuni sullissinernik anginerusunik assigiinngiiaarnerusunillu neqerooruteqartalernissap naatsorsuutigineqarsinnaanissaa. Akerlianik pitsaanngequtaa tassaassaaq killinganiittut, tassalu isorliunerusuniittut illoqarfinni sullissinerit assingunik neqeroorfigineqarsinnaasussaannnginnerat. Kiisalu atuisut inuinaat akit piumasaaqatillu pisariulernerinik aammalu paasiuminaannerulernerinik misigisaqassapput.

Taamaattumik pilersuisussaatitaaneq immikkoortortalersugaq isorliunerusunik sullissinernik sunik akillu annerpaaffissaannik sunik neqeroorfigineqarsinnaanissaannut nassuiaataavoq. Taamaalilluni inuiaqatigiit aningaasaqarnerannut iluaqutissat, nalunaarasuartaateqarnermi suliassa qarfiup niuernikkut iluanaarnerpaaffiini ineriartortitsinikkut qulakkeerneqarsinnaanissaat aallunneqassaaq.

Najugaqarfiit avinngarusimasut, illoqarfiit nunaqarfiillu killeqarfiisa avataanniittut pilersorneqarnerat inuiaqatigiinnut akisoorsuummat, Naalakkersuisut nalunaarusiornermikkut pilersuisussaatitaaneq aalajangersaaffigissavaat, tamatumani lu piumasarineqassaaq atuisup nammineerluni aningaasat aalajangersimasunik amerlassusilikkat sinnerneqarsimatillugit aningaasartuutaanerusussanik nammineerluni akiliisarnissaa. Tamatuma kingunerisaanik savaatillit, tuttuutillit, outfitterit, piniariartarfiit assigisaallu avinngarusimasuniittut nalunaarasuartaatinut atortulersuutit pilersinneqarnerini taakkununga aningaasartuutit amerlassusissaattut killiliussa sinnerlugu amerlassuseqarpata aningaasartuutit sinneri nammineerlutik akilertassavaat.

Akitsuutip innuttaasunut sunniutissai:

Akitsuut amerlasuukkaaraluni tuniniagaqarnermut ilanngunneqarmat tamanna atuisut toqqaannartumik maluginaviannngilaat, kisiannili tunisassianut arlalinnut akiusunut ilaasussaavoq, tassani ungasissumut attaveqaammik atuineq tunngavigineqassalluni.

Akitsuut 2 mio. kr.-it missaannik iluanaaruteqarfiususaaq ungasissumut attaveqarnermut tamarmiusumut agguarneqartussaasoq atuutilerpat, immikkoortunut ataasiakkaanut akitsuut ima annikitsigissaaq, amerlasuukkaaraluni tuniniagaqarneq atuisunut tunisassianut attuumassuteqartunut akiusumut sunniuteqartussaananik.

Akitsuutitut akigititaasut annertunerulernerini tuniniagaqartut akitsuutip ilaanik tamakkiisumilluunniit sullitanut tutsitsinngitsoornissaat ilimanaateqanngilaq. Taamaattumillu sullissinerit ungasianiit attaveqatigiinnermik imaqartut akitsuutip atulernerani akitigut qaffaavigineqassapput. Akitsuutip annertussusissaa ammanerulersitsinermi pilersuisusaaatitaanermi amigartoorutitut attuumassuteqarluinnarmat, iluanaarutissat pilersuisusaaatitaanermi amigartoorutit qaffakkiartornerat malittariaqarpaat. Taamaattumik akitsuusiinermi iluanaarutissat atuinerup annertusiartunnginnerata nalaani annertusiartornissaat ilimanaateqarmat, tamanna akitsuutitut akit qaffannerinik kinguneqartussaassaaq.

6. Innuttaasunut allaffissornikkut sunniutissat:

Siunnersuutip innuttaasunut allaffissornikkut sunniuteqarnissaa naatsorsuutigineqanngilaq.

7. Avatangiisinut pinngortitamullu sunniutissat:

Siunnersuutip avatangiisinut pinngortitamullu sunniuteqarnissaa naatsorsuutigineqanngilaq.

8. Pissutsit Naalagaaffeqatigiinnermut namminersulernissamullu attuumassutillit:

Siunnersuutip Naalagaaffeqatigiinnermut namminersulernissamullu sunniuteqarnissaa naatsorsuutigineqanngilaq.

9. Tusarniaaneq:

Siunnersuut ukununga tusarniaassutigineqareerpoq: ArctiComm ApS, Comby A/S, Inuussutissarsiornermut, Nunalerinnermut Suliffeqarnermullu Pisortaqarfik, Aalisarnermut Piniarnermullu Pisortaqarfik, Avatangiisinut Pinngortitamullu Pisortaqarfik, Namminersulernissamut Pisortaqarfik, Peqqinnissamut Pisortaqarfik, Inuussutissarsiornermi Siunnersuisooqatigiit, Ilaqutariinnermut Pisortaqarfik, Sulisitsisut Peqatigiiffiat, Kalaallit Nunaanni atuisunut siunneriusooqatigiit, Grønlandsbanken A/S, Namminersornerullutik Oqartussat qarasaasialeriffiat, ILIK, INI A/S, Inu:IT A/S, IT-Partner Greenland A/S, IT-mut Siunnersuisooqatigiit, KANUKOKA, Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik, Kimik IT A/S, KIT A/S, KNR, Unammilleqatigiinnermut Ataatsimiititaliaq, Kontor og Data Sisimiut ApS, Naalakkarsuisut Allattoqarfiat, MDC Data Greenland ApS, Nuka A/S, Nukit, Nukissiorfiit, Nuna IT ApS, Sulisoqarnermut Pisortaqarfik, Aatsitassanut Pisortaqarfik, Akileraarnermut Pisortaqarfik, STTK (Sinerissami Takusassiiviit Tusagassiiviillu Kattuffiat), Sparbank Vest Grønland A/S, TELE Greenland A/S, Nunanut Allanut pissutsinut Pisortaqarfik aamma Aningaasaqarnermut Pisortaqarfik.

Tusarniaaffigineqartut uku siunnersuummut oqaaseqaateqarlutik akissuteqarput:

Peqqinnissamut Pisortaqarfik, Akileraarnermut Pisortaqarfik, Ilaqutariinnermut Pisortaqarfik, Sulisoqarnermut Pisortaqarfik.

ITEK-imiit, Dansk Industri-p ataani IT-mut, nalunaarasuartaateqarnermut, elektronikkimut attaveqaqatigiinnermullu kattuffiusumit tusarniaanermi akissummik takkuttoqarpoq.

Tusarniaanermi akissutit takkuttut, teknikkimut tunngasunik kiisalu oqaatsinut tunngasunik kukkunernut amigaatinullu oqaaseqaatinik imaqartut annertunerusumik oqaaseqarfigineqaratik peqqussutissatut siunnersuummut ilanngunneqarput.

Tusarniaanermi akissutit takkuttut, siunnersuutip imaanut tunngasut allat annersaat kinguliani issuarneqarlutik oqaaseqaateqarfigineqarput. Immikkoortumi tulliuuttumi takuneqarsinnaasutut tusarniaanermi akissutit peqqussutissatut siunnersuummi iluarsiinissamut tunngavissiisimapput.

Ineqarnermut Attaveqarnermullu Pisortaqarfiup naleqqunnerpaatissimavaa aallaqqaammut tusarniaanermi oqaaseqaatit ataatsimut isigalugit oqaaseqarfigissallugit, tamatumalu kingorna tusarniaanermi akissutit allat peqqussutissatut siunnersuut naapertorlugu tulleriillugit oqaaseqarfigissallugit.

Ataatsimut oqaaseqaatit:

Aningaasaqarnermut Pisortaqarfik allappoq:

§ 30-mi (maanna § 28-inngortumi) allassimavoq, nalunaarasuartaateqarnermi aqutsisut, nalunaarasuartaateqarnermi maalaaruteqartarfik aamma sullissinerni pilersuisussaataffauiusuni amigartoorutaasinnaasut nalunaarasuartaateqarnermik suliassaqarfinit ungasianiit attaveqaqatigiinnermut akitsuusiinikkut aningaasalersorneqassasut. Kisiannili inatsisissamut oqaaseqaatini nalinginnaasuni (imm. VI, Pilersuisussaataaernermi amigartoorutit) allassimavoq, pilersuisussaataaernermi aningaasartuutit nunap karsianit, akigititaasut annerpaaffiik qaffaanikkut imaluunniit pilersuisussaataaernermut akiliutit kaaviaartitat malillugit annertussusilerneqartartut aqqutigalugit aningaasalersorneqassanersut Naalakkersuisut aalajangersinnaagaat. Aningaasaqarnermut Pisortaqarfiup isumaa malillugu § 30-p (maanna § 28-inngortup) oqaaseqaatillu nalinginnaasut akornanni assigiinngitsoqarpoq. Tamatuma saniatigut Aningaasaqarnermut Pisortaqarfimmiit erseqqissaatigineqassaaq, amigartoorutit nunap karsianit matussuserneqarnissaat naatsorsuutigineqarpat, tamatumunnga aningaasalersuinissaq peqqussummumut ilanngullugu allanneqassasoq.

Tassunga tunngatillugu oqaatigineqassaaq, pilersuisussaataaernermi amigartoorutit akitsuut aqqutigalugu, imaluunniit tassunga taarsiullugu akigititaasunut annerpaaffissap qaffanneratigut matussuserneqartarnissaat naatsorsuutigineqarmat. Sullissinermi pineqartumi akit nikerarsinnaanerit taamatut pilersuisussaataaernermik

piusuusaartitsissanngippata, akinut annerpaaffissat qaffanneqarsinnaapput. Nunap karsiata aningaasalersuisinnaaneranut periarfissaq taamaallaat pisuni immikkut illuinnartuni atorneqarnissaa eqqarsaatigineqarpoq. Aningaasaqarnermut Pisortaqarfiup taamatut aaqqiisinnaaneranut oqaaseqaatai tunngavigalugit Ineqarnermut Attaveqarnermullu Pisortaqarfiup periarfissaq taanna oqaaseqaatinit nalinginnaasunit peerpaa.

Aammattaaq Aningaasaqarnermut Pisortaqarfik allappoq:

Siunnersuummi allassimavoq ungasissumut attaveqaateqarnermut akitsuutip annertussusilerneqarnera Inatsisartut aningaasanut inatsisaatigut aalajangerneqartussaasoq. Aningaasaqarnermut Pisortaqarfimmit qinnutigissavarput Ineqarnermut Attaveqarnermullu Pisortaqarfiup peqqussutissat siunnersuummi akitsuutip annertussusissaanut isummat tunuliaqutaasut nassuiassagai. Taamatuttaaq Pisortaqarfimmiit qinnutigissavarput akitsuutip annertussusissaata taaneqartup, aammattaaq atuisunut kingunerisassai nassuiarneqassasut.

Tassunga tunngatillugu oqaatigineqassaaq, pilersuisussaataitanermi amigartooruteqarnissamut sullissinerit suut Naalakkersuisut ammanerulersinniarneraat apeqqutaasussammaat. Kalaallit Nunaanni pilersuisussaataitanermi amigartoorutissat ataatsimut annertussusissaat nalornissutigineqangaatsiarput. Amigartoorutissanut eqqortunut ammanerulersitsinerup annertussusia, kiisalu periaaseq suna malillugu amigartoorutissat naatsorsorneqartarnissaannik Naalakkersuisut toqqaanissaat apeqqutaassapput.

Akitsuutip annertussusissaa pillugu:

Issuagassap minnerpaaffissaa:

Akitsuutit kisiisa atorlugit nalunaarasuartaateqarnermi aqutsisut aningaalersorneqartussaapput, taamaattumillu akitsuusiinermi iluanaarutissat ukiumut 2 millioner kr.-iusartussaassapput.

Internetteqarnerup ammanerulersinneqarnera:

Akitsuutit nalunaarasuartaateqarnermi aqutsisut kiisalu internettimik atuisinnaanermik pilersuisussaataitanermi amigartoorutit matussusertartussaavaat. Tassani sullissinerit suut internettimik atuisinnaanermik pilersuisussaataitaaffittut taaneqassanersut akiusussamut apeqqutaasussaapput. Periaaseq pilersuisussaataitanermi illoqarfinnut nunaqarfinnullu ADSL-imik atuiffiusoq toqqarneqarpat, internettimik atuisinnaanermi dial-up-imik atuinissamut piumasaaqaatit minnerpaaffilerneqarneranniit amigartoorutissat annertunerungaatsiartussaapput. Internettimut attaveqaatinik tuniseqqittarnissaq, atukkiisarnissaq/attartortitsisarnissaq toqqarneqarpat matussusiinissap pisariaqartinneqalernissaa ilimananngilaq. Taamaattorli IP-telefoniip siuariaateqarneratigut ISDN aamma PSTN atorlugu sullissinerni internettikku

oqaluussisinnaanermut annikinngitsunik taarsiissutaasinnaassapput. Tamatumani akuersissut ilanngaavigeqqinneqassaaq, tamatumalu kingunerisaatut sullississutitut sinneruttunut akit qaffanneqarnissaat pisariaqalersinnaavoq.

Tamakkiisumik ammanerulersitsineq:

Taamatut aaqqiissuteqarnissaq nalunaarasuartaateqarnermik sullissivimmut siumut isigineqareersinnaanngitsunik kinguneqartussaavoq, taamaattumillu siunissami qaninnermi piviusunnngorsinnaasutut isigineqarani.

Taamaattumik ammanerulersitsinissamik pilersaarummi toqqarneqartumi aningaasaqarnikkut pissutsit misissoqqissaarneqarnissaat kingunerisassaasalu naatsorsorneqarnissaat pisariaqarpoq. Tunisassiami toqqarneqartumi ammanerulersitsinissaq soorunami aatsaat pissaaq, ammanerulersitsineq inuiaqatigiit aningaasaqarnerannut iluanaaruteqarfiusinnaasutut naatsorsuutigineqarpat.

Aningaasaqarnermut Pisortaqarfik nangilluni allappoq:

§ 21 (maanna § 19-inngortoq), imm. 5-imi allassimavoq, Naalackersuisut allattoqarfittut ikiorsisussanik nalunaarasuartaateqarnermi maalaaruteqartarfimmut atugassiissasut. Naatsorsuutigineqarpa suliassat taakku siuliani ukioq ilivitsoq naallugu sulisorisassaq ataaseq atorlugu isumagineqarsinnaassasut, imaluunniit tamanna Namminersornerullutik Oqartussat aningaasartuuteqaqqinnerannik nassataqassava? Tamanna pissappat Ineqarnermut Attaveqarnermullu Pisortaqarfik qinnuigineqarpoq, tassunga aningaasalersuinissaq pillugu nassuiaateqaqqullugu.

Tassunga tunngatillugu oqaatigineqassaaq, nalunaarasuartaateqarnermi aqutsisut pilersinneqarnerisa kingorna pisortaqarfittut suliassanik Ineqarnermut Attaveqarnermullu Pisortaqarfimmiiginnartariaqartunik arlalinnik suli peqartussaamat. Suliassat soorlu allakkeriveqarnermut malittarisassiussinernik, nalunaarasuartaateqarnermi aqutsisut tunngaviusumik isumagisassarinnngisaanik ilaqarput. Nammagassatut tamakkiisutut ukiumi ilivitsumi sulisorisassap annerpaamik ataasiunissaa naatsorsuutigineqarpoq.

Nalunaarasuartaateqarnermi maalaaruteqartarfimmut allattoqarfittut ikiuuttussatut ukiumi ilivitsumi sulisorisassaq ataaseq siunnersuummi immikkoortinneqartoq taamaalilluni killissarititaasut iluanniippoq.

Aningaasaqarnermut Pisortaqarfik nangilluni allappoq:

Oqaaseqaatini nalinginnaasuni (immikkoortumi inuussutissarsiornermut aningaasaqarnikkut allaffissornikkullu kingunerisassanut tunngasumi) allassimavoq, nalunaarasuartaateqarnermi sullississutitut ammanerulersitsineq TELE Greenlandip iluanaarutinit akiliutaannik annikitsunik nassataqartussaasoq. Aningaasaqarnermut Pisortaqarfimmiit qinnuigineqassaaq, taamatut ammanerulersitsinerup Namminersornerullutik Oqartussanut aningaasatigut kingunerisassai ilanngunneqassasut.

Tassunga tunngatillugu oqaatigineqassaaq, tamatumani TELE Greenland A/S-ip niuernerup ilusaanut nutaamut naleqqussarnissamut aammalu taanna malillugu sulinissamut piginnaaneqarnera apeqqutaasorujussuusussaammat. Misilittakkat malillugit ingerlatseqatigiiffiup kisermaassisuusimasup suliassa qarfinnit ammanerulersinneqartuni tamaginnit niuernermi suliassat annertuut ammanerulersitsinerup kingunerujussua tikillugu tigummiinnartarpei. Tamatuma TELE Greenland A/S-imut atuuttussaanginneranik isumaqassalluni tunngavissaqanngilaq. TELE Greenland A/S attaveqatigiinnermi atortunik suli piginnittuusussaammat, unammilleqatigiinnerup annertusinerata kingunerisaanik nalunaarasuartaatitigut sullissinernik atuinerup annertusinera qanorluunniit ittoq TELE Greenland A/S-ip kaaviiatitaasa annertusinerinik kinguneqartussaavoq. Taamaattorli TELE Greenland A/S ammanerulersitsinermik annertuumik eqqorneqassaguni piffissaq qanittoq eqqarsaatigalugu iluanaarutigisartakkani, maanna ukiumut 30 millioner kr.-iusut piginnarsinnaassagai ilimagineqarsinnaanngilaq. Ammanerulersitsinerup annertusiartortinneqarneratigut tamanna piginnittunit kissaatigineqarpat, TELE Greenland A/S unammillerneqarnerup kingunerisaanik pitsanngorsaanerit tunngavigalugit iluanaarutinit akiliutit annertuut ingerlatiinarnissaanut periarfissaqarluassaaq. Paarlattuanik ammanerulersitsinerup kingunerisaanik unammillerneqarnerup annertusinera kisermaassinermut atasumik sunniutikittarneq annikillisinneqassaaq. Tamanna sullitanut, taamaalillunilu inuiaqatigiinnut tamarmiusunut akit apparnerisigut aamma/imaluunniit tunisassiat sullissinerillu amerlinerisigut iluaqutaassaaq.

Tusarniaaffigineqartut arlallit oqaatigaat, Kalaallit Nunaanni nalunaarasuartaateqarnermik niueruteqarneq ammanerulersinneqassappat tamanna isumaliutaalluurtumik suliarineqartariaqartoq, aammalu tamatuma pinnginnerani inuiaqatigiinnut kalaallinut sunniutissanik paasisaqarfiusinnaasunik misissueqqissaartoqartariaqartoq. Pilersuinerup isumannaassusia annertuumik sianigisariaqarpoq, tamaginnillu oqaatigineqarpoq ammanerulersitsinissaq aatsaat inuiaqatigiinnut tamarmiusunut iluaqutaasinnaappat piviusunngortinneqartariaqartoq.

Ineqarnermut Attaveqarnermullu Pisortaqarfimmiit isumaqatigineqarpoq, peqqussutissatut siunnersuummi matumani aalajangersakkat malillugit ammanerulersitsinissaq suliniutigineqassappat misissueqqissaartoqartariaqartoq, taamaaliornikkut Kalaallit Nunaanni innuttaasut ilaasa nalunaarasuartaatitigut attaveqatigiinnermik atuinerminni naatsorsuutigingisamik ajornerusunik atugaqalernissaat pinngitsoorniarlugu. Oqaaseqaatini nalinginnaasuni immikkoortoq 2-mi taaneqartutut unammillernerup anguneqarnissaanik kissaateqarnermut sanilliullugu pilersuinermi isumannaassuseq salliutinneqartariaqarpoq.

Ammanerulersitsineq ammanerulersitsiniarnerinnaq peqqutigalugu anguniarneqassanngilaq, kisiannili aatsaat iluaqutissanik misissueqqissaarnerit tamatuma maanna atugaasunut naleqqiullugu inuiaqatigiinnut kalaallinut iluanaarutissartaqarneranik takutitsippata aatsaat taamaaliortoqassaaq. Tamatumani pineqartut tassaasinnaapput aningaasaqarnikkut iluanaarutissat, kiisalu sullitat tunisassianik qinigassaqarnerulerisigut iluanaarutissat. Aammattaaq tassani naliliiffigineqartariaqarpoq ammanerulersitsinermi iluanaarutissat niuerneramik

qilersorsimangitsumik nakkutilliinermi inatsisiliuussinermilu allaffissornermut aningaasartuutissanit annertunerunersut.

Siulersuisoqarnermut allattoqarfik, ITEK aamma TELE Greenland A/S ingerlatseqatigiiffiup TELE Greenland A/S-ip ingerlatseqatigiiffinnut nammineq ingerlasunut arlalinnut aggorneqarnissaa pillugu mianersoqqussuteqarput. Tamanna annertuumik aningaasartuuteqarfiussaaq, angisuunik ingerlatsinermi iluanaarutissat pioreersut annaaneqarsinnaapput, aammalu ingerlatseqatigiiffiup attaveqaatinik suliaqartuusinnaasup niuernerminni tunngavissaqannginnera ingerlatseqatigiiffiup taamaattup niuernikkut pisariaqartitanik tunniussisinnaannginneranik isumaqartussaassaaq. Taamatuttaaq Kalaallit Nunaata nunap immikkoortuinut arlalinnut aggulunneqarluni akuersissutinik tuniiaqartunut assigiinngitsunut agguassisoqarsinnaalernissaa annilaanganartoqartinneqarpoq. Taamatut agguineq ilaatigut angisuunik ingerlataqarnermi iluaqutissanik pioreersunik piiavusussaavoq.

Ineqarnermut Attaveqarnermullu Pisortaqarfik isumaqataavoq, ingerlatseqatigiiffik aggorneqasappat tamatuma aallartinnginnerani tamanna isumaliutigilluaqqaartariaqarmat. Agguineq suliaassaavoq annertooq, taamaattumillu aningaasat atugassat annikippata, soorlu naatsorsuutitnik agguaanikkut, tamanna piviusunngortinneqartariaqarani. Peqqussutissatut siunnersuummi suliniutit arlallit, naatsorsuutitnik pitsaasumik agguinissap anguneqarsinnaanissaannik qulakkeerisussarpiat tunngavissiuunneqarput. Taamatuttaaq taamatut aalajangiinnginnermi nunap immikkoortuinut agguinissap kingunerisassai misissoqqissaarneqartariaqarput. Tassanissarlumalittassatut pingaarneq, tassalu suliniutissap toqqakkap aallartinneqartinnani inuiaqatigiinnut tamarmiusunut iluaqutaasariaqarnera atuutsinneqassaaq.

TELE Greenland A/S allappoq, qaammataasatigut attaveqaqatigiinnermut aningaasartuutit nunarsuarmi sumiiffinni allani pisinnaasanut aningaasartuutit inngitsut, taamaattumillu Kalaallit Nunaanni nunanut allanut sanilliullugu attaveqaqatigiinnermut aningaasartuutit apparitornissaat naatsorsuutigineqarsinnaanngitsaq. Tassanissaaq atuneq malillugu akeqartitsinerup peerneqarnissaata annilaanngatigineqarnera oqaatigineqarpoq.

Tassunga tunngatillugu oqaatigineqassaaq, ammanerulersitsisoqassappat pisinnaasanut aningaasartuutit apparnissaat piumasaqaatigineqanngimmat. Kiisalu aamma atuneq malillugu akeqartitsinerup peerneqarnissaa siunnerfigineqanngilaq, kisiannili pisinnaasamik aalaakkaasumik, soorlu radiokedemi pisisinnaanissaq siunnerfigineqarluni. Pisinnaasamat taamaattumut akigititaasoq aningaasartuutit malillugit aalajangerneqassaaq, taamaattumillu akisungaatsiarnissaa ilimagineqarsinnaalluni. Taamaattumik atukkat malillugit akiliisitsisarnissap pisariaqartinneqarnera ingerlaannassaaq.

Peqqussutissatut siunnersuummi paragraffinut ataasiakkaanut oqaaseqaatit:

Siunnersuummi § 1-imut

TELE Greenland A/S-ip ilaatigut erseqqissaatigaa:

Sullissinerit naatsorsuiffigineqartut naligiinngillat. Bredbåndimut attavilikkamik internettikkut sullissineq sullissinermut nammattuuvooq, IP-telefoniimik (oqaaseqaatini oqarasuaatilinnik sullissinertut taaneqartoq) aammalu sullississutit maanna nalunaarasuartaatinut attaviit atorlugit sullissinertut maanna tuniniagaasut amerlanersaannik ingerlatitseqqissinnaasusaaq. Atortut ledningeqanngitsut atorlugit internettimut attaviliinermi mobiltelefonit atorlugit attaveqaqatigiinnermi sullississutit ingerlateqqinneqarsinnaassapput. Taamaattumik sullissinerit ilassutitullu sullissinerit, § 6 (maanna § 5-inngortoq), imm. 1-imut oqaaseqaatini avinneqarnerat tamakkiisuunngilaq. Tamatuma kingunerisaanik internettikkut sullissinerup nunap immikkoortuata ataatsip iluani ammanerulersitsineq sumiiffimmi tassani nalunaarasuartaatitigut sullissinernik tamakkiisunik ammanerulersitsinermik nassataqassaaq. Kisiannili mobiltelefonikkut attaveqaqatigiinnermut sullissinermi atortunut ledningeqanngitsunut attaveqaatit ataatsikkut ammanerulersinneqarnissaat apeqquataassaaq.

Internettimi sullissinerit attaveqaatit iluaniinngillat, silataaniillutilli, tassalu terminalini atortuni. Assersuutigalugu tassaasinnaavoq PC-mi "WEB browseri", IP-Telefoni imaluunniit WEB Serveri. Taamaattumik internettikkut attaveqarnermi sullissisup aallaqqaammut sullitaminut attaveqaatinut nammattumik atugassiissaaq, taakkulu sullissisumit sullississutinik pissarsisinnaassapput, kisiannili aamma nunap iluani nunaniluunniit allani sullississutinik tuniniagaqartunit allanit pissarsisinnaassallutik.

Imm. 1, pkt. 5 pillugu): Pilersuisut atuisullu akornanni attaveqaatit naapiffii (nettermineringspunkt) atuisup aamma nalunaarasuartaatitigut attaveqaqatigiinnermut atortut akornanni tunngavittut taaneqarmata, aalajangersakkami nalunaarasuartaateqarnermut atortut, assersuutigalugu sullississutinik ammanerulersinneqarsimasunik ataqatigiisitsisut Namminersornerullutik Oqartussat kisermaassiviisut isigineqarsinnaanngillat, taamaattumillu inatsisitigut maleruagassiuunneqartussaanatik – tamatumani atortut Kalaallit Nunaata iluani imaluunniit Kalaallit Nunaata nunallu allat akornanni atorneqartussatut sananeqarsimagaluarpataluunniit. TELE-p naliliinera malillugu inatsisit annertuumik putoqqunneqarsinnaapput, siumut ilisimareerneqarsinnaanngitsunik kinguneqarsinnaasumik.

Pisortaqarfik isumaqataavoq, nalunaarasuartaateqarnermi sullissinerit maanna atorneqartut, inatsisikkut atuuttukkut ingerlateqqinneqartut akornanni immikkoortitsineq nassuiaanissamat tunngavissamik atorsinnaasumik tikkuussinngimmata, suliaqarfiit assigiinngitsut ataatsikkoortumik ineriartornerisa nassatarisaanik pisinnaasat, siornatigut nalunaarasuartaateqarnermi sullissinerni ataasiakkaani ilisarnaataasimasut maanna internettikkut taamaalillunilu internetti ikiortigalugu ingerlanneqarsinnaalermata.

Malitassatut pingaarneq tassaavoq, inatsimmi maanna atuuttumi aamma siunnersuummi matumani Namminersornerullutik Oqartussat nalunaarasuartaatitigut attaveqarnermik tuniniagaqarneq ataatsimut isigalugu kisermaassisuunerat, suliasat immikkut ittut inatsimmi taaneqartut kisiisa pinnagit. Ineriartornerup nassatarisaanik nalunaarasuartaatitigut sullissinerit assigiinngitsut immikkoortiterneri

isumaarussimavoq, taamaattumillu § 1 Namminersornerullutik Oqartussat kisermaassiffiunik tamakkiisunik aammalu suliassanik immikkut ittunik ilaatinneqanngitsunik paasissutissiiviinnanngorlugu allanngortinneqarpoq.

Siunnersuummi § 2-mut

TELE Greenland A/S-ip ilaatigut erseqqissaatigaa:

Naalackersuisut illoqarfiup nunaqarfiulluunniit ataatsip iluani atortut ledningeqanngitsut atorlugit attaveqaqatigiinnermik ammanerulersitsinissaq aalajangissappassuk, allaffissornerinnakkut illoqarfinni nunaqarfinnilu kabelitigut attaveqaatinik tullerüiaaraluni ammanerulersitsinnaanermut ingerlaannartumik ammaassisogarnissaa isornarluinnartutut oqaatigineqarsinnaavoq. Inatsisip oqaasertaani "pisuni immikkut ittuni" aamma inatsimmut oqaaseqaatini "pisut immikkut ittut pineqartillugit" nalunaarasuartaateqarnermi aqutsisut suliassaqarfimmut aalajangiisinnaaneranannut, ilami allaat ammanerulersitinissamik qinnuteqaatinut akerliliisinnaaneranannut tunngavissatut qajannarpallaatut isigineqartariaqarput. Minnerpaatut pissutsit suut nalunaarasuartaateqarnermi aqutsisut allaffissornerinnakkut illoqarfinni nunaqarfinnilu kabelitigut attaveqaatinik ammanerulersitsinissamik aalajangiisinnaaneranannut tunngavigineqassanersut nassuiarneqartariaqarpoq.

Tassunga tunngatillugu oqaatigineqassaaq, oqaaseqaatit taaneqartut erseqqissaasiorneqarmata.

Siunnersuummi § 6-imut (§ 5-inngortumut)

TELE Greenland A/S-ip erseqqissaatigaa:

Allamik allassimasoqanngippat, aammalu inatsisissatut siunnersuummi TELE Attaveqaatit aktiaatileqatigiiffimmut allanngortinneqarnissaa pillugu Inatsisartut peqqussutaanni § 2, imm. 1-ip atorunnaarsinneqarnissaa allanngortinneqarnissaaluunniit oqaatigineqanngippat, tamanna akuersissutip pineqartut TELE Greenland A/S-imut tunniunneqartussaananeramik paasineqassaaq. Allaanngilaq – 2005-imi siullermeerluni siunnersuusiorderup kingorna – inatsisit immersugassaaq aammattaaq nunap akuersissuteqarfinnut arlalinnut aggorneqarsinnaananeramik ilaneqarnissaa pillugu aalajangiinerup kingunerisassai siunnersuummi matumani iluarsineqarsimangitsut.

Aalajangersakkakkut matumuuna nunap immikkoortuini assigiinngitsuni sullississutinik assigiinnik tuniniagaqartut amerlanerulersinnaananeramik ammaanneqarpoq. Tamatuma kingunerisaanik angisuunik ingerlatsinerit atornerutissapput, aammalu sullissineq assigiimmik ingerlanneqarnerisooq, tassalu soorlu Nanortalimmi innuttaasut Upernavimmi innuttaasut pineqarnerisa assinganik pineqarnerisut nalileruminaallisinnaalluni.

Naalackersuisut ilaatigut niuernerpalaartumik imarsiortunut sullissinermik tuniniagaqarnerup ammanerulersinneqarnissaanik piginnaatinneqarput, tassunga

ilaalluni nunap immikkoortuinut killiliinissaq. TELE Greenlandip aningaasaliissutigisimasai annertuut eqqarsaatigalugit, kiisalu suliat taakku NIS-imik (ajunaalernerq, nukingiussineq isumannaassuserlu) sullissinernut ilaatillugit isumagineqarmata tamanna naleqqutinngitsutut isumaqarfigineqarsinnaavoq. Sullissinerit taakku ammanerulersinneqartariaqanngillat, tamatuma ilaatigut nassatarisaanik TDC-mut isumaqatigiissummut tunngaviusoq tamarmi annaaneqartussaammat. Sullissinerit pilersuisussaataaffittut ingerlanneqartariaqarput, taamaalillunilu TELE akuersissummik pigisaqartutut amigartoorutiminut matussusiivigineqartariaqarluni.

Imm. 2 pillugu: Tassani immikkut ittumik pisinnaatitaaffiit qanoq isumaqarnersut erseqqinnigilaq.

Siunnersuummi tassani Internettimut VAS (Value Added Services) kisimi sammineqarpoq – VAS-ip ilaa annertoq aamma mobiltelefoninut attaveqaatiniissaaq. Tassunga maleruagassat aamma maanga atuuppat? TELE Greenland-ip sullississutit taakku avammut attavilissavai?

Naalackersuisut teknologii il.il. atorlugu aaqqiissutissanik toqqaasassappata, tamanna siunertarisamut naleqqutinngilaq. Taamaalilluni ingerlatseqatigiiffiup oqarsinnaatitaaffiisa akisussaaffiisalu killingi pillugit nalornisoornerit pisariaqanngitsut pilersinneqassapput. Naalackersuisut sullissinerit immaqalu taakku pisinnaasaasa (isumannaassuseq, pitsaassuseq, psinnaassuseq) suut neqeroorutigineqartarnissaannik piumasaqaateqartarnissaq killiffigisariaqarpaat.

Allanneqarpoq akuersissummik pigisaqartup ingerlatsinermi suliassanik Namminersornerullutik Oqartussanut sullissisarnera naapertuutinngitsoq. Tamanna unammillernermik oqimaaqatigiikkunnaarsitsinermik pasillerneqarsinnaanermik nassataqassaaq.

Tamatumunnga tunngatillugu Pisorta qarfirmiit oqaatigineqassaaq, nalunaarasuartaatitigut attaveqaqatigiinneq nalunaarasuartaateqarnermilu sullissinerit pillugit Inatsisartut peqqussutaani atuuttumi kiisalu nalunaarusiani tamanna tunngavissinneqanngimmat, imaluunniit TELE Attaveqaatit aktiaatileqatigiiffittut allangortinneqarnera pillugu Inatsisartut peqqussutaani akuersissutinik amerlanerusunik tunniussinissaq ajornartinneqarmat.

Inatsimmut atuuttumut oqaaseqaatit naapertorlugit Namminersornerullutik Oqartussat akuersissutinik amerlanerusunik tunniussisinnaanerat periarfissinneqarpoq, taamaalillunilu nalunaarasuartaatitigut sullissinermi arlalinnik akuersissuteqarfiusuni pisinnaatitaaffinnik immikkut ittutut taaneqartunik atuutsitsilersinnaaneq periarfissinneqarluni. Pisinnaatitaaffik immikkut ittoq tassaasinnaavoq sullississutip pineqartup Kalaallit Nunaat tamakkerlugu tuniniarneqarnissaanut akuersissummik ataasiinnarmik tunniussisoqarnissaa, kisiannili aamma pisinnaatitaaffik immikkut ittoq tassaasinnaavoq sullississutip pineqartup nunap immikkoortuani killilikkami tuniniarneqarnissaanut akuersissut.

Pisortaqarfiup isumaqatigaa niuerfimmi Kalaallit Nunaattut ittumi, nunap innuttaasullu aggorneri pequtaallutik niuerfimmu tassunga ilisarnaataasumik killeqartitsiviusumi nunap immikkoortuinut killilikkamik akuersissuteqarnermi pisinnaatitaaffinnik immikkut ittunik atuutsitsilernissaq ajornakusoorsinnaammat. Taamaattumillu taamatut aalajangernissaq piviusunngortinneqassappat, tamatuma pinnginnerani kingunerisassat paasiniarnissaat pingaaruteqarluinnarpoq.

Naalackersuisut imarsiortunut sullissinernut akuersissuteqarnissamut piginnaatinneqarput. Piginnaatitsisinnaaneq taanna inatsimmi atuuttumi pigineqareerpoq.

Namminersornerullutik Oqartussat kisermaassiffiinut VAS, aammattaaq mobiltelefoninut attaveqaatinut atuuttoq ilaatinneqanngilaq. Avammut attaviliinissamut isumaqatigiissutit pingaarnertut niuernerpalaartumik piumasaqaateqarfiusumik isumaqatigiissutigineqartussaapput. Taamaattorli akuersissummik pigisaqartut avammut attaviliinermi piumasaqaatinik aalajangersimasunik malinninnissamut pisussaaffilerneqarsinnaassapput. Tamanna akuersissummi pineqartumi allasimasassaaq.

Pisortaqarfiup isumaqatigaa Naalackersuisut teknologiimut atortunik aalajangersimasunik toqqaasinnaanerat naapertuutinnimmat. Oqaasertaliornera allanngortinneqarpoq, taamaalillunilu Naalackersuisut atorsinnaassutsimut piumasaqatinik aalajangersaasalissapput, tassunga ilaallutik sullississummi pineqartumi isumannaassuseq pitsaassuserlu, kiisalu pisinnaasaq.

Suliassanik immikkut ittunik immikkut iluanaarutigiginagu imaluunniit toqqaannartumik amigartooruteqarfialugu suliqartarnissamut pisussaaffiliineq maleruagassanik atuuttunik nangitsineruvoq. Ammanerulersitsinerup imaluunniit akuersissutinik amerlanerusunik agguaanerup kingunerisaanik akuersissummik pigisaqartup niuerfiinut akornusiinerit Naalackersuisut suliassanut taamaattunut piumasaqaatinik qanoq ittunik aalajangersaanissaannut isumaqartorujussuummata tamanna ilumoorpoq.

Namminersornerullutik Oqartussat sullillugit ingerlatsinermi suliassanik isumagisaqarnissamut pisussaaffiliineq Naalackersuisut nalunaarasuartaateqarnermi aqutsisunik, ilaatigut suliassanik taamaattunik isumaginnittuusussanik pilersitsinissamik aalajangiinissaasa tungaanut maanna suleriaasiusup nanginnissaanut tunngavissatuinnaq isigineqassaaq.

Siunnersuummi § 7-imut (maanna § 6-inngortumut)

TELE Greenland A/S-ip erseqqissaatigaa:

Aalajangersakkami uani qanoq isumaqartoqarnersoq erseqqissarneqassaaq – Allat TELE Greenlandip illoqarfinni nunaqarfinnilu kabelitigut attaveqaataannik – sulinermi "kanngussak akoqanngitsoq"-mi taagoneqartunik – atuisinnaanerannik oqarnermi qanoq eqqarsartoqarnersoq eqqoqqissaartumik erseqqissarneqassaaq.

Ataatsimut illusimatitsinissamut pisussaaffik illunut, sarfamik atuinnermut il.il. aningaasartuutunik annertuunik nassataqartussaassaaq. Tassani killilersuisoqassaaq (assersuutigalugu inissaqartitsinerinnarmi) aamma TELE-p ataatsimut illusimatitsinermi aningaasartuutiginerusassaasa akilerneqarnissaat qulakkeerneqassaaq.

Pisortaqarfiup tamatumunnga atatillugu erseqqissaatigissavaa, inatsisip oqaasertaani allannguisoqarmat, Naalakkersuisunut attaveqaatinik ataatsimut atuinnermut maleruagassanik sukumiinerusunik aalajangersaanissamut piginnaatitsiviusumik. Ataatsimut illusimatitsinissamut pisussaaffeqarneq tunngavimmigut akuersissummik pigisaqartup aningaasartuuteqarnerulerneranik nassataqassanngilaq. Taamaalilluni ataatsimut illusimatitsinissamut akiliisarnissap isumalluutit atorneqartut akilerneqartarnerinut ilaatinneqarnissaa naatsorsuutigineqarpoq. Kiisalu tassani siunertaanngilaq, soorlu inissat eqqarsaatigalugit ataatsimut illusimatitsinissaq pisinnaatinnagu akuersissummik pigisaqartup centraliutiminik alliliinissamut peqquneqartarnissaa.

Aammattaaq TELE Greenland A/S-imit malugineqarpoq, § 7, (maanna § 6-inngortoq), imm. 1-imi a)-mut oqaaseqaatini Kalaallit Nunaanni aveqatigiinnissamut aallaavimmik IX-imi atuutsitsilernissaq siunnersuutigineqartoq. Kalaallit Nunaata nunataata pissusaa eqqarsaatigalugu Kalaallit Nunaata iluani internettikkut attaveqarnerit tamarmik aveqatigiinnissamut aallaaviusussamut attavilernerneqarnissaat naapertuussinnaanngilaq – illoqarfii tamarmik immikkut peqartariaqassapput. Tassani apeqqummik pinngortoqarpoq, tassalu attaveqaatit IX-inik taakkuninnga ataatsimut atassusiisussat qanoq ilillutik aningaasalersorneqassappat. Attaveqaammik taamaattumik ikkussisoqanngippat, tamatuma kingunerissavaa akuersissummik pigisaqartup, illoqarfinni nunaqarfinnilu internettikkut sullississutinik iluanaarnannginnerusunik tigumminiinnartussatut naatsorsuutigisariaqartup Nuummi IX-imiit nunap iluani aallaavinnut pineqartunut tamanut attaveqarnermut aningaasartuutit nammattariaqalissavai.

Attaveqaatinik ataatsimut atuinnermut akigititassat aningaasartuutitut naapertuunnissaat pillugu oqarnermi sunarpiaq isumagineqarnerisoeq erseqqinngilaq, illuatungaatigullu atuinerup annertussusiata annertususaannut apeqqutaannginnissaat siunnerfigineqarluni.

Erseqqissarneqassaaq tuniniagaqartut aningaasatigut ajornartorsiuteqalersut kikkulluunniit, piffissami sivilissusiligaanngitsumi aammalu amerlassutsimikkut aalajangigaanngitsunik akuersissummik pigisaqartumit akiitsorsinnaanissartik naatsorsuutigisinnaassammassuk. Tunngaviatigut tamanna ima isumaqassaaq, akuersissummik pigisaqartup akiliisarnermik unitsitsinerni/akiliisinnaajunnaarnerni tamatigut akileeqqussummik naammassineqanngitsumik tigummiqarluni akiitsoqarfittut kiserngoruttarnissaa, tassanilu akiliisussaq ataasiinaavoq, tassalu sullississutinik akuersissuteqarfiusunik atuisoq. Akuersissummik pigisaqartoq tuniniaasumut ajornartorsiortumut pilersuisutut allatulli periarfissinneqartariaqarpoq, tassalu akiligassat isumaqatigiissutaasut piffissami isumaqatigiissutaasumi akilerneqanngippata pilersuinnermik unitsitsinnaasariaqarpoq, akiliisarnermillu ersarissumik sumiginnaasoqartillugu

akuersissummik pigisaqartoq atugassarititaasunik naammaginartunik qulakkeerivigineqartariaqarpoq, aammalu inatsisinut allanut (isumaqatigiissuteqartarneq pillugu inatsimmut) naapertuuttunngortitsisoqartariaqarpoq. Taamatuttaaq akiliinissaq qularineqanngippat inatsisit atuuttut naapertorlugit akiliussigallarsinnaanissaq periarfissinneqartariaqarpoq.

Pisorta qarfirmiit tamatumunnga tunngatillugu erseqqissaatigineqassaaq, IX-imik pilersitsinissaq aalajangerneqassagaluarpat naatsorsuutigeriinngisamik kingunerisassaasinnaasut isummerfigineqassammata, tak. inatsisinut aalajangersakkanik allanik immersugassanut tunuliaqutassatut suleriaatsit. Atuineq malillugu akeqartitsinermut tunngatillugu oqaaseqaatini nalinginnaasuni siuliani allassimasuni pisorta qarfiup oqaaseqaatai innersuunneqarput.

Akuersissummik pigisaqartup pilersuineramik unitsitsisinnaaneranut tunngasut siunnersuummi allannguiffigineqarput, taamaalillunilu Naalakkersuisut akuersissummik pigisaqartup attaveqaatinik ataatsimut atuineramik unitsitsisinnaaneranut imaluunniit killilersuisinnaaneranut maleruagassanik aalajangersaasinnaalerput. Naalakkersuisut allamik aalajangiinissaasa tungaanut, akuersissummik pigisaqartoq pilersuisutut allatulli isumaqatigiissutinik naammassinnittoqanngitsoortillugu pilersuineramik unitsitsisinnaapput. Pisariaqartitsisoqarnera paasineqarpat Naalakkersuisut nalunaarasuartaateqarnermi aqutsisut attaveqaatinik ataatsimut atuinermi killilersuinissamut unitsitsinissamulluunniit akuersisarnissaannut maleruagassanik atuutsitsilersinnaapput.

Siunnersuummi § 8-mut (maanna § 7-inngortumut)

TELE Greenland A/S-ip erseqqissaatigaa:

Inatsimmi immersugassami inoqutigiinnut apuunnissamut aalajangersimasumik piffissaliinissaq pingaartumik isumalittut isigineqarsinnaanngilaq. Angallannermi pissutsinut ajornakusoortunut atatillugu, soorlu nunaqarfinnut angalanermut atatillugu piffissaliusaaq naammassissallugu ajornarsinnaavoq.

Oqaasiliaq taaneqartoq allanngortinneqarpoq. Akuersissummik pigisaqartup sumiiffimmi pineqartumi piginnittoq/najugaqartoq eqqarsaatigisassavaa.

Siunnersuummi § 11-mut (maanna § 10-nngortumut)

TELE Greenland A/S-ip erseqqissaatigaa:

Suliassat ingerlatseqatigiiffiup akuersissummik pigisaqartup allanut toqqaannartumik unammillerluni ingerlatsineranut tunngasut eqqarsaatigalugit, suliassaqarfinni taakkunani paasissutissiisussaatitaaneq tuniniagaqartup unammillertuusup peqquneqarneranit annertunerussanngillat.

Tassunga tunngatillugu oqaatigineqassaaq, akuersissut pisinnaatitaaffinnik immikkut ittunik pisussaaffinnillu nassataqartarmat, taamaattumillu Naalakkersuisut paasissutissanik, pisinnaatitaaffinnut pisussaaffinnullu taakkununga attuumassuteqartunik pisariaqartassapput. Akuersissut naapertorlugu suliat suliaasaqarfimmi ammanerulersinneqartumi suliarineqarpata, paasissutissat taakku suliarinerini akuersissummik pigisaqartup unammillernermi sulinissamut periarfissai eqqarsaatigineqassapput.

Siunnersuummi § 12-imut (maanna § 11-nngortumut)

TELE Greenland A/S-ip erseqqissaatigaa:

Namminersortunngorsarneqarsimasumi "time-to-market" unammilleqatigiissinnaassusermik naliliiniarnermi aalajangiisorujussuussaaq. Ingerlatseqatigiiffiuteqartut allat tamarmik assigiimmik qilersorsimaneqaratik ingerlasinnaappata, ingerlatseqatigiiffiuteqartunut qinnuteqaatit suliarineqarnerisa akuersissutinik qinnuteqaatit qaammaterpassuit politikikkut allaffissornikkullu aqussatigoorlutik ingerlasarput. Tele atorlugu atortut nutaat allanik nutaanerik taarserneqannginneranni piffissaq atuuffigisinnaasaat killeqartorujussuusarpoq, tamatumani isertitsissutaasinnaaneri pisariaqartinneqartut killeqartorujussuusinnaasarlutik, unammillertillu niuernikkut atortutigut siuarsimanerujussuullutik niuerfinnillu annertuumik tigummiaraqalernissaannik periarfissinneqartarlutik, ingerlatseqatigiiffiup atortunik nutaanik tuniniaanissamik akuersissummik qinnuteqaatigisaata suliarineqarnerani.

Pisortaqaarfik isumaqataavoq, akuersissummik pigisaqartup qinnuteqaataasa suliarinerini, kiisalu nalunaarasuartaateqarnermi aqutsisut § 12 (maanna § 11-nngortoq), imm. 6 naapertorlugu suliassanik isumagisaqarneranut aalajangersaanerme akuersissummik pigisaqartup niuernermi ammanerulersinneqartumi sulinissamut periarfissai annertunerpaamik eqqarsaatigineqassammata.

Siunnersuummi § 15-imut (maanna § 13-inngortumut)

TELE Greenland A/S-ip erseqqissaatigaa:

Pineqaatissiinissamut periarfissiisoqanngilaq, tuniniagaqartut pineqartut qinnuteqaatinik akuersisinnaatitaanngimmata. Tamatumunnga atatillugu erseqqissaatigineqassaaq ilaatigut Kapitali 9-mi pineqaatissiinissamut aalajangersagaqanngimmat, ilaatigut maleruaqqusanik assigisaannilluunniit, pineqaatissiisinnaanermut aalajangersakkanik ilanngussisoqarsinnaaneranik tunngavissiisoqarani.

Tassunga tunngatillugu oqaatigineqassaaq, kapitali 10-mi pineqaatissiisinnaanermut aalajangersakkat allannngortinneqarmata, taamaalillunilu nalunaarasuartaateqarnermi aqutsisut peqqussutaannik naammassinninnginnermi akiliisitsinermik pineqaatissiisoqarsinnaalerluni.

Siunnersuummi § 17-imut (maanna § 15-inngortumut)

TELE Greenland A/S-ip erseqqissaatigaa:

Matumani oqaatsit, soorlu sullississutini ataasiakkaani "oqimaaqatigiisitsilluni naatsorsukkat", "aningsaasaatinik nuussineq", tassunga ilanngullugu "niuerfiit ataasiakkaat akornanni aningsaasaatinut akisussaaffiusunut aallarniutininik akiliineq niuernermi aningsaasaqarnermut tunngavissat malillugit pissapput" il.il. ilisaritinneqarput. Taamatut piumasaqaateqarnermi naatsorsuutininik annertulluinnartuninik saqqummiussissarnissaq siunnerfigineqarpoq, tassanilu tunngaviatigut sullississutit ataasiakkaat tamarmik immikkut naatsorsuutininik, tunngavimmikkut ingerlatseqatigiiffiup ilivitsup naatsorsuutit saqqummiuttagaasa annertoqqataannik saqqummiussisalissapput. Tamatuma saniatigut ingerlatseqatigiiffiup iluani sullississutininut aningsaasartuutininik naatsorsuinerup oqallisigineqarnerani oqaatsit isumaqanngitsut atornerqarput, soorlu "aningsaasaatit akisussaaffiusut". Nalunaarasuartaateqarnermi aqutsisut maleruagassiornissaminnut takussutissanik nassuiarlukkanik pisariaqartitsinerat paasinarpoq, kisiannili oqaatsit atornerqartut tunngavigalugit sakkortuumik erseqqissaatigineqassaaq, akuersissummik pigisaqartoq piumasaqaatit taakku naammassiniarlugit allaffissornikkut annertuuninik aningsaasartuutitigullu oqimaatsunik suliakkerneqartussaasoq.

Tassunga tunngatillugu oqaatigineqassaaq, paasissutissat taaneqartut nalunaarasuartaateqarnermi aqutsisut suliassaminnik naammaginartumik isumaginissappata pisariaqartussaammata. Tamatumanili akuersissummik pigisaqartoq naatsorsuutimik ilusilersuinissaa pillugu aalajangersaanermi annertunerpaamik eqqarsaatigineqartariaqarpoq

Siunnersuummi § 18-imut (maanna § 16-inngortumut)

TELE Greenland A/S-ip erseqqissaatigaa:

Nalunaarasuartaateqarnermi suliassaqarfik tamakkiisumik eqqarsaatigalugu nalunaarasuartaateqarnermi aqutsisut qilersorsimaneqanngitsorujussuit, tamanna pillugu killiligaanngitsut suliassanik qanorluunniit ittunik, suliassaqarfiisa ataanniissorineqarsinnaasunik aallartitsisinnaanerit toqqissisimananngitsutut isigisariaqarpoq. Aningsaasartuutissat Inatsisartut aningsaasanut inatsisaat (tak. § 30) (maanna § 28-inngortoq) aqqutigalugu aalajangersarneqartartussaagaluartut, tamanna suliassaqarfimmi sulisut akerliliisinnaanerannut periarfissiinnigilaq. TELE-mit naliliineq malillugu oqaasertaliussa qammaannartoq saniatigut annertuuninik aningsaasartuuteqarnissamik piumasaqarnissamut periarfissiivoq – aallaqaammullu TELE kisimiilluni akuersissummik pigisaqartutut imaluunniit tuniniaasutut anginerusutut taakkununga kisimiilluni akiliisussanngussaaq.

Tassunga tunngatillugu oqaatigineqassaaq suliassamik toqqakkamik aallartitsinissaq naliliiffiginarneqartillugu assigiinnik sanilliussineq atornerqartassamat. Taamaalilluni Kalaallit Nunaanni nalunaarasuartaateqarnermik niueruteqarnerup

annertussusaa suliassat suut aallartissallugit naleqqunnerpaanersut naliliinissamut sunniuteqartorujussuusaaq.

Siunnersuummi § 21-mut (maanna § 19-inngortumut)

TELE Greenland A/S-ip aamma Unammilleqatigiinnermut Ataatsimiititaliap Atuisartunullu Siunnersuisoqatigiiffiup ataatsimut allattoqarfiata erseqqissaatigaat, siunnersuut taamaallaat siulittaasumik toqqaanissamut tunuliaqutaqarnissamullu piumasaqaateqarfiummat. Kiisalu Naalakkersuisut allattoqarfittut ikiorsiinissaa tunngavigalugu nalunaarasuartaateqarnermi maalaaruteqartarfiup qilersorsimanngissusia apeqquserneqarpoq.

Ineqarnermut Attaveqarnermullu Pisortaqaqfiup tamatumunnga tunngatillugu erseqqissaatigissavaa, tamatumani nalunaarasuartaateqarnermi maalaaruteqartarfimmu ilaasortat sinnerinik nalunaarasuartaateqarnermik suliassaqaarfimmit innersuussisoqarnera tunngavigalugu Naalakkersuisut toqqaasarnissaat siunertarineqarmat. Tamanna § 21 (maanna § 19-inngortoq), imm. 3-tut ilanngunneqarpoq.

Aamma Pisortaqaqfik isumaqataavoq, nalunaarasuartaateqarnermi maalaaruteqartarfiup politikku qilersorsimannginnissaata qulakkeernissaa pingaaruteqarmat. § 21-mi (maanna § 19-inngortumi) erseqqissarneqarpoq, Naalakkersuisut nalunaarasuartaateqarnermi maalaaruteqartarfiup suliaminik ngerlatsinerani naalakkiiusussaatitaanngitsut. Kiisalu nalunaarasuartaateqarnermi maalaaruteqartarfiup qilersorsimannginnissaanut tunngatillugu erseqqissaatigineqassaaq, nalunaarasuartaateqarnermi maalaaruteqartarfiup allattoqarfiata itigartitsissutigisinnaasai tamatigut nalunaarasuartaateqarnermi maalaaruteqartarfimmut maalaarutigineqarsinnaasassammata.

Unammilleqatigiinnermut Ataatsimiititaliap aamma Atuisartunut Siunnersuisooqatigiit ataatsimut allattoqarfiat nangilluni allappoq:

Maalaarutinut nalunaarasuartaateqarnermi ataatsimiititaliamut suliakkiissutigineqartunut kr. 500-nik akiliisitsisoqartarnissaa siunnersuutigineqarpoq. Maalaarut taparserneqaraluarpalluunniit akiliutissap taamaattup utertinneqarsinnaannginneratut isikkoqarpoq. Taamaattumik ataatsimut allattoqarfimmiit minnerpaatut siunnersuutigineqassaaq, akiliut taamaattoq maalaaruteqartoq tamakkiisumik ilaannaasumilluunniit taparserneqartillugu utertinneqartassasoq. Tamanna minnerpaatut maalaaruteqartarfimmi sulinermut nalinginnaasumut (Danmarkimi) naapertuutissaaq.

Assigiinngitsunik peqquteqartumik, tak. siuliani allassimasut, akeqanngitsumik maalaaruteqarsinnaaneq periarfissinneqarsinnaavoq. Tamatumunnga atatillugu ataatsimut allattoqarfimmiit ilisimatitsissutigineqassaaq, Inatsisartut avatangiisinik illersuinermi maalaaruteqartarfiat 2005-imi maalaarutinik marlunnik tigusaqarsimammat, kiisalu atuisut maalaaruteqartarfiata suliata tigusaat arfineq pingasuusimallutik. Suliassat tiguneqartartut ikittuinnaasarmata tamanna tunngavigalugu nalunaarasuartaateqarnermi maalaaruteqartarfiup suliassat

tigusartagassai eqqarsaatigalugit kr. 500-nik akiliuteqartitsisarnissaq suliamut tunngavissatut naapertuuttutut isigineqarsinnaangilaq. Tamatumunnga atatillugu ataatsimut allattoqarfimmiit malugineqarpoq, ineqarneq pillugu maalaaruteqartarfik nutaap maalaaruteqarnermut akiliut kr. 150-inik annertussusilersimagaa; naak tassani "naammagittaatsunit suliassat" nalunaarasuartaateqarnermi maalaaruteqartarfingortussami suliassanit annertunerungaatsiarnissaat ilimanaraluartoq.

Aamma Kalaallit Nunaanni eqqartuussivinnut suliakkiinermi akiliuteqartitsisarneq pillugu inatsimmik atuutsitsisoqanngikkaluartoq, ataatsimut allattoqarfiup isumaa malillugu tamanna ilanngullugu eqqarsaatigineqartariaqarpoq. Tamanna tunngaviugaluartoq maalaaruteqartarfimmut, sulianut aqutsisoqarfimmit, nalunaarasuartaateqarnermi aqutsisunit, aalajangiiffigineqareersunut misilinneqartussanut kisimiilluni aalajangiisuusussamut maalaarummik tunniussinermi akiliuteqartitsisarneq "ajuallannartutut" misigineqarsinnaavoq.

Ineqarnermut Attaveqarnermullu Pisortaqarfimmit tamatumunnga tunngatillugu oqaatigineqassaaq, nalunaarasuartaateqarnermi maalaaruteqartarfiup niuerfimmi sullissisuusut akornanni suliassanut tunngasunik suliaqartarnissaa pingaarnertut siunertarineqarmat, tassalu suliat annertunerusut, inatsitsigut teknikkikkullu paasisimasaqarnermik pisariaqartitsiviusut. Ataatsimut allattoqarfiup oqaaseqaatai tunngavigalugit allannguisoqarpoq, taamaalilluni atuisunit maalaarutit nalinginnaasut ima amerlatigilissappata, allaat killilersuinissaq pisariaqartinneqalerluni, suliassanik tunniussinermi akiliuteqartitsisalersinnaaneq Naalakkersuisunit toqqarneqarsinnaalerluni. Taamatuttaaq Naalakkersuisut maalaaruteqartoq tamakkiisumik ilaannaasumilluunniit taperserneqarpat akiliummik utertitsisinnaaneq pillugu aalajangiinissamut tunngavissiuussisoqarpoq.

Unammilleqatigiinnermut Ataatsimiititaliap aamma Atuisartunut Siunnersuisooqatigiit ataatsimut allattoqarfiat nangilluni allappoq:

Ataatsimut allattoqarfiup nalunaarasuartaateqarnermi aqutsisuniit nalunaarasuartaateqarnermi maalaaruteqartarfimmut maalaaruteqarsinnaanermut tunngatillugu oqartussaasutut maalaarutigineqartutut inissinneqarnera, kiisalu ataatsimut allattoqarfiup Atuisut maalaaruteqartarfiannut tunngatillugu oqartussaasutut maalaaruteqarfigineqartutut inissinneqarnera eqqarsarnartoqarpoq. "Suleriaaseq" taanna innuttaasunut "takutitsinermi paatsiveerunnermik" pilersitsisinnaavoq, taamaattumillu nalunaarasuartaateqarnermi aqutsisut allaffissornerinnaq eqqarsaatigalugu ataatsimut allattoqarfimmut kattunneqannginnissaannik siunnersuuteqarnissamut tunngavissaasinnaalluni.

Pisortaqarfiup tamatumunnga tunngatillugu erseqqissaatigissavaa, ataatsimut allattoqarfimmut kattussinissami siunnersuutigineqartumi taamaallaat suliassaqarfiit qanitariit marluk sumiiffimmut ataatsimut inissinneqarnerisigut ataatsimut iluaqusiinnaaneq siunertarineqarmat. Allaffissornermut, ininut allanullu aningaasartuutit agguarneqarsinnaassapput, taamatullu ataatsimut allattoqarfiup piginnaasai, soorlu atuisunut sulianut tunngatillugu, nalunaarasuartaateqarnermi

aqutsisut sulinerannut iluaqutaasinnaapput. Pisortaqarfimmiit isumaqatigineqarpoq ataatsimut allattoqarfiup aamma nalunaarasuartaateqarnermi aqutsisut suliassaannut oqarsinnaatitaaffinullu tunngatillugu atuisut nalilersinneqannginnissaat pingaaruteqarmat. Taamaattumik "iluaqutaasumik" kattussiniarnissaq siunnerfigineqarpoq, allaffissornikkut ataatsimut aqutsisulinnik kattussinissaq pineqarani.

Siunnersuummi § 27-mut (maanna § 25-nngortumut)

TELE Greenland A/S-ip erseqqissaatigaa:

Inatsimmi oqaaseq "naalakkersuisut toqqaassapput" qanoq isumaqarnerseq sukumiinerusumik isummerfigineqartariaqarpoq, matumani ingerlatseqatigiiffiit namminersortut nalunaarasuartaatitigut sullissinernik tuniniagaqarnissamik suliakkerneqarnissaat tunngavissinneqarsinnaanngimmat. Tassanissaaq allassimasariaqarpoq pilersuisussaataaernermi sullississutinik ammanerulersinneqarsimannigitsunik aamma nalunaarasuartaatitigut sullississutinik ammanerulersinneqarsimasunik tuniniagaqarnermut atatillugu akuersissummik tunniussisoqartassanersoq. Akuersissut tunngavimmigut tassaavoq akuersissummik tuniniagaqartup aamma akuersissummik pigisaqartup akornanni isumaqatigiissut – aammalu isumaqatigiissut illuatungiliuttup kisimiilluni aalajangersarsimannigisaa.

Akuersissumik pigisaqartoq nunani allani normut pillugit paasiniaasarfittut annertuumik atuuffeqartutut ineriartortitsinissamik pisussaaffilerneqartariaqanngilaq. TELE ullumikkut taamatut atuutinngilaq, aammalu siunissami akuersissummik pigisaqartussaq taamaattariaqarani. Ullumikkut TDC-p nunani allani normunik paasiniaasarfia aperineqartarpoq, tamannalu naammaginartumik ingerlavoq. Danmarkimi normunik paasiniaasarnermi TDC-p tunisassiaanik atuisoqartarpoq, taannattaarlu aamma naammaginartumik ingerlavoq. Paarlattuanik Kalaallit Nunaanni sullissisut tamarmik paasisutissanik normunik paasiniaasarfimmu (ataatsimoorussamut) tunniussisarnissamut pisussaaffilerneqartariaqarput.

Tassunga tunngatillugu oqaatigineqassaaq, ingerlatseqatigiiffiit nalunaarasuartaatitigut sullississutinik, pilersuisussaataaaffiusunik, tuniniagaqareersut peqquneqartarnissaat kisimi tunngavissiuunneqarsimammat. Ingerlatseqatigiiffinnik pilersuisussaataaassanik toqqaanermi ilaatigut ingerlatseqatigiiffiup pineqartut akiliisinnaassusia, piginnaaneqassusia niuernermilu suliai eqqarsaatigineqartussapput. § 27 (maanna § 25-inngortoq), imm. 3 naapertorlugu pisussaaffiliunneqartunik naammassinninnginneq siunnersuummi kapitali 10 naapertorlugu akiliisitsinermik pineqaatissiiviusassaaq.

Aammattaaq TELE Greenland A/S-ip normunik paasiniaasarfik pillugu oqaaseqaatai Pisortaqarfimmit isumaqatigineqarput.

Inuussutissarsiornermut, Nunalerinermut Suliffeqarnermullu Pisortaqarfiup erseqqissaatigaa:

Pisortaqarfiup tunngaviatigut aningaasartuutit malillugit akeqartitsineq isumaqatigaa, kisiannili tamanna atuisunut ikinnerussuteqartunut eqquinerlussappat, Pisortaqarfiup isumaa malillugu allamik isummertoqartariaqarpoq. Pisortaqarfiup matumani pingaartumik eqqarsaatigisai tassaapput aningaasartuutaanerusussat annertuut, siunnersuummi pingaartumik savaatilinnut, outfitterinut allanullu, illoqarfiit nunaqarfïllu avataanni najugaqartunut akilersinniarneqartut. Pisortaqarfik isumaqarpoq inuussutissarsiutit siuliani taaneqartut siunnersuutikkut matumuuna eqqornerlunneqangaatsiartussaasut, tamannalu Naalackersuisut ilaatigut nunalerinermik inuussutissarsiuteqarnermik aallussiniarnerannut naapertuuttutut oqaatigineqarsinnaangilaq. Tamatuma saniatigut akinut assersuutit, najugaqarfiup avinngarusimasumiittup nalunaarasuartaatitigut sullissinernut akiliutissamisut naatsorsuutigisinnaasai Pisortaqarfimmiit amigaatigineqarput. Akit qaffasissusissaanik naliliiniarnermi nalornisoqangaatsiarsinnaasoq, aammalu akit najugaqarfimmiit najugaqarfimmut allanngorangaatsiarsinnaanerat nalunngilarput, kisiannili isumaqarpugut Naalackersuisut aalajangernissaannut tunngavissiami akinut assersuutinik/naliliinernik ilanngussinissaq pisariaqartoq.

Tassunga tunngatillugu oqaatigineqassaaq, Naalackersuisut nammineq akiliisarnissamik aalajangiinissamut *periarfissaannik* ammaassisoqassasoq. Nammineq akiliisarnissaq atuutsinneqalissappat, tamanna pilersuisussaataitanermut aningaasartuutit akuersaarnartumik appasitsinniarlugit pissaaq. Pingaartumik nunap pissusai immikkut ittut, Kalaallit Nunaanni nassaassaasut peqquutigalugit killilersuinissaq naleqqussinnaavoq, sullitat pilersuisussaataitanermik atuinissamut pisinnaatitaaffeqarnerminnik nittarsaassisinnaasut sullitanut tamarmiusunut naleqqiullutik amerlangaatsiarmata. Tamatuma kingunerisaanik aningaasaqarnikkut nammagassat, najugaqarfïit avinngarusimasuniittut pilersorniarlugit nalunaarasuartaateqarnermi sullitanut allanut ungasissummut attaveqarnermut akiliut aqquutigalugu akiligassanngortinneqartut annertusipallassinnaammata. Netverkit avammut atorsinnaanerat pitsaasoq aqquutigalugu inuiaqatigiit aningaasaqarneranni iluanaarutissat, immikkut sullinneqartut akilertagaat, attaveqaatinik pilersitsinermut aningaasartuutiniit annikinneralaarsuupput.

Akit aalajangersimanngitsut atorlugit telefoninut sullissinernik pilersitsisarnerit aamma nunani allani ilisimaneqarput, soorlu Tuluut Nunaanni. Kiisalu nammineq akiliuteqartitsisarnikkut attaveqaatinik akisoorsuarnik, kingusinnerusukkut atorneratik inuiaqatigiit aningaasaqarneranni annaasaqaataasussanik pilersiteriataarsinnaaneq annikillisinneqartarpoq. Naalackersuisut nunalerinermik inuussutissarsiuteqarneq iluaquserniarpassuk, nalunaarasuartaateqarnermi sullitat inuussutissarsiuummut tassunga toqqaannangitsumik tapersiisarnerannut taarsiullugu attaveqaatigiinnissamut atortunik pissarsinissamut tapersiissutinik pilersitsisoqarnissaa naleqqunnerusutut isumaqarfiginarpoq.

Ungasianiit atuisunut aaqqiissutissatut atugaanerpaasussatut VSAT atorlugu aaqqiissutissat, ukiuni siullerni tallimani ikkussuineranut ataatsimut pilersitsinermut ingerlatsinermullu kr. 250.000-it missaannik aningaasartuuteqarfiusartussat atorneralernissaat naatsorsuutigineqarpoq. Taamaattumik aaqqiissutissaq taanna

tamanut sullississutitut pilersuisussaataaffiusutut neqeroortigineqalissappat akisoorujussuusussaavoq.

Siunnersuummi § 29-mut (maanna § 27-nngortumut)

TELE Greenland A/S allappoq:

Isumannaallisaanermut immikkut piumasagaateqartoqarpoq, akuersissummik pigisaqartumut, piumasagaatinut pituttuineq peqcutigalugu tunisassianik allannguisinnaanngitsumut naapertuutinningsunik pisussaaffiliisunik. Siunnersuutigineqarpoq tassunga taarsiullugu isumaqatigiissuteqarnermi piumasagaatinik tamanut atuuttunik sullitamut, tamatumalu saniatigut aamma akuersissummik pigisaqartup eqaatsumik aaqqiisinnaaneranik qulakkeerisunik sanasoqassasoq. Issuagassiaasinnaasut tassaasinnaapput sullissinerni pilersuisussaataaffiusuni, taakkulu saniatigut tunisassianut nassuiaatini, akuersissummik pigisaqartup aalajangersarsimasaani piumasagaatit tamanut atuuttut.

Tassunga tunngatillugu oqaatigineqassaaq atuisunut piumasagaatit tunngavimmikkut siumoortumik akuersissutigineqarsinnaanngimmata. Naalakkersuisut pisariaqartitsineq paasinarsippat siumoortumik akuersissuteqartoqarnissaanik piumasagaateqarnissamut inatsisitigut tunngavissinneqassapput. § 29 (maanna § 27-inngortoq), imm. 2-mi aamma TELE Greenland A/S-ip suleriaasissatut siunnersuutigisaa inatsisitigut tunngavissinneqarpoq.

Kiisalu TELE Greenland A/S-imit inassutigineqarpoq, nalunaarasuartaateqarnermi aqutsisut aamma nalunaarasuartaateqarnermi maalaaruteqartarfiup naatsorsuutai pillugit paasissutissiisarnermut naleqquttunik maleruagassiortoqassasoq.

Tassunga tunngatillugu oqaatigineqassaaq, piumasagaatit taamaattut nalunaarasuartaateqarnermi aqutsisup pisussaffiinut ilaaginnartussatut atuutsinneqalissasut, tak. § 20 (maanna § 18-inngortoq).

Siunnersuummi § 30-mut (maanna § 28-nngortumut)

TELE Greenland A/S siunnersuuteqarpoq, assersuutigalugu qaammataasat, imaatigut kabelit, radiokędep pingaarnerup, nunaqarfinnut radiokędep aamma aallakaatitsinissamut akiliuteqartitsisoqarpat, soorlu IP-mik tapiliussap akornanni immikkoortitsisoqassasoq.

Tassunga tunngatillugu oqaatigineqassaaq, taamatut agguaanissaq ajornarunnaarsinneqarmat, tak. § 28, imm. 2-mut oqaaseqaatit.

Siunnersuummi § 31-mut (maanna § 29-nngortumut)

TELE Greenland A/S allappoq:

§ 31-mi (maanna § 29-inngortumi) taamaallaat "*kalerrisaarivimmut tamanut ammasumut aamma normunik paasiniaavinnut atassuteqarsinnaanissaat*" taaneqarpoq, taassuma ingerlanneqarnissaanut pisussaaffiliisinnaaneq isummerfigineqarani.

Tassunga tunngatillugu oqaatigineqassaaq, § 6, (maanna § 5-inngortoq), imm. 3 naapertorlugu pisussaaffiliisoqarmat.

Siunnersuummi § 32-mut (maanna § 30-inngortumut)

TELE Greenland A/S allappoq:

Suliassaqarfinnut allanut naleqqiullugu nalunaarasuartaateqarnermik suliassaqarfimmi isumaqatigiissutinut tunngatillugu pissutsinik immikkut ittunik atuutsitsisoqassappat tamanna ineriartortitsinermut akornutaassaaq. Nalunaarummi ataatsimi inatsisit allat atortussaajunnaarsinneqarnerat akuerineqarsinnaanngilaq – ajornartorsiut Danmarkimi assersuutigalugu piffissamut qilersorsimaffiusussamut ajornartorsiutaalersimasup assingaa, tassalu nalunaarasuartaateqarnermut inatsit allatut allassimalluni aammalu atuisunut inatsit allatut allassimasuni.

Tassunga tunngatillugu oqaatigineqassaaq Danmarkimi ineriartornerpiaap takutissimmamagu, nalunaarasuartaateqarnermik suliassaqarfimmi inuussutissarsiutinik ingerlataqartunut immikkut ittunik piumasaqarnissaq pisariaqarsinnaasoq, ilaatigut atueriaatsit akuttunngitsumik pisariusartut, niuernermit tuniagaasut pequtaallutik. Kiisalu Naalakkersuisut pisariaqartitsisoqarnera paasinarsissappat piumasaqaatinik immikkut ittunik taamaattunik atuisinnaanerit innersuunneqarpoq.

Peqqussutissatut siunnersuummi aalajangersakkanut ataasiakkaanut oqaaseqaatit

§ 1-imut

Imm. 1-imut

Aalajangersakkami Namminersornerullutik Oqartussat "Kalaallit Nunaanni aamma Kalaallit Nunaannut Kalaallillu Nunaanniit" nalunaarasuartaatitigut attaveqarnermi kisermaassinerannut aallaaviusut nassuiarneqarput. Inatsimmi nunap iluani nalunaarasuartaatitigut attaveqarnermi sullissinerit tamarmik, kiisalu Kalaallit Nunaanni atortulersuutit nunanut allanut nalunaarasuartaatitigut attaveqarnermut atorneqartut pineqarput.

Aallaaviatigut Namminersornerullutik Oqartussat nalunaarasuartaatitigut "Kalaallit Nunaanni aamma Kalaallit Nunaannut Kalaallillu Nunaanniit" attaveqatigiinnermi

akunnermuliuttutut sullissinernik tamanik kisermaassisuupput, tassunga ilanngullugit nalunaarasuartaatitigut attaveqaqatigiinnermut atortunik sanaartorneq ingerlatsinerlu.

Aalajangersakkamik unioqqutitsinermi pillaatit akiliisitsinermik pineqaatissiisoqarsinnaa-voq, tak. § 36.

Imm. 2-mut

Radiukkut atassuteqarnek aamma radiukkut allakaatitsinermi frekvensenik agguaaneq, kiisalu imaatigut ajunaalernerit isumannaallisaanikkullu sullissinerit danskit naalagaaffianit isumagineqarnerat ingerlaannassaaq.

Sinerissami radioqarfinniit radiukkut kiffartuunneqarnerit, Kalaallit Nunaata sineriaani radioqarfinnit isumagineqartut ilaatigut tassaapput imaatigut ajunaalernerimi isumannaallisaanikkullu sullissinerit, ilaatigullu tassaallutik umiarsuit nunamilu nalunaarasuartaatinik atuisut akornanni niuernerimut inunnullu attuumassuteqartunik atassuteqarnerit nalinginnaasut niuernerpalaartumik ingerlanneqarnerat. Kalaallit Nunaanni sinerissami radioqarfinni sullissinerit marluusut taakku ingerlatsinerimut ilaatinneqarput, tassalu saaffiginnittarfimmi sulisut ilaatigullu teknikkikkut atortulersuutit taakkorpiaat atorlugit isumagineqarlutik.

Imm. 3-mut

Suliassaqarfiit arlallit Namminersornerullutik Oqartussat kisermaassissusaatitaanerannut ilaatinneqanngillat. Tassalu kisermaassinermi illuutip ataatsip imaluunniit illuutit arlallit piginnittumit ataatsimit pigineqartut ilaatinneqanngillat. Illuut ataaseq matumani inoqutigiittut ataatsit paasineqassaaq, taamaattumillu illuut ataaseq inoqutigiinnit arlalinnit najorneqartoq, peqqussut manna malillugu illuutit immikkoortut arlalittut, taakkulu akornanni Namminersornerullutik Oqartussat attaveqaasersuinissamut kisermaassiffigisaattut isigineqassaaq.

Kisermaassinermittaaq ilaatinneqanngitsut ilassutitut sullissinerit, tassaasut atortut elektroniskiusut atorlugit sullissinerit imaluunniit qarasaasiakkut suliaasut nalunaarasuartaatitigut attaveqaqatigiinnermik tunngaveqartut, ilaatigut atortut attaveqaatinut attavilerneqartut (VANS = Value Added Network Services) imaluunniit attaveqaatit avataaniilluinnartut (VAS = Value Added Services) atorlugit ingerlanneqartut.

Ilassutitut sullissinertut naatsorsuutigineqartut ilaatigut tassaapput: Virusscaneri, Spamfilteri, firewall, e-mail-inik qarasaasiakkoortitsineq, paasissutissanik katersuineq aamma telefonip nammineq akisartuinik neqerooruteqarnek.

Ilassutinut sullissinernut ilisarnaataasoq tassaavoq, nalunaarasuartaateqarnermi sullissinerup (sullissinerimi tungaviusup) tuniniaasumiit atuisumut apuunnissaanut "allequttatut" atorneqartarnera. Nalinginnaasumik qarasaasianut telefoninulluunniit attaveqaatini sullissinerimut tunngaviusut "allequttatut" atorneqartarput.

Pisortat nalunaarasuartaateqarnermi attaveqaataannut atortulersuutit ilassutitut sullissinerni sullissinermut tunngavittut atorneqarpata, sullissinermut tunngavigineqartut suliffeqarfimmut, pisortat nalunaarasuartaateqarnermi attaveqaqatigiinnermut atortulersuutaannik tuniniagaqartumut atugassanngortinneqassapput. Attaveqaatit kaaviiarfiat aalaakkaasoq ilassutitut sullissinerni sullissinermut tunngavittut atorneqarpata, sullissinermut tunngavigineqartut suliffeqarfimmut attaveqaatit kaaviiarfiinik aalaakkaasunik tuniniagaqartumut atugassanngortinneqassapput. Atortunut ledningeqanngitsunut netværki imaluunniit atortunut ledningeqanngitsunut attaveqaat ilassutitut sullissinermut tunngavittut atorneqarpat, sullissinermut tunngavigineqartut suliffeqarfimmut atortunut ledningeqanngitsunut netværkimik imaluunniit atortunut ledningeqanngitsunut attaveqaammik tuniniagaqartumut atugassanngortinneqassaaq.

Taamaattumik ilassutitut sullissinerit ilassutitut sullissinernik tuniniagaqartoq attaveqarnermik ingerlatitseqqinngikkaluartoq tuniniarneqarsinnaapput. Nalunaarasuartaatitigut attaveqaqatigiinnernik ingerlatitseqqittarnerit ilassutitut sullissinertut naatsorsuutigineqanngisaannarput, tamatumani ingerlatitseqqinneq netværki nammineq pigisaq, attartugaq imaluunniit atortut ledningeqanngitsut atorlugit ingerlagaluarpalluunniit. Aamma tamatuma saniatigut sullissisup allap suliffeqarfiit marluk amerlanerusulluunniit akornanni attaveqaqatigiinnermik ingerlatitseqqittarnera ilassutitut sullissinertut isigineqanngilaq.

Ilassutitut sullissineq pisortat nalunaarasuartaatitigut attaveqaqatigiinnermut atortui aqcutigalugit tuniniarneqarpat, aammalu attaveqaqatigiinneq taamaallaat sullissinermik tuniniagaqartup atuisullu ataatsip akornanni ingerlanneqarpat, pisortat nalunaarasuartaatitigut attaveqaqatigiinnermut atortuunik tuniniagaqartoq tassaassaaq attaveqarnermik ingerlatitseqqittoq.

Nr. 1

Suliffeqarfiit iluanni atortulersuutinik ikkussuineq aatsaat pisortat nalunaarasuartaatinut attaveqaataasigut matussusersinnaanngisaannik immikkut pisariaqartitsinermi pisinnaavoq. Tamatumunnga pisinnaasamik pisortallu nalunaarasuartaatitigut atassuteqarnermi atortulersuutaanni tamanit atorneqarsinnaasuni atuinermik naammattumik qulakkeerinissamik kissaateqarneq tunngaviuvoq.

Nr. 2

Taamatuttaaq kisermaassinermut illoqarfiup nunaqarfiulluunniit ataatsip iluani illuummi ataatsimi imaluunniit illuutini arlalinni piginnittumit ataatsimit pigineqartuni, soorlu suliffissuit suliffeqarfiillu imaluunniit sullissiviit arlalinnik immikkoortortaqartut imaluunniit siaruarsimasunik suliffiutillit killeqarfiisa iluanni atorneqartuni sanaartukkat ilaatinneqanngillat.

§ 2-mut

Imm. 1-imut

Aalajangersakkami Naalakkersuisut Namminersornerullutik Oqartussat

kisermaassiviisa ilaanni ammanerulersitsisinnaanermut piginnaatinneqarput. Tamaattorli attaveqaatinik, tassalu radiokedemik, qaammataasanut attaveqaatinik, kabelinik datasysteminillu ammanerulersitsineq inatsisinut allannguutissaq, Inatsisartunit suliarineqartoq atornagu pisinnaanngilaq, taamaattorli tak. § 1, imm. 3 aamma § 2, imm. 3.

Ammanerulersitsisoqassappat, tak. § 2, imm. 1, nalunaarasuartaatitigut sullissinermik ammanerulersitsineq teknologiip ineriartornerata periarfissiiffigisaani pisariaqartinneqarneris Naalakkersuisut naliliinermi eqqarsaatigissavaat, tamatumalu peqatigisaanik piumasarissallugu niuernikkut piumasaqaatit tunngavigalugit unammillertoqassasoq, nalunaarasuartaateqarnermi sullissinerup atuuttup pitsaanutsumik, sukkanerumik akikinnerumillu ineriartortinneqarnissaa eqqarsaatigalugu, imaluunniit ammanerulersitsinikkut sullissinermik neqeroortigineqartartunik amerlanerusunik pilersitsisoqassanersoq, kiisalu innuttaasut sullissisut arlallit akornanni toqqaasinnaanissamut periarfissinneqanersut. Naliliinermi tamatuma ataatsimut inuiaqatigiinnut iluanaarutaanissaa pingaartinneqassaaq.

Aalajangiinerit inuiaqatigiinnut annertuumik aningaasaqarnikkut sunnuteqartussat matumani pineqarpata, soorlu annertunerumik ammanerulersitsisoqassappat, taakku pinnginnerini Inatsisartut aningaasaqarnermut ataatsimiititaliaannut saqqummiisoqassaaq.

Imm. 2-mut

Aalajangersakkami erseqqissarneqarpoq, attaveqaatit, tassalu radiokede, qaammataasanut attaveqaatit, kabelit datasystemillu ammanerulersitsisinnaanermut ilaatinneqanngitsut, tak. imm. 1. Atortut elektroniskiusut atorlugit attaveqaatigiinneq tassaavoq radiukku aamma nalunaarasuartaateqarnermi attaveqaatit atorlugit pilersuisut atuisullu akornanni attaveqaatit naapiffiisa (nettermineringspunkt) akornanni nipinik, assinik, allakkanik taakkuluunniit akuleriisillugit nassitsisarneq.

Imm. 3-mut

Aalajangersakkap atuutilerнатigut Naalakkersuisut illoqarfiup nunaqarfiulluunniit iluani atassuteqaatinik ledningeqanngitsunik ammanerulersitsinissamut piginnaatinneqarput. Illoqarfiit nunaqarfiillu akornanni atassuteqaatit ledningeqanngitsut atorneqarnerannik ammanerulersitsinissaq periarfissaqartinneqanngilaq. Tamatumani atortulersuutit akuersissuteqarfiusut pioreersut atorneqassappat.

Tuniniagaqartup namminerisaminik ledningeqanngitsunik atortulersuisinnaaneranut piumasaqaatit marluupput. Siullermik atortut ledningeqanngitsut aallaavimmiit aallaavimmut imaluunniit aallaavimmiit aallaavimmut tamanut atuuttumut teknologiimik atuiiffiusut tamatumani pineqarput. Fiberit kabelilluunniit allat ikkussuunneqassanngillat, tamatumani pissutsit immikkut ittut pineqartinnagit, aamma nalunaarasuartaateqarnermi aqutsisut immikkut akuersissuteqartinnagit. Aappaattut atortunik ledningeqanngitsunik illoqarfiup nunaqarfiulluunniit ataatsip iluani taamaallaat ikkussuisoqarsinnaavoq. Tamatumani tunngaviuvoq inuiaqatigiit

nalunaarasuartaatitigut atassuteqarnermi atortulersuutinut aningaasaliiffigeriigaasa pitsaanerpaamik atorneqarnissaannik qulakkeerinissaq.

Pissutsinut immikkut ittunut, netverkinik kabelit atorlugit attavilikkani pilersitsinissamut immikkut akuerineqarnermik nassataqarsinnaasunut ilaatigut assersuutaasinnaavoq suliffeqarfik illuni sanileriinni marlunni inissisimasoq, illullu marluusut taakku akornanni kabelit atorlugit attaviliinissamut periarfissisoqarsinnaavoq, suliffeqarfiup iluani attaveqaatit ataatsimut kattunneqarnissaat siunertaralugu. Taamaalillunilu suliffeqarfiup illoqarfimmi nunaqarfimmiluunniit ataatsimi arlalinnik illuuteqarnera pequtiginnarlugu netverkimik annertunerusumik pilersitsinissamut immikkut akuersissuteqartoqassanngilaq.

Aammattaq ataatsimut illusimatitsinernut, tuniniagaqartut allat akuersissummik pigisaqartup illuutaani inissisimasuteqarfigisaannut (illumut) atatillugu kabelinik attavilersuinissamut immikkut akuersissuteqartoqarsinnaavoq. Tamatumani tuniniagaqartut illumi atortuutimik akornanni kabelit atorlugit attaviliisinaanerinut immikkut akuersissuteqartoqarsinnaassaaq.

Tuniniagaqartut namminneerlutik atortutik ledningeqanngitsut sullitaminnut atorsinnaassaneraat Naalakkersuisunit aalajangerneqarsinnaavoq. Atortut ledningeqanngitsut atorlugit atortulersuutinut akuersissuteqarfiusunut imaluunniit tuniniagaqartut allat atassuteqaataannut ledningeqanngitsunut atassuteqartitsisinnaanermi illuatungeriit akunnerminni namminneq piumassusertik tunngavigalugu isumaqatigiissusiorneri apequtaassapput. Illuatungeriit isumaqatigiissinnaanngippata Naalakkersuisut ataatsimut atassusiinermut (ataatsimut atassuteqarnermut), tassalu sullissisut akunnerminni ataatsimut atassuteqarnerinut akigititassanik aalajangersaasinnaapput, tak. imm. 4.

Imm. 4-mut

Aalajangersakkap nassatarisaanik Naalakkersuisut ammanerulersitsinermut maleruagassanik piumasaqaatinillu sukumiinerusunik aalajangersaasinnaapput. Tassani maleruagassiuunneqartussat tassaasinnaapput:

- Naalakkersuisut tuniniagaqartut nalunaarasuartaatitigut atassuteqarnermi atortulersuutaat atorlugit ataatsimut atassuteqarnermut akinik immikkut ittunik aalajangersaasinnaanerat
- nalunaaruteqartussaaitaanermik atuutsitsilerneq, tassanilu akuersissummik pigisaqartoq tuniniagaqartut arlaat attaveqaatinik ataatsimut atuinissamik isumaqatigiissuteqarfigineqarsimanersut nalunaarasuartaateqarnermi aqutsisunut nalunaaruteqartassaaq, ataatsimullu atuinissamik isumaqatigiissutit taakkununga attuumassutillit ilanngunneqassapput,
- attaveqaatinik ataatsimut atuinissamik isumaqatigiissutinik tamanut saqqummiussinissaq, kiisalu
- normutigut isumalluutit ataatsimoortut killeqartullu atornissaasa aqunneqarnerannik iluarsineqartarnissaannilluunniit qulakkeerinissaq.

Taakkartorneqartut tamanut matussusiinngillat.

§ 3-mut

Imm. 1-imut

Aalajangersagaq suliassaqarfimmut maleruagassanik atuuttunik ingerlatitseqqinneruvoq. Aalajangersagaq Naalakkersuisut apparatinik atortunillu pisortat nalunaarasuartaatitigut attaveqarnermut atortulersuutaannik atuisarnermik ammanerulersitsisinnaanerat tunngavissiuunneqarpoq. "Apparatit atortullu" pineqartut tassaapput atortut, paasissutissanik nassitsinissaq tigusinissarlunniit eqqarsaatigalugu toqqaannartumik toqqaannanngitsumillunniit nalunaarasuartaateqarnermi pilersuisut atuisullu akornanni attaveqaatit naapiffiitut (nettermineringspunkt) atassusiinissamut naatsorsuussat.

Tamatuma saniatigut aalajangersakkakut atortulersuutit immikkut siunertaqarluni pilersinneqartut, soorlu kalerrisaariviup sullissinerani tillinniartoqarneranut kalerrisaarutit, ikuallattoornermut kalerrisaarutit kisassutsillu allanngornerani kalerrisaarutit, pisortat nalunaarasuartaatitigut atassuteqaatit atunngikkaluarlugit ingerlanneqarsinnaanerata ajornarunnaarsinneqarpoq, taamaattumillu Namminersornerullutik Oqartussat kisermaassineranut ilaatinneqaratik.

Imm. 2-mut

Tassani pingaarnertut tunngaviuvoq radiunut nalunaarasuartaateqarnermilu terminalinut atortut, Kalaallit Nunaanni frekvensinik atuisinnaasut tamarmik Danmark-imit akuerineqarsimasuusanerat, tak. radiunut frekvensit pillugit Kalaallit Nunaannut inatsisip atuutilernissaa pillugu peqqussummi nr. 38-mi, 23. januar 2004-meersumi § 7.

Ilisimatusarnermut, teknologii mut ineriartortitsinermullu ministeriaqarfiup peqqussummi § 7, imm. 2-mi allaffissornikkut maleruagassat naapertorlugit inatsisit malillugit atortut Danmarkimi akuerisaasut saniatigut atortut suut Kalaallit Nunaanni frekvensinik atuisarnermut ilaatinneqassanersut pillugu aalajangersaanissamik piginnaatitsissummik Namminersornerullutik Oqartussanut suliakkiinera tassani pineqanngilaq.

Aammattaq ilisimatusarnermut, teknologii mut ineriartortitsinermullu ministeriaqarfiup radiofrekvensinik atuinissamut akuersissuteqartarnermut maleruagassiorsinnaatitaanermut piginnaatitsissut Namminersornerullutik Oqartussanut suliakkiissutigaa, tassunga ilanngullugit apparatinik atortunillu, nalunaarasuartaatitigut attaveqaqatigiinnermut atorneqartunik ilusilersuineq, naammassinnineq, inissiineq, ingerlatsineq atuinerlu, tak. peqqussummi § 8 naapertorlugu allaffissornikkut maleruagassiarineqartut.

§ 4-mut

Imm. 1-imut

Imm. 1-imi nalunaarasuartaatitigut sullissinerit isumaat killilersorneqarput. Killilersuutaasut amerlasuunik tunngavissallit tamatumani pineqarput,

killilersuinerullu kingunerisaanik nalunaarasuartaateqarnermi sullississutit tassaalerput radiukkut nalunaarasuartaatitigullu atassuteqarnermut teknikki atorlugu nipinik, assinik, allakkanik taakkuluunniit akuleriisillugit atortutugut elektroniskiusutugut atassuteqaqatigiinnermut ingerlaartitsisarnerit tamarmik.

Suliat assigiinngitsut assigiimmik ineriartornerannit, nalunaarasuartaatitigut sullissinertut paasineqarsinnaasup nalinginnaasumik killilersorneqarneranik nassataqartumit atituumik killilersuinissaq pisariaqartinneqalersimavoq, nassuiaat tunngavimmigut piffissamut naleqquttumik oqarasuaatikkut oqalunnernik, angallattakkanut atassuteqaatit aqputigalugit imaluunniit telefoniinnarnut atassuteqaatit aqputigalugit, qarasaasiakkullu atassuteqaqatigiinnermik, taamatuttaaq angallattakkanut atassuteqaatit imaluunniit telefoniinnarnut atassuteqaatit aqputigalugit, nuussisarneq atorneqarsinnaajunnaarsimammat.

Taaguutip ilusilerneqarnerani aamma nipinik assinillu aammalu taakku kattullugit nuussisarneq ilaatinneqarpoq, tassalu attaveqaatit naapiffii aqputigalugit qarasaasiakkut imaluunniit bit-inik nuussisarneq qanorluunniit ittoq, taassuma ataani attaveqaatit naapiffii aqputigalugit ilaatigut paasissutissiisarnermut imarisanullu sullissinernik, ilaatigullu radiukkut TV-kkullu aallakaatitanik nuussisarneq.

Tamatumunnga atatillugu taaguut nalunaarasuartaatitigut sullissinernut, imarisamikkut assigiinnik ataatsikkut atuisunut assigiinngitsorpassuarnut siumoortumik amerlassutsimikkut killiligaanngitsunut, tassalu sumiiffimmit ataatsimiit sumiiffinnut amerlasuunut sullissineq, nassiussisarnermut, aamma nalunaarasuartaatitigut sullissinernut, atuisut marluk amerlanerusulluunniit, tassalu sumiiffimmit ataatsimiit sumiiffimmut ataatsimut atassuteqaqatigiinneq, immikkut ittumik atassuteqaqatigiiffiusunut, taamaalillunilu nassiunneqartunut, soorlu illuatungeriit marluk amerlanerusulluunniit akornanni oqarasuaatikkut oqaloqatigiinnermut, e-mailimut assigisaanulluunniit aalajangersimasumut tunngatinneqarpoq. Tassalu tamatumani siumuinnaq attaveqarneq, soorlu radiukkut/tv-kkut aallakaatitanik atuisunut nuussisarneq, imaluunniit siumut utimullu attaveqarneq, soorlu e-mailikkut atassuteqaqatigiinneq tamatumani pineqarnerisooq apeqqutaanngilaq.

Kisianni paasissutissiisarnermi imarisatigulluunniit sullissinerpiaq nalunaarasuartaatitigut sullissinernut isumasiuinerneq ilaatinneqanngilaq. Tamannattaq radiukkut TV-kkullu aallakaatitsinerpiamut imaluunniit ingerlatitseqqilluni tunisinissaq siunertaralugu radiukkut TV-kkullu aallakaatitassanik arlalinnik "poortuinerneq", kiisalu atortunut elektroniskiusunut ilitsersuutininik tuniniagaqarnermut assigisaanilluunniit programminik killilersuinerneq atuuppoq. E-postadressenik imaluunniit webhotelinik tunisisarneq imminermini nalunaarasuartaatitigut sullissinertut isigineqarneq ajorpoq. Tamatuma saniatigut nalunaarasuartaatitigut attaveqarnermik/nuussisarnermik tuniniagaqartoqarnerisooq tamatumani pingaarneruvoq.

Taaguummi nalunaarasuartaatitigut sullissinerit oqarasuaatinut angallattakkanut aqqusersuutit aqputigalugit ingerlanneqartut pilersorneqartullu, tassalu nalunaarasuartaatitigut attaveqarnermut atortut, atuisup sullississummik atuinermini

nalunaarasuartaatinut terminalini nassarlugu pisuinnarluni, biilerluni assigisaanilluunniit angalalluni atuiffigisaa, aamma nalunaarasuartaatitigut sullissinerit attaveqaatit naapiffiat aalaakkaasoq aqutigalugu ingerlanneqartut immikkoortinneqanngillat.

Nalunaarasuartaatitigut sullissinerit pisut amerlanerpaartaanni atuisunut tunisassiaasarput aalajangersimasut, soorlu tunisassiat assigiinngitsorpassuit ullumikkut ingerlatseqatigiiffinit tuniniagarineqartut, kisiannili aamma tunisassiaallutik nalunaarasuartaatitigut atassuteqarnermi atortulersuutini imaluunniit nalunaarasuartaatitigut sullissinernik tuniniagaqartunut allanut tuniniarneqartut.

Imm. 2-mut

Imm. 2-mi periaaseq arlalinnut tunngasoq annertoq alla atuutsinneqalerpoq, tassalu attaveqaatit naapiffiat (nettermineringspunkt). Peqqussutissatut siunnersuummi matumani aalajangersakkanut atatillugu tamanna nalunaarasuartaatitigut attaveqaatit ilusilersugaaneranni atortulersuutit imaluunniit atortut naaffii atuisup attassusiivigisassaatur paasineqassaaq.

Nalinginnaasumik attaveqaatit naapiffiat oqarasuammut ikkuffittut aalaakkaasumik ikkunneqarsimasutut, oqarasuaat atuisutullu normup kisitsisitali arfinillit atorlugit atuisup nalunaarasuartaatitigut atassuteqarnermut atortulersuutini atuisinnaatitaaffigisaatut, atassuteqaatitigullu atuisut arlaannut atassuteqarnissamut kinaassusersiviusartutut isigineqartarpoq.

Nalunaarasuartaatitigut atassuteqarnermut atortuni attaveqaatit naapiffii taamaattut aamma oqarasuaatinut ikkuffiit nalinginnaasut saniatigut allanik ilaqarsinnaapput, taassuma ataani pineqarlutik ikkuffiit, qarasaasiakkut atassuteqarnermut modeminut assigisaannulluunniit atassuseeriaatsinik assigiinngitsunik atuinissamut ajornarunnaarsitsisut.

Siuliani nalunaarasuartaatitigut sullissinernut taaguutit amerlasuunik tunngavilittut taaneqartut atorlugit atassuteqaatit katersuuffiat aammattaaq sumiiffimmit ataatsimiit sumiiffinnut amerlasuunut sullississutinik assigiinngitsunik tiguisinnaasunik ikkuffeqarput, taakku ataanni radiukkut tv-kkullu aallakaatitsisarneq pineqarluni. Tassalu dekoderinut, radiunut tv-nullu aammalu assigisaannut atassusiinissaq pisariaqartinneqarsinnaavoq.

Tamatuma saniatigut atassuteqaatit katersuuffiat, tassalu atuisup atassuteqaatillu akornanni aallaavik ullumikkut atuisutut normutut nalinginnaasutut arfinilinnik kisitsisitalittut, nassiussat atassuteqaatit aqutigalugit atuisumut apuunnissaannut kinaassusersiutit atorneqartartutut tassaasariaqangilaq. Tamatumunnga taarsiullugu taanna atassuteqaatini adresseusinnaavoq, soorlu domenavn, web- imaluunniit e-postadresse, taamaattumillu atassuteqaatit katersuuffiisa marluk akornanni nalunaarasuartaatitigut nassiussat soorlu atuisup qarasaasiaanniit nittartakkamut, tassanilu nittartagaq atuisup allap atassuteqaatini "adresse"-ussaaq, atassuteqaatini sumiissusersineqartumut atassuteqarnerusinnaavoq.

Kiisalu attaveqaatit katersuuffianni nassuiaatip ilaatut imarisaasoq tassaasinnaavoq atassuteqaatip atortunut angallattakkanut sullissinermik atuinissaq siunertaralugu pilersinneqarsimasup ilaa, taamaattumillu sumiiffimmuut aalajangersimasumut inissitaanngitsoq, kisiannili atortut angallattakkat ilagisaa atuisumit atorveqartoq, assersuutigalugu taanna SIM-kortiusinnaavoq, atortunut angallattakkanut terminalinut ilaasoq.

Naalackersuisut imm. 2-mi pineqartut qanoq paasineqarnissaannut sukumiinerusunik maleruagassiornissamut piginnaatinneqarput.

Taakku taaguutaat teknologiimut immikkut tunngasuullutik assigiinngitsorpasuisinnaapput, tak. angallattakkanut GSM900-mut aamma GSM1800-mut terminalit, SIM-kortimut teknologiimik tunngaveqartut analogiusut digitaliusullu, TETRA- (Terrestrial Trunked Radio Access) aamma UMTS-terminalit (Universal Mobile Telecommunications System) teknologiillu allat suli ineriartortinneqanngitsut assigiinngissutaat.

Imm. 3-mut

Nalunaarasuartaateqarnermut maleruagassiuussisarnermi pisuni ataqatigiinni arlalinni atuisut aamma nalunaarasuartaatitigut atassuteqarnermut atortunik/nalunaarasuartaatitigut sullissinernik tuniniagaqartut immikkoortinneqarput.

Atuisut tassaapput nalunaarasuartaateqarnermi attaveqaatinik/nalunaarasuartaateqarnermi sullississutinik atuisut, atuinermiut peqatigitillugu nalunaarasuartaateqarnermi sullissinernik tuniniaaqinneq ajortut. Immikkoortinneqarnerat pingaartumik nalunaarasuartaatitigut maleruagassiuussisarnermi kikkut illersorniarneqarsut immikkoortinneqartarnerinut atatillugu pingaaruteqarpoq.

Atuisut nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik tuniniagaqartunut sanilliullugit nassuarneqarput. Atuisut tassaasinnaapput nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik atuisut inuussutissarsiutinik ingerlataqartut taamatullu inuussutissarsiutinik ingerlataqanngitsut, taassuma ataani pineqarlutik sullitat angisuut assigisaalluunniit, aalajangersimasumik annertussuseqartumik namminneerlutik nalunaarasuartaateqarnermi atassuteqaatissaminnik pilersitsiniarlutik, nassitseqatigiittarnissarlu eqqarsaatigalugu pisortat nalunaarasuartaatitigut atassuteqarnermut atortuinut attaviliiniarlutik aalajangersimasut.

Aammattaaq paasissutissiisarnermi imarisatigullu sullissinernik tuniniagaqartut atuisutut isigineqartarput. Tamanna aamma assersuutigalugu radiukkuut tv-kkullu aallakaatitsisarfinnut suliffeqarfinnullu allanut attaveqaqatigiinnissamik immikkut pisariaqartitsisunut atuuppoq.

Imm. 1-imut

Aalajangersagaq manna naapertorlugu Naalackersuisut atortulersuutitut aamma nalunaarasuartaatitigut atassuteqarnermut atortut terminalillu ingerlanneqarnerinut, kiisalu nalunaarasuartaatitigut sullissinerit tuniniarneqarnerinut akuersissuteqarnissamut piginnaatinneqarput. Akuersissut nalunaarutigineqartoq nunami sumiiffinnut killilikkanut killilerneqarsinnaavoq, taamaattumillu tuniniagaqartut assigiinngitsut nunami sumiiffinni assigiinngitsuni niuernerup ilaanik ingerlatsisut akuersissuteqarnermik nalunaarfigineqarsinnaapput.

Tassani aamma imarsiornermi sullissinerit, taamaattorli tak. § 1, imm. 2, kiisalu radiofoniikkut telegrammitigullu sullissinerit pineqarput. Akuersissuteqartarnermili ilassutitut sullissinerinik taaneqartartut pineqanngillat, taakku § 1, imm. 3-mut oqaaseqaatit naapertorlugit Namminersornerullutik Oqartussat kisermaassisussaataitanerannut ilaanngimmata.

Imm. 2-mut

Naalackersuisut aalajangersinnaapput sullissinerit § 2, imm. 1-imi aamma 2-mi taaneqartut kiisalu apparatit atortullugu § 3, imm. 1-imi taaneqartut ammanerulersinniarlugit. Tamanna pissappat maanna akuersissummik pigisaqartup pisinnaatitaaffiinnut sunnuteqartussaavoq. Akuersissummik pigisaqartup taamatut ammanerulersitsineq, taamaalillunilu kisermaassisussaataaffigisami annikillinerat sapinngittussaavaa. Akuersissummik pigisaqartoq ammanerulersitsinermut imaluunniit akuersissutinik arlalinnik tunniussinermut atatillugu suliasat annikillinerisa kingunerisaanik akuersissummik tunineqarnissamut pisinnaatitaaffeqanngilaq.

Imm. 3-mut

Naalackersuisut allaffissornermi maleruagqusani akuersissummumut maleruagassanik piunasaqaatinillu sukumiinerusunik aalajangersaanissamut pisinnaatinneqarput, tassunga ilanngullugu nr. 1-7-imi pissutsinut taaneqartunut maleruagassiornissaq:

Nr. 1

Naalackersuisut nunap iluani sumi pisinnaassutsit qanoq ittut sullissinerullu qaffasissusia qanoq ittoq pilersuutigineqarsinnaassanersut pillugit piunasaqaataat, tassunga ilanngullugit sullissinerit pineqartut isumannaassusaat pitsaassusissaallu kiisalu annertussusissaat, kiisalu kikkut atortulersuutitut nakkutilliisuussanersut. Tamatumani inuiaqatigiit isiginneriaasiat aallaavigalugu inuiaqatigiit agguagaaneranni nunallu isorartussusiani pissutsit immikkut ittut apeqqutaatillugit nalunaarasuartaatitigut atassuteqaatinik piffissamut naleqquttunik akikitsunillu pilersuinissap qulakkeerneqarnissaa pingaartinneqassaaq.

Nr. 2

Naalackersuisut akuersissummik pigisaqartup kisermaassiffiini akinik aalajangersaanermut tamatumani tunngavissanut, kiisalu atuisunut piunasaqaatinut akuersissuteqarnerat. Tamatumani inuiaqatigiit isiginneriaasiat aallaavigalugu nalunaarasuartaatitigut sullissineri akit aningaasartuutillu imminnut atanissaasa qulakkeerneqarnissaa pingaartinneqassaaq. Akit eqaannerusumik niuernerullu naleqqussakkamik ilusilerneqarnissaat, kiisalu akuersissummik pigisaqartup ukiunut

arlalinnut pilersaarusiornissamut periarfissaasa pitsaanerulernissaat anguniarneqarsinnaavoq. Tamanna akuerseriaatsip akinik tunngavissanillu akuersisarnermiit akit "koorimiittut" malillugit akinik ineriartortitsinermik tamakkiisumik akuersisarnermut allanngortinneratigut tamanna pisinnaavoq, taannalu tassaavoq sullissinernut assigiinngitsunut akit kattutat, atuinerit nalinginnaasut malillugit missiliukkat, atuisunut akinik nalilersuutitut naleqqiussat, akinut ataasiakkaanut qaffaataasinnaasunut annertunerpaaffiliinikkut ilassuteqarsinnaasoq. Periaaseq taanna nunani allani misilittagaqarfigineqarluarpoq.

Nr. 3

Naalackersuisut akuersissummik pigisaqartup apparatit atortullu nalunaarasuartaatigut attaveqaqatigiinnermut atortunut attavilerneqarsinnaasut pillugit maleruagassiornermut piunasaqaatinillu aalajangersaanermut peqataanissamut pisussaaffilerneqarnissaanut, kiisalu akuersissummik pigisaqartup atortunik ikkussukkanillu nakkutilliinissamut misissuisarnissamullu pisussaaffilerneqarsinnaaneranut maleruagassiorsinnaapput.

Nr. 4

Naalackersuisunit suliassat immikkut ittut arlallit, akuersissummik pigisaqartup inuiaqatigiinnut kalaallinut sullissiffigisassai maleruagassiorneqarsinnaapput. Attaveqaateqarnermut atortut maanna atorneqartut atorlugit Kalaallit Nunaanni nunaqarfinnut taakkunanilu nalunaarasuartaatigut atassuteqaatit imminnut akilersinnaasumik annertusineqarsinnaanngillat. Taamaattumik matumani akuersissummik pigisaqartup akissarsiutaanngitsumik imaluunniit toqqaannartumik amigartooruteqarfiusumik nalunaarasuartaatigut atassuteqaatinik pilersuinissamik pisussaaffilerneqarsinnaanera periarfissineqarpoq.

Imarsiornermi isumannaallisaatitut sullissinerit suli naalagaaffimmi oqartussaasunit akisussaaffigineqarput, aammalu danskit naalagaaffiat suli isumannaallisaanermi sullississutitut maleruagassiorneqarsinnaapput, taamatullu taakku ingerlanneqarneri annertusarneqarnerilu akilertartussaallugit. Kisiannili imarsiortunut radiotelefonikkut, radiotelegrafiikkut qaammataasatigullu attaveqarnerit akuersissummik ilaatinneqarput, tamatumani aamma akuersissummik pigisaqartup amigartooruteqarfiusumik sullissinernik ingerlataqarnissaanik pisussaaffiliinissamut periarfissaqarpoq.

Nr. 5

Pissutsini immikkut ittuni Namminersornerullutik Oqartussanut aningaasartuutaanngitsumik nalunaarasuartaatigut attaveqarnerup inuiaqatigiinnut pingaaruteqartup qulakkeerneqarnissaa atajuartinneqarnissaalu. Aalajangersakkami tamatumani siunertaavoq akuersissummik pigisaqartup pisariaqartinneqartunik pilersaarusiornissaanik kiisalu pisuni immikkut ittuni nalunaarasuartaatigut atassuteqarnermi atortulersuutit qulakkeerniarlugit iliuuseqarnissaanik pisussaaffilerneqarnissaa, aammattaq tak. § 35 kiisalu tassunga oqaaseqaatit.

Nr. 6

Kalaallit Nunaata pisariaqartinneqartunut sunniuteqarnissaa aammalu nunami ilisimasanik nalunaarasuartaatigut atassuteqarnermut iluaqutaasumik katersinissaq

qulakkeerniarlugu akuersissummik pigisaqartoq nunat tamat akornanni nunallu iluani suleqatigiinnut peqataanissaanik pisussaaffilerneqarsinnaavoq.

Nalunaarasuartaatitigut atassuteqarnermi nunat tamat akornanni nunallu iluani suleqatigiinnerni aalajangikkanik malinninneq. Akuersissummik pigisaqartoq taamaalilluni nunat tamat akornanni nunallu iluani isumaqatigiissutinik malinninnissamut qulakkeerinissamik pisussaaffilerneqarsinnaavoq.

Nr. 7

Akuersissummik pigisaqartup ingerlatsineranik nakkutilliineq, tamatuma ataani naatsorsuusiortarnermi naatsorsuutinillu saqqummiussisarnermi periusissanik aalajangersaaneq, taarsigassarsineq, kiisalu annertusiineq aserfallatsaaliuinerlu. Pissutsini tamaginni taakkunani akuersissummik pigisaqartup sullissinernik akuersissuteqarfiusunik innuttaasunut inuiaqatigiinnullu naammaginartumik ingerlatsinera pillugu Naalakkersuisut ilisimaarinninnissaat qulakkeerneqassaaq.

§ 6-imut

Imm. 1-imut

Attaveqaatinik ataatsimut atuinerup itisilerneqarnera pillugu oqaaseqaatini nalinginnaasuni immikkoortoq VII innersuunneqarpoq.

Attaveqaatinik ataatsimut atuinissamik isumaqatigiissusiornissamut imaluunniit allannguinnissamut qinnuteqaatit naammaginartut tassaapput qinnuteqaatit – akuerineqarunik – attaveqaatinut kallarneqartunut imaluunniit sullississutit innarligassaannngissusiinut kingunerlutsisissaanngitsut, aammalu attaveqaatinik assigisaannilluunniit, tuniniaasumut qinnuteqaatit ingerlatineqarfigisaanut teknikkikkut aningaasaqarnikkullu annertuumik ajornartorsiortitsinani suliarineqarsinnaanngitsumik alliliinissamik pisariaqartitsiviunngitsut.

Nunani allani misilittakkat takutippaat attaveqaatinik ataatsimut atuinissamik pisariaqartitsineq pissusissamisuginnartumik nassataqassasoq

- a. attaveqaqatigiinnermik nalinginnaasumik, tak. nr. 1 aamma nr. 2,
- b. Internettimut, soorlu attaveqaqatigiinnermi Kalaallit Nunaannut katersuuffiusumi "IX"-imi (Internet exchange point). Attaveqaqatigiinnermi aqqusaartarnernik aveqatigiinneq, tassanilu attaveqarnerup tuniagiagaqartup allap netverkianut anngunniarnerani aqqusaarneqartarpoq.
- c. sullississutit immikkut ittut atorlugit attaveqaqatigiinnermi, tak. nr. 1 aamma nr. 2,
- d. telefonikkut oqaluussisarnermi, tassanilu A-normunik nuussisarneq assersuutigalugu tassaavoq atuisup sianertup normuanik atuisup sianerfigineqartup telefoniani normup taassuma saqqummernissaa nuussisarneq (normunik saqqummersitsisarneq)
- e. normutigut isumalluutinik normunillu paasiniaasarfinnik atuisinnaanermi, tassunga ilanngullugu Internettikkut aternik najukkanillu paasiniaasinnaaneq, tak. nr. 1 aamma nr. 2,

- f. sullississutininik atuinerimi, tak. nr. 3, tassanilu nalinginnaasumik pineqartut tassaapput pilersuisut atuisullu akornanni attaveqaatit naapiffiisa / centralini pisuni immikkut ittuni attaveqarnerit aqqusaartut imaluunniit Kalaallit Nunaanni piginnaasat pitsaassuserlu tunngavigalugit attaveqarnerit ataatsimut kattutaasut pilersuisut atuisullu akornanni attaveqaatit naapiffiisa / centralini pisuni immikkut ittuni attaveqarnerit aqqusaartut akornanni aalaakkaasumik attaviliinerit.
- g. Ataatsimut inissiineq, tak. nr. 4.
- h. tassa unammilleqatigiinnermik equititsisuusumik immikkut aningaasartuutissat pinngitsoorniarlugit akuersissummik pigisaqartup illuutaanut teknikkeqarfiusunut inissiineq ikkussinerlu.

Taagorneqartut tamanut matussusiinngillat.

Attaveqaatinik ataatsimut atuneq teknikkikkut periarfissaqartillugu atuinermut piffissami atuinissamik kissaateqarfiusumi kissaatigisamik pitsaassuseqartillugu aammalu teknikkikkut killilersugaanngitsumik atuutsinneqassaaq.

Imm. 2-mut

Periaaseq tunngaviusoq tassaavoq attaveqaatinik ataatsimut atuinermut piunasaqaatit immikkoortitsiviunngitsut aningaasartuutillu naapertorlugit akit tunngavigalugit aalajangersarneqarnissaat.

Immikkoortitsiviunngitsumik sullissinissamut pisussaatitaaffeqarnerup nassataanik kinaassusersiunngitsumik tunngaveqarluni immikkoortitsiviunngitsumik naammaginartumik suliamullu sammisumik pissusilersornissamik piunasaqaateqartoqarpoq. Tamannalu imatut paasineqassaaq, illuatungiliuttut marluk amerlanerusulluunniit, illuatungiliuttup ataatsip attaveqaatinik ataatsimut atortitaannik ataatsimut atuinissamik qinnuteqarnerini pissutsillu pineqartut assigiippata, assigiimmik atugaqartitsinissaq. Taamatuttaaq immikkoortitsinnginnissamik piunasaqaateqarnermi illuatungiliuttumut taamaattumut attaveqaatinik ataatsimut atuinissamik isumaqatigiissuteqartoq illuatungiliuttup pineqartup ilumini atugassarititaasut assiginik atugaqarnissaminut pisinnaatitaavoq.

Siunnersuutigineqarpoq sullississutaasumut akiusumut atuinerup annertussusaa apeqqutaatinneqassanngitsoq, kisiannili attaveqaatip pisinnaasaa tunngavigineqassasoq, tamatumani illuatungeriit allamik isumaqatigiissuteqanngippata. Taamatuttaaq akiusoq tuniniagaqartunit allanit akilerneqartartoq akuersissummik pigisaqartup suliaasaqarfiup iluani atussavaa, sullissinernut unammilleqatigiinnermit eqqorneqariaannaasunut immikkut ittumik naatsorsuusiornikkut. Taamaallilluni tuniniagaqartut allat sullississutininik aningaasartuutitaasa ilusilersugaanerit eqqarsaatigalugu akuersissummik pigisaqartumut nallersuunneqarnissaat anguneqassaaq, ilaatigullu sullissinerit akit ilusilersugaaneri assigiinngitsut atorlugit atuisunut neqeroorutigineqarsinnaalissallutik, tassunga ilanngullugit akit atuinerup annertussusaanik aallaaveqanngitsut.

Attaveqaatinik ataatsimut atuinnermut akit tunngaviatigut naatsorsueriaaseq pilersuisussaataitanermi amigartoorutit pillugit immikkoortumi taaneqartut, aningaasartuutissatut naatsorsorneqartup procentilerneratigut sinneqartoorutissanik naammaginatunuk tapeqartineqartut, atorlugit aningaasartuutiviusut tunngavigalugit aalajangersarneqartariaqarput. Procenterititassaq Inatsisartut aningaasanut inatsisissaannut oqaasertaliinikkut aalajangerneqartassaaq.

Attaveqaatinik ataatsimut atuinissamik isumaqatigiissutit tamanut saqqummiunneqarnerini isumaqatigiissut nalunaarasuartaateqarnermi aqutsisunut nassiunneqassaaq, taassumalu attaveqaatinik ataatsimut atuinissamik isumaqatigiissutit nassiunneqartut tamanit takuneqarsinnaasunngorlugit internettikkut saqqummiutissavai.

Imm. 3-mut

Nalunaarasuartaateqarnermi aqutsisut pisuni ataasiakkaani attaveqaatinik ataatsimut atuinnermik qinnuteqaatit arlaat naammaginatutut taaneqarsinnaanersoq aalajangiisinnaapput. Naalakkersuisut attaveqaatinik ataatsimut atuinnermi annertussutimut, akinut piumasaqaatinullu tunngavissanik aalajangersaasinnaapput, aammalu Naalakkersuisut § 6, imm. 3 naapertorlugu maleruagassanik aalajangersaasimangippata, nalunaarasuartaateqarnermi aqutsisut suliaasaq Inatsisartunut peqqussut manna tunngavigalugu suliarisussaavaat.

Imm. 4-mut

Tuniniagaqartunut allanut akuersissummik pigisaqartumut aaqqiagiinngissuteqarnerminni attaveqaatinik ataatsimut atuinnermut akiliutimik unitsinneqarnissaannut killilersorneqarnissaannulluunniit ulorianartorsiortinneqanginnissaq pingaaruteqarpoq, tassunga ilanngullugit kisermaassisinnaatitaanermik imaluunniit akuersissummik unioqquitsinermi aaqqiagiinngissutaasinnaasut imaluunniit akiliutit il.il. pillugit aaqqiagiinngissutaasinnaasut. Taamaattumik Naalakkersuisut attaveqaatinik ataatsimut atuinnermik unitsitsinerusinnaasut killilersuinerusinnaasulluunniit aatsaat nalunaarasuartaateqarnermi aqutsisut akuersissuteqarnerisigut pisinnaanerat pillugu aalajangersaasinnaapput. Tamatumani anguniarneqassaaq akuersissummik pigisaqartup nalinginnaasumik attaveqaatinik ataatsimut atuinnermi atuisuusup akiliisinnaannginneranut atatillugu piumasaqaatigisassaasa ajornerulersinneqannginnissaat.

Imm. 5-imut

Ingerlatsinermi ajoqutitut annertuutut ilaatigut eqqarsaatigineqarpoq, tuniniagaqartut allat atortuisa attaveqarnerisaluunniit akuersissummik pigisaqartup attaveqaataanut immaqa ima annertutigisumik ajoqutaatigisinnaanissaa, allaat attaveqaatit nalinginnaasumik atorneqarsinnaajunnaaneranik kinguneqartumik ulorianartorsiortinneqarnerat. Taamatut pisoqartillugu akuersissummik pigisaqartup akulerulluni nalunaarasuartaateqarnermi aqutsisunit akuersissut utaqeqqaanngikkaluarlugu taamatut akornusersuutaasoq qamissinnaavaa.

§ 7-imut

Imm. 1-imut

Aalajangersakkami siunertarineqarpoq, akuersissummik pigisaqartup nunaminertanik atuineq pilersaarusiornerlu pillugit Inatsisartut peqqussutaanni maleruagassat sukkulluunniit atuutsinneqartut naapertorlugit ikkussukkanik, kabelinik il.il. inissititerinerata taamaallaat pisinnaanissaa.

Imm. 2-mut

Inuiaqatigiinni kalaallini nalunaarasuartaatitigut atassuteqaatit piujuarnissaannik annertusarneqarnissaannillu tamanit soqutigisaasut piumasaqaataapput tunngavissaqarluartut. Taamaattumik akuersissummik pigisaqartoq pisinnaatitaaffeqarpoq nalunaarasuartaatitigut atassuteqaatinut atortunik, kabelinik, ledninginik sumiiffinnut namminersortunit pigineqartunut ikkussuinissamut, taamaattumillu inatsisitigut tunngavissaq manna ingerlateqqinneqarpoq, tamatumani tamatuma naammaginatumik mianerinilluni pinissaa piumasarineqarluni. Atortunik inissiinermi piginnittup atuisullu kissaataat eqqarsaatigineqassapput.

Inuiaqatigiinni kalaallini nalunaarasuartaatitigut atassuteqaatit piujuarnissaannik annertusarneqarnissaannillu tamanit soqutigisaasut piumasaqaataapput pissutissaqarluartut. Taamaattumik akuersissummik pigisaqartoq piumasaqarpoq pisinnaatitaaffeqarlunilu nalunaarasuartaatitigut atassuteqaatinut atortunik, kabelinik, ledninginik sumiiffinnut namminersortunit pigineqartunut ikkussuinissamut, taamaattumillu inatsisitigut tunngavissaq manna ingerlateqqinneqarpoq, tamatumani tamatuma naammaginatumik mianerinilluni pinissaa piumasarineqarluni. Atortunik inissiinermi sapinngisamik piginnittup atuisullu kissaataat eqqarsaatigineqassapput, tassunga ilaallutik:

- Inissamik atuinerup killilersimaarneqarnissaa.
- Atortut ersinngitsumut inissitsiterneqarnissaat. Kabelit kabeleqarfittut qattuniliat pioreersut sinerlugit ikkussuunneqassapput, taamaalilluni isikkuisa allanngortinneqannginnissaat anguniarneqassalluni.

Atortunut piginnittup/atuisup nammineerluni atugassaanut, soorlu pilersuisut atuisullu akornanni attaveqaatit naapiffinut (nettermineringsspunkt) atatillugu akuersissummik pigisaqartoq aatsaat atortut inissisimaffissaat eqqarsaatigalugu piginnittup/atuisup kissaataanik naammassinninnissamut pisussaatitaassaaq, tamanna atortut annertuumik amerlinerinik aamma/imaluunniit piffissamik atuinermik annertusititsissanngippat.

Imm. 3-mut

Akuersissummik pigisaqartup illuummut allamit, pisortanit namminersortunillu pigineqartumut isernissamik kissaateqartarnissaa naatsorsuutigineqarpoq. Akuersissummik pigisaqartup pilersaarusiornermini sapinngisamik sumiiffimmi pineqartumi piginnittoq/atuisoq eqqarsaatigissavaa. Akuersissummik pigisaqartup eqqartuussisup aalajangigarinnngisaanik isersinnaatitaanerani nakkutilliineq aammalu nalunaarasuartaatitigut attaveqaatit atorsinnaanerisa ingerlaannarnissaannik tunngaveqartumik sulinissaq killigitinneqarput. Nalunaarasuartaatitigut attaveqaatit atorsinnaanerisa ingerlaannarnissaat tamatumunnga atatillugu inuiaqatigiit annertuumik soqutigisaqarfigisaattut ima paasineqassaaq, nalunaarasuartaatitigut

attaveqaatit ingerlalluartut ingerlatiinnarnissaat, aammalu akuersissummik pigisaqartup piginnittup atuisulluunniit pineqartup nalunaarasuartaatinut atortulersuutaasa akuersissummik pigisaqartumut isertitatigut iluanaarutaanissaat siunertaralugu soqutigisaqarfigisaatut pinnani.

Imm. 4-mut

Akuersissummik pigisaqartoq illuummik piginnittumut atuisumulluunniit akornusiinermut ajoqusiinermullu taarsiissuteqartarnermut inatsisit nalinginnaasut naapertorlugit taarsiisussaataavoq.

§ 8-mut

Aalajangersakkap kingunerisaanik akuersissummik pigisaqartoq siumoortumik isumaqatigiissuteqarfigeqqaarnagu suliassamik akuersissummik pigisaqartup ikkussugaanut, kabeliutaanut il.il. akornutaasinnaasumik ajoqutaasinnaasumillu aallartitsisoqaqqusaanngilaq. Suliassamik nalunaarasuartaateqarnermi ikkussukkanut kabelinulluunniit akornutaasinnaasunik ajoqusiinnaasunilluunniit aallartitsisoqassappat akuersissummik pigisaqartup ilisimatinneqartarnissaa aalajangersakkami qulakkeerneqarpoq. Akuersissummik pigisaqartup suliassap akuersissummik pigisaqartup nalunaarasuartaateqarnermi atortulersuutaasa kabeliutaasaluunniit ajoqusiinngitsumik akornusersuutaanngitsumilluunniit sularineqarnissaat siunertaralugu suliffiutilik/illuummik piginnittoq suleqatiginiarlugu isumaqatigiissuteqarfigissavaa.

§ 9-mut

Akornusersuinerit, maskiinat unittoornerat, kukkusumik sullissinerit il.il. atortulersuutiniq pineqartunik atuisunut annertuunik kingunerluuteqarsinnaapput. Takku tassaasinnaapput suliffeqarfinni nalunaarasuartaatitigut attaveqaatinik atorsinnaasunik pinngitsuuisinnaanngitsuni ingerlatsinikkut annaasat, taamatullu aamma nalunaarasuartaatitigut atortulersuutini akornusersuutit kinguaattoornerilluunniit inuup inuuneranik annaasaqarnermik kinguneqarsinnaanerit eqqarsaatigineqarsinnaavoq, soorlu imarsiornermi ajunaalernermit sillimaniarnermuillu sullississutitut atatillugu atortulersuutit akornusersorneqarpata kinguaattoortinneqarpataluunniit.

Aalajangersakkami akuersissummik pigisaqartup atortuisa, Namminersornerullutik Oqartusat kisermaassinerannut ilaatinneqartut ingerlanneqarneranni akornusersuinerit, maskiinat unittoornerat, kukkusumik sullissinerit il.il. kingunerisaannut taarsiisussaataannginnissaa aalajangersarneqarpoq.

§ 10-mut

Imm. 1-imut

Akuersissut pillugu paasissutissat, akuersissummik pigisaqartup siulersuisuini

siulittaasup siulittaasullu tulliaata Naalakkersuisunut soqutiginarlutut, tak. imm. 2, naliliiffigisaasa saniatigut, Naalakkersuisut siulittaasumut aamma siulittaasup tullianut paasissutissanik, Naalakkersuisunut soqutiginaateqartut isumaqarfigneqartunik tamanik paasissutissiinissamik pisussaaffiliisinnaapput, tassanilu aamma akuersissut pillugu paasissutissat politikikkut, aningaasaqarnikkut inuiaqatigiinnullu annertuumik isumaqanngitsut pineqarput.

Imm. 2-mut

Imm. 2-mi akuersissummik pigisaqartup siulersuisuini siulittaasoq taassumalu tullia pissutsit akuersissummut attuumassuteqartut, Naalakkersuisunut soqutiginaatilitut isumaqarfigneqartut pillugit ilisimatitsisussaataitanerat aalajangerneqarpoq. Pissutsit taakku tassaasinnaapput ingerlatseqatigiiffimmi, tamatuma ataani piginnittup, tassalu Namminersornerullutik Oqartussat, aningaasaqarnernikkut ingerlatseqatigiiffimmut pingaaruteqartut. Aamma pissutsit tamatuma pineqartut tassaasinnaapput, inuiaqatigiinni innuttaasunut tamakkiisunut imaluunniit nunap immikkoortuinut immikkut ittunut pingaaruteqartut.

§ 11-mut

Imm. 1-imut

Naalakkersuisut nalunaarasuartaatitigut atassuteqarneq pillugu ilisimasariaqakkanik pilersorneqarnissaat qulakkeerniarlugu, Naalakkersuisut nalunaarasuartaateqarnermi aqutsisuni nalunaarasuartaatitigut atassuteqarnermut suliatigut iliuusissatigullu ilisimasanik ineriartortitsisoqarnissaa pillugu maleruagassiuussisinnaapput.

Aalajangersakkami Naalakkersuisut nalunaarasuartaateqarnermi aqutsisunik pilersitsinissamut piginnaatinneqarput, taannalu ilisimasanik katersineq aqutugalugu piginnaanilimmik qularnaatsumillu siunnersuisinnaassaaq, imaluunniit minnerpaamik nunat tamat akornanni immikkut ilisimasalinnut paasissutissanik kissaatigineqartunik pissarsiniarsinnaassalluni. Tamatumani siunertaavoq nalunaarasuartaateqarnermi aqutsisut Naalakkersuisunut qilersorsimanninnissaat, tak. § 12.

Kalaallit Nunaanni nalunaarasuartaateqarnermi niuernerup annertunerusumik ammanerulersinneqarnissaa aalajangiiffigineqarpat aatsaat nalunaarasuartaateqarnermi aqutsisut pilersinneqarnissaat pisinnaalissaaq.

Naalakkersuisut nalunaarasuartaateqarnermi aqutsisut suliassanik, imm. 2-5 naapertorlugu aqutsisunut suliakkiissutigineqartunik qanoq iliorlutik isumaginnittalernissaannut maleruagassanik sukumiisumik aalajangersaanissaannik piginnaatinneqarput, tassunga ilanngullugu nalunaarasuartaateqarnermi aqutsisut piffissaq qanoq sivisutigisoq atorlugu imm. 2, nr. 4, 5 aamma 6 naapertorlugit suliakkiissutinik suliaqartarnissaat pillugu maleruagassat.

Imm. 2-mut

Siunnersuusiornikkut suliassat amerlanersaannik nalunaarasuartaateqarnermi aqutsisunut, inatsisissanik siunnersuusiortartussanut inissiinissaa anguniarneqarpoq,

taakkunungalu ilaapput nalunaarutit pisariaqartut, naalackersuisut aalajangernissaannut tunngavissiissutissatut siunnersuutit il.il. Kisiannili pisorta qarfik pineqartoq sulii nalunaarasuartaateqarnermi aqutsisut tunniussaasa imaannut akisussaasuusaaq, taamaattumillu pisorta qarfik Naalackersuisunut Inatsisartunullu saqqummiussassanik inaarutaasunik isumaginnittuusassalluni.

Nr. 1

Nalunaarasuartaateqarnermi aqutsisut suliatiqut iliuusissatigullu ilisimasatik tunngavigalugit nalunaarasuartaatitigut atassuteqarnermut tunngassuteqartuni tamani Naalackersuisunut siunnersuisassapput.

Nalunaarasuartaateqarnermi aqutsisut pisussaapput inuiaqatigiinni nalunaarasuartaateqarnermut politikkip ineriartornera pillugu naalackersuisoqarfimmut, nalunaarasuartaatitigut atassuteqarnermut akisussaasuusumut sukkulluunniit ingerlaavartumik ilisimatitsisassallutik. Pisariaqartitsisoqarnera paasineqarpat nalunaarasuartaateqarnermi aqutsisut pisussaapput suliniummot siunnersuummik, inatsisinik nalunaarutinillu nutaanik suliqartoqarnissaanik, imaluunniit inatsimmi atuuttumi killissarititaasut iluanni politikikkut aalajangertoqarnissaanik qinnuteqaatitaqartinneqartumik akuerisassamik naalackersuisoqarfimmut nassiussissallutik, tassalu nalunaarasuartaateqarnermi aqutsisut siulliullutik suliniuteqartassapput.

Nr. 2

Inatsisiliornissamut piareersaatit ilaattut nalunaarasuartaateqarnermi aqutsisut pisussaapput nalunaarasuartaatitigut atassuteqarnermi kisitsisitigut paasissutissanik katersissallutik, kiisalu nunap iluani taamatullu nunat tamat akornanni ineriartornermik malinnaassallutik.

Tamatamani anguniagaavoq inatsisiliornissamut nalunaarusiornissamullu aammalu politikikkut aalajangiinissamut pissusiviusut tunngavigalugit ilisimasanik politikikkut aalajangiisartunut pilersuisinnaanissaq, taamaalilluni innuttaasut, suliffeqarfiit pisortanilu oqartussaasut tamarmik nalunaarasuartaatitigut atassuteqarnermik pitsaasumik, akikitsumik ullunullu naleqquttumik atuisinnaalersinneqassallutik, imaluunniit sullissinerit neqeroorutigineqartut amerlanerulersinneqassallutik, kiisalu innuttaasut sulisut arlallit akornanni qinigassaqaarnissaat anguneqassalluni.

Nr. 3

Naalackersuisoqarfimmit qinnuteqartoqarneratigut nalunaarasuartaateqarnermi aqutsisut inatsisiliornissamut piareersaasassapput, tamatumani Inatsisartunut nalunaarusiorsinnaapput inatsisiliassatullu kissaatigineqartunut Naalackersuisut isummernissaannut tunngavissiuussisinnaallutik.

Nalunaarasuartaateqarnermi aqutsisut nalunaarasuartaatitigut atassuteqarneq pillugu inatsisit, taakku ataanni peqqussutit nalunaarutillu, inatsisinut oqaaseqaatissat ilanngullugit suliarsassavaat. Aammattaaq aqutsisut tusarniaanerit pisariaqartinneqartut suliarsassavaat, kiisalu Naalackersuisut aalajangernissaannut tunngavissianik inaarutaasunik siunnersuusiortassallutik.

Taakku saniatigut nalunaarasuartaateqarnermi aqutsisut sinnerlugit Inatsisartuniit inunniillu apeqqutinut akissutissanik Naalakkersuisunut naalakkersuisoqarfinnullu siunnersuusiortassapput.

Naalakkersuisoqarfik pineqartuq suli nalunaarasuartaateqarnermi aqutsisut tunniussaasa imaannut akisussaasuvoq, taamaattumillu pisortaqarfik pineqartuq najoqqutassanik Naalakkersuisunut Inatsisartunullu inaarutaasumik saqqummiussisarnermik isumaginnittuussaaq.

Nr. 4

Akuersissummik pigisaqartup siunnersusiaa tunngavigalugu nalunaarasuartaateqarnermi aqutsisut sumiiffimmi akuersissuteqarfiusumi aamma sumiiffinni pilersuisussaataaffiusuni nalunaarasuartaateqarnikkut sullissinernut piumasaqaatissatut akigititassatullu siunnersuutit suliarissavaat. Assersuutigalugu sumiiffimmi akuersissuteqarfiusumi nalunaarasuartaateqarnikkut sullissinernut pioreersunut piumasaqaatit akilluunniit iluarsineqarnissaat pisariaqartinneqarsinnaavoq. Aammattaaq nalunaarasuartaateqarnermi aqutsisut akuersissummik pigisaqartup siunnersuutaa tunngavigalugu nalunaarasuartaateqarnikkut sullissinerit nutaat akuersissummut ilaatinneqarpata, taakkununga piumasaqaatissanik akigititassanillu siunnersuusiussapput.

Tamatuma kingorna nalunaarasuartaateqarnermi aqutsisut naalakkersuisoqarfimmut siunnersuusiussapput, tassanngaanniillu siunnersuutit naalakkersuisunut akuerisassanngorlugit saqqummiunneqassapput.

Nr. 5

Nalunaarasuartaateqarnermi aqutsisut atuisut akuersissummik pigisaqartup, pilersuisussaataitaasup kiisalu nalunaarasuartaateqarnermi sullissisup aalajangiineri pillugit maalaarutaat tamaasa suliarisassavaat, taakku ataanni akiligassat pillugit maalaarutit, akiligassat inernerinik misissuisarnerit siunertaq malillugu ingerlanngitsutut isumaqarfigineqartut pillugit suliat, maalaaruteqartup oqarasuaataata tamarnerata kingorna atuisoqarsimamera, isumaqatigiissutini piumasaqaatinik nassuiaaneq, atuinermik allamut tunniussineq il.il.

Nr. 6

Nalunaarasuartaateqarnermi aqutsisut attaveqaatinik ataatsimut atuinissamik akuersissummik pigisaqartup aamma sullississutinik tuniniagaqartup akornanni akuersissummik pigisaqartup pisortatigoortumik nalunaarasuartaatitigut attaveqaqatigiinnermut attaveqaatini attaveqarnermut piginnaasanik pisinissaq pillugu isumaqatigiissummi piumasaqaatinut akinullu tunngassutillit pillugit maalaarutaasinnaasut suliarisassavaat.

Aalajangersakkap atuutilerneratigut illuatungeriit akornanni attaveqaatinik ataatsimut atuinissamik nammineq piumassutsimik isumaqatigiissusiortarnissaq pingaarnerutinneqassaaq. Illuatungeriit akornanni isumaqatigiittoqarsinnaanngippat, nalunaarasuartaateqarnermi aqutsisut attaveqaatinik ataatsimut atuinissamut piumasaqaatinik akinillu aalajangersaassapput.

Nr. 7

Nalunaarasuartaateqarnermi aqutsisut akuersissummik, pilersuisussaataitanermik sullissisunullu allanut nakkutilliisuussapput. Nalunaarasuartaatitigut atassuteqarnermut atortut nalunaarasuartaatitigullu sullissinerit, atortunik taakkuninnga imaluunniit sullissinerik taakkuninnga kisermaassinermik ammanerulersitsiviunngitsut tamarmik akuersissuteqarfiusup ataani inissisimapput.

Nalunaarasuartaateqarnermi aqutsisut inatsisit tunngavigalugit akuersissummik pigisaqartup piunasaqaatai malinneqarnersut nakkutigissavaat. Nakkutilliinermi pulaartoqarsinnaavoq imaluunniit paasissutissat paasissutissiisussaataaffiusut qinnutigineqarsinnaallutik. Akuersissummik pigisaqartoq akuersissummi piunaqaatigineqartunik malinninnersoq qulakkiivinniarlugu, nalunaarasuartaateqarnermi aqutsisut naammaattunik akuttussusilinnik nalunaarasuartaatitigut atassuteqarnermut atortut nalunaarasuartaatitigullu sullissinerit pitsaassusiannik Kalaallit Nunaanni pissutsit nunani allani pissutsinut naleqqiullugit naliliisassapput.

Tamatumunnga atatillugu aammattaaq atuisut pillugit misissuinerik, pilersuisussaataitanerup annertussusiata naapertuilluarneranik takutitsinnaasumik ingerlatsisoqassaaq, kiisalu pilersuisussaataitaneq annikillisimappat annertusisimappalluunniit uppersaataissanik katersisoqassalluni.

Nr. 8

Nalunaarasuartaateqarnermi aqutsisut peqqussut taannalu tunngavigalugu maleruagassat piunasaqaatillu aalajangersarneqartut malinneqarnersut nakkutigissavaat. Nakkutilliinermi nalunaarasuartaateqarnermi nakkutilliisut najoqqutassanik, nakkutilliinerup ingerlanneqarnissaanut attuumassuteqartut isumaqarfigineqartunik piniartassapput, tak. § 13.

Nr. 9

Nalunaarasuartaateqarnermi aqutsisut Naalakkersuisut sinnerlugit aammalu danskit oqartussaasuunik suleqateqarlutik suliassat, nalunaarasuartaatitigut attaveqarnermi nunat tamat akornanni suleqatigiffinnut, soorlu International Telecommunication Union-imut (ITU), International Telecommunications Satellite Organization-imut (ITSO) aamma European Regulator's Group-imut (ERG) attuumassutillit isumagissavaat.

Imm. 3-mut

Radiunut frekvensit pillugit Kalaallit Nunaannut inatsisip atuutilernissaa pillugu peqqussut nr. 38, 23. januar 2004-meersoq Kalaallit Nunaanni radiunut frekvensinik atuinerit kiisalu radiukkat aallakaatitanik tigooqqaanermut atuuppoq.

Namminersornerullutik Oqartussat ilisimatusarnermut, teknologiimut ineriartortitsinermullu ministeriaqarfimmiit suliakkiineq naapertorlugu peqqussuttip malinneqarneranik aqutsinissamut nakkutilliinissamullu aamma maleruqaqqusanik taassuma atuutilerneratigut suliarineqartunik aqutsinissamut piginnaatitaapput (Kalaallit Nunaanni radiunut frekvensinik atuinerit atatillugu akiliutit pillugit nalunaarut, akuersissummik pigisaqarluni radiunik frekvensinik atuineq pillugu

Kalaallit Nunaannut nalunaarut nr. 72, 13. januar 2005-imeersoq, akuersisummik pigisaqarani radiunik frekvensinik atuneq kiisalu radiomik atuisinnaanissamut misilitsinnerit kaldesignalillu il.il. pillugit Kalaallit Nunaannut nalunaarut nr. 73, 13. januar 2005-imeersoq, aamma Kalaallit Nunaanni radiunut frekvensinik tamakkiisunik atuinermi killissarititaasunik aalajangersaasarneq ataatsimullu tullerriaarisarneq pillugu nalunaarut nr. 82, 13. januar 2005-imeersoq).

Taamatut suliaakkiinerup kingunerisaanik Namminersornerullutik Oqartussat ilaatigut:

- Kalaallit Nunaanni frekvensinik atuinermit akuersissutinik tunniussisassapput, tassunga ilanngullugu tamatumunnga akiliisitsiniartassapput.
- kalerrisaarutinik kinaassutsimullu ilisarnaatit normuinik tunniussisassapput,
- nammineq kajumissutsimik radiunik atuisartunut aamma nammineq kajumissutsimik radiunik atuisartunut qaammataasamik atuinermit akuersissutinik tunniussisassapput,
- peqqussutip taannalu tunngavigalugu allaffissornikkullu maleruaqqusaliat malinneqarnerannik nakkutilliisassapput, kiisalu
- radiup frekvensinik atuinermit misilitsinnissamut maleruagassanik aamma kalerrisaarutinik tunniussisarnermit atuinernullu maleruagassanik aalajangersaasassapput.

Radiunik ingerlatsiviup, allaffissornikkut Ineqarnermut Attaveqarnermullu Piosortaqaarfimmi inissisimasup, ullumikkut radiukkut attaveqatigiittarnerup ingerlanneqarnera isumagisaraa. Siunnersuummi § 11, imm. 3-kkut ingerlatsineq taanna nalunaarasuartaateqarnermi aqutsisunut nuunniarneqarpoq. Tamatumani siunertaavoq radiukkut nalunaarasuartaatitigullu attaveqatigiittarnermut oqarsinnaatitaaffiit ataatsimut siunnerfeqartut kattunnerisigut ataatsimut sunniutissanik angusaqarnissaq.

Imm. 4-mut

Akuersisummik pigisaqartumit, sullississutinik tuniniagaqartumit imaluunniit pilersuisussaataaffiusunik tuniniagaqartumit akiligassat pillugit maalaarutit aallaqqaammut suliffeqarfimmit namminermit suliarineqartassapput. Tamatuma kingorna maalaarut nalunaarasuartaateqarnermi aqutsisut oqartussaasutut siullertut suliarissavaat. Nalunaarasuartaateqarnermi aqutsisut aalajangiinerat pillugu maalaarut suliamik tiguisussatut tullertut nalunaarasuartaateqarnermi maalaaruteqartarfimmit suliarineqassaaq, tak. § 20, imm. 1. Aalajangersakkami matumani siunertaavoq inuiaqatigiinni isumalluutit sipaarniarlugit naassaanngitsumik maalaaruteqarsinnaatitaanerup killilerneqarnissaa.

Nalunaarasuartaateqarnermi aqutsisuni aamma/imaluunniit nalunaarasuartaateqarnermi maalaaruteqartarfimmi suliarineqarnerat inatsimmi tunngaviusumi § 63 malillugu suliap eqqartuussivitsigut misilinneqarnissaanut akornusiinngilaq.

Imm. 5-imut

Naalackersuisut suliassatut taaneqartut saniatigut suliassanik allanik

nalunaarasuartaateqarnermi aqutsisunut suliakkiinissamut piginnaatinneqarput. Piginnaatitsissut taanna oqarsinnaatitaaffiit pitsaanerpaamik atornerqarnissaat siunertaralugu tunniunneqarpoq. Suliassat nalunaarasuartaateqarnermi suliassat allat suliassanut pissusissamisuuginnartumik ilanngunneqassapput.

Suliassat makku nalunaarasuartaateqarnermi aqutsisunut suliakkiissutigineqartarnissaat eqqarsaatigineqarpoq:

Ineqarnermut, Attaveqarnermut Avatangiisinullu Naalakkersuisoqarfiup allakkanut tunngasut isumagissavai, makku suliassarissallugit: allakkanut tunngasunik malittarisassiussisarneq inatsisillu, kiisalu suliat aalajangersimasut ataasiakkaat sularineqarnerat pillugit Naalakkersuisunut siunnersuineq.

Radiukkut tigooqqaanermi akornusersuutit sillimaffigineqarnissaat pillugu Inatsisartut inatsisaat nr. 11, 15. december 1987-imeersoq naapertorlugu Naalakkersuisut peqqussutip taassumalu atuutilerneratigut allaffissornikkut maleruuaqqusatut sularineqartut malinneqarnerannik nakkutilliinissamut piginnaatitaaffik Grønlands Televesen-imut (maanna TELE Greenland A/S-iusumut) suliakkiissutigisinnaavaat.

TELE Greenland A/S akuersissummik pigisaqartutut radiukkut tigooqqaanermi akornusersuutit sillimaffigineqarnissaannik suliakkerneqarpoq. Akuersissummik pigisaqartoq (TELE Greenland A/S) suliassamik isumaginninnissamik peqquneqarpoq, apparatit atortullu innaallagiamoortut qinngornerisa allatulluunniit innaallagissap sunniinerisa radiukkut tigooqqaanermut akornusersuinnginnissaat qulakkeerniarlugu. Akuersissummik pigisaqartup ilaatigut akornusersuineramik malugisaqartoqarnerani apparatinik atortunilluunniit akornusersuisunik pigisaqartoq/atuisoq peqqusinnaavaa apparati atortorluunniit maleruagassat malillugit iluarseqqullugu, tassunga ilanngullugu filtrerinnissaq, assiaqqusiinissaq, frekvensimik allanngortitsinissaq imaluunniit atuinermik sivikillisitsinissaq eqqarsaatigalugu iliuuseqarnissaq, taamaalilluni radiukkut fjernsynikkullu tigooqqaaneq akornusersugaanngitsoq qulakkeerneqassammat.

Nalunaarasuartaateqarnermi aqutsisut radiukkut tigooqqaanermi akornusersuutit sillimaffigineqarnissaannut suliassaqarfimmik isumaginnittunngortinneqarnissaa pissusissamisuuginnassaaq.

Siuliani taaneqartut saniatigut suliassat allat nalunaarasuartaateqarnermi aqutsisunut nuunneqarsinnaapput, taakku sulianut pissusissamisuuginnartumik ilanngunneqarsinnaappata.

§ 12-mut

Aalajangersakkamut siunnersuummi ilaatigut siunertaavoq Naalakkersuisut nalunaarasuartaateqarnermi aqutsisunut ilitersuisussaatitaaneranni nakkutilliinerup tamakkiisup pineqarnerata erseqqissarneqarnissaa, tassungattaarlu ilaapput suliassat aalajangikkanut ataasiakkaanut aalajangersimasunut attuumassuteqanngitsut, soolu

nalunaarasuartaateqarnermi aqutsisut nakkutilliinerminnut atatillugu paasiniagassanik misissoqjissaagassanillu aallartitsisarnerat, taakkununga atasumik avataaniit inatsisilerituunut, aningaasaqarnermik ilisimasalinnut imaluunniit nalunaarasuartaateqarnermik ilisimasalinnut ikiortissarsiortarnerit, nakkutilliinerup pilersaarusiornissaanut ingerlannissaanullu suliassaqarfiup iluani akimuilluni isumaliutersuuteqarnerit, kiisalu aallutaqarfissatut toqqakkat il.il.

§ 13-imut

Aalajangersakkakut nalunaarasuartaateqarnermi aqutsisut akuersissummik pigisaqartumut nalunaarasuartaatitigullu sullissinernik ammanerulersitsiviusuni sullissisunut paasissutissanik arlalippassuarnik piumasaqarsinnaanerit aalajangersarneqarpoq. Paasissutissat akuleriussapput, tassaassallutik ingerlatseqatigiiffik pillugu paasissutissat isertuunneqartussat, tak. § 14, aamma paasissutissat tamanut ammasumik politikikkullu suliassaqartunut paasissutissiinermi atorneqartussat.

Nalunaarasuartaateqarnermi aqutsisut nalunaarasuartaateqarnermi akit, pitsaassuseq atuisullu kissaataat pillugit paasissutissanik attuumassutilinnik tamanik katersisassapput, atuisut niuernerlu pillugit naammaattumik akuttussuseqartinneqartunik misissueqjissaartarnermikkut.

Kiisalu nalunaarasuartaateqarnermi aqutsisut paasissutissanik, nakkutilliisuususaatitaanermut atatillugu attuumassuteqartunik tamanik katersuisinnaassapput.

§ 14-imut

Aalajangersakkami pinerluttulerinermut inatsimmi § 29-imut innersuussisoqarpoq, kisiannili inatsisip oqaasertaani pissarsiaqarfiusinnaasumik aalajangersakkamut innersuussisoqanngilaq, tassani ilaatigut Kalaallit Nunaanni pinerluttulerinermut inatsisip iluarsaanneqarnissaanik naatsorsuuteqarneq eqqarsaatigineqarmat.

Aalajangersakkap atuutilernerata nassatarisaanik piaaraluni nipangiussisusaatitaanermik unioqqutitsineq kisimi pinerluuteqarnertut isigineqarpoq. Taamaattumik pineqaatissiissutaasinnaasumik aalajangiineq pinerluttulerinermik inatsit naapertorlugu pissaaq.

§ 15-imut

Imm. 1-imut

Akiliutinik qanoq annertutigisumik akiliisoqartarnissaa naatsorsorsinnaanarlugu kiisalu taperseeqatigiiffiusut annertussusaat naliliiffiginarlugu killilersimaanarlugulu, aammalu pilersuisusaatitaanermi akit aalajangersarneqarnerisa sunniutaat paasiniarlugit Naalackersuisut

piginnaatinneqarput, akuersissummik pigisaqartup naatsorsuutiniq sullissinernut ataasiakkaanut agguaassisarnissaa pillugu aalajangersaanissamut.

Taperseeqatigiittarneq suliassaqaarfii amigartooruteqaarfiusut sulianit iluanaaruteqaarfiusunit sinneqartoorutit atorlugit aningaasalersorneqartarnerannik isumaqarpoq. Tunisassiap/sullissinerup ataatsip iluani aamma tunisassiat/sullissinerit assigiinngitsut akornanni taperseeqatigiittoqarsinnaavoq. Taperseeqatigiinnermi tuniniaasoq soorlu kisermaassisussaataffaarsuutit akuersissummik pigisaqaarfiusumiit suliassaqaarfimmut ammanerulersinneqartumut aningaasanik nuussisinnaavoq, taamaalillunilu suliassaqaarfimmi ammanerulersinneqartumi unammillertiminut akornusiilluni.

Oqaaseq "suliassat ingerlatseqatigiiffimmi eqqartuussisutigoortumik attuumassuteqaanngitsumik suliarineqaraluarpata naatsorsuusiornissamut piomasaaqatit assinginiq piomasaaqateqaarfiusumik" kinguneqassaaq:

- naatsorsuuteqaarfiusut tamarmik immikkut naatsorsuuteqaarfiusumut immikkut tunngasunik naatsorsuusiorneqassasut, angusanut naatsorsukkanik taamatullu oqimaqaatigiisitsinernik imaqartinneqartunik,
- suliffeqaarfiup iluani niuerfiit ataasiakkaat akornanni sullissinernut akiligassat, soorlu nioqputissanut sullissinernullu, niuernerpalaartumik tunngaveqarluni ingerlanneqassasut, aammalu niuerfiit ataasiakkaat akornanni aningaasanik nuussisarneq, tassunga ilanngullugu aningaasaatinut akisussaaffiusunut aallarniutitut akiliutit, niuernermi aningaasaqarnermut tunngaviusut malillugit pisassasoq,
- sullissinerit attaveqaatinik niuerfiit ataasiakkaat akornanni ataatsimut atuisussaataitaneruinnaasumut ilaatinneqartut piomasaaqatigineqartut assinginiq piomasaaqateqaarfiusumik allamut pilersuutigineqarsinnaassasut, aamma
- naatsorsuutit pineqartut nalunaarasuartaateqarnermik aqutsisunut tunniunneqarnerminni pisortat ingerlatsinerat pillugu paasitinneqarsinnaatitaanermut inatsimmi aalajangersakkat nalinginnaasut malillugit allagaatit takuneqarsinnaassasut.

Imm. 2-mut

Imm. 2-mi piffissap qanoq ilinerani naatsorsuutitigut agguaaneq naammassineqarsimassanersoq pillugu Naalakkersuisut sukumiinerusunik maleruagassiorsinnaanissamut piginnaatinneqarput. Suliffeqaarfiup naatsorsuutaannik Naalakkersuisut piomasarisaannut naapertuuttunngortitsilluni allanngortiterinerup sivisujaamik ingerlasinnaanera tamatumunnga tunngaviuvoq.

Naatsorsuutit qaqugukkat nalunaarasuartaateqarnermi aqutsisunut nassiunneqassanersut pillugu Naalakkersuisut maleruagassiorsinnaapput.

Kiisalu Naalakkersuisut naatsorsuusiortarnermi periaatsit suut naammassineqarsimassanersut pillugu maleruagassiorsinnaapput. Taakku saniatigut naatsorsuutini immikkoortut suut immikkoortillugit saqqummiunneqassanersut pillugit Naalakkersuisut maleruagassiorsinnaapput.

§ 16-imut

Nalunaarasuartaateqarnermi aqutsisut nakkutilliinermik isumagisaqarnerat eqqarsaatigalugu qilersorsimangitsumik inissisimanerup nassataanik nakkutilliinerup isumagineqarneranut tunngatillugu nalunaarasuartaateqarnermi aqutsisut Naalakkersuisullu akunnerminni attaveqartussaangillat, tassunga ilanngullugu nalunaarasuartaateqarnermi aqutsisut tamatumunnga atatillugu aalajangiineri. Taamaattumik Naalakkersuisut pingaartumik nakkutilliinermut atatillugu pissutsinik, Naalakkersuisut ilisimassallugit soqutigisinnaasaattut nalilerneqartunik nalunaarasuartaateqarnermi aqutsisunit ilisimatinneqarnissartik pisariaqartissinnaavaat, soorlu:

- Suliat nukinginnartut, § 17, imm. 2 naapertorlugu ukiumoortumik nassuiaateqarnissamut utaqqissunneqarsinnaangitsut
- Aalajangiinerit, Kalaallit Nunaanni nalunaarasuartaateqarnermut inuiaqatigiinnullu tamakkiisunut annertuunik kinguneqarsinnaasut
- Nunap iluani nunallu tamat akornanni nalunaarasuartaateqarnermi atugaalersut, siunissaq ungasinnerusoq eqqarsaatigalugu nalunaarasuartaateqarnerup niuerutigineqarnerata ilusilersugaaneranut sunniuteqartussatut naatsorsuutigineqarsinnaasut.

Nalunaarasuartaateqarnermi aqutsisut paasissutissiissutissatut pisariaqartinneqartut qanoq annertutiginersut nalilertassavaat, suliniutinillu tamatumunnga tunngasunik aallartitsisassallutik. Ammanissaq pisariaqartinneqartoq qulakkeerniarlugu paasissutissiisernerup allakkatigut pisarnissaa siunnerfigineqarpoq, taannalu oqaluinnarluni paasissutissiinermik ilaneqarsinnaavoq.

§ 17-imut

Imm. 1-imut

Siunnersuutigineqartutut nalunaarasuartaateqarnermi aqutsisut nakkutilliinerminnut atatillugu namminneerlutik politikikkikullu suliassa qarfinnut assigiinngitsunut soqutigisaqartunut attuumassuteqanngitsumik aalajangersinnaavaat, nakkutilliinerminnut atatillugu suliamut attuumassutilinnik qanoq annertutigisumik suliassa qarfinnilu suni paasiniagassanik misissugassanillu sunik aallartitsissanerlutik.

Paasiniaanerit misissuinerillu taakku nalunaarasuartaateqarnermik suliaqarfimmit aningaasalersorneqassapput, tassanilu sulineq isertitanit matussuserneqartussa pineqarpoq. Ukiut tamaasa ukiut siuliini naatsorsuutit tunngavigalugit naliliinikkut tassunga aningaasalersuutissanik nalunaarasuartaateqarnermi aqutsisut missingersuutaannut aningaasanik immikkoortitsisoqartassaaq. Aningaasat qanoq amerlatigisut atorneqarsinnaanersut Inatsisartut aningaasanut inatsisaanni ingerlatsinermut aningaasaliissutit aqutugalugit aalajangerneqartassapput, tassanilu taamaalilluni ingerlatsinermut aningaasartuutinut aningaasaliissutit killilikkat pineqarput. Tassalu nalunaarasuartaateqarnermik suliaqarfik suliassamut tassunga

akiliisitsisarnikkut aningaasalersuisassaaq, tak. § 28, imm. 1. Akiliutissap annertussusissaa Inatsisartut aningaasanut inatsisaannut oqaasertaliussinikkut aalajangerneqartassaaq.

Imm. 2-mut

Tamatuma saniatigut nalunaarasuartaateqarnermi aqutsisut suliaasaqarfiit ajornartorsiuteqarfiusulluunniit paasiniagassat misissugassalluunniit, immikkoortortanit annertunerusumik aningaasaliissuteqarfigineqartariaqartutut pisariaqartitsiviusut pillugit Naalakkersuisunut siunnersuuteqarsinnaapput.

Imm. 3-mut

Misissugassat paasiniagassallu nalunaarasuartaateqarnermi aqutsisut nakkutilliinerminnut atatillugu imm. 1 naapertorlugu namminneerlutik ingerlaavartumik isumagisaasa saniatigut, siumut isigisumik nalunaarasuartaateqarnermilu politikki siunnerfigalugu paasiniaanernik misissuineruillu aallartitsisarnissaannik Naalakkersuisut nalunaarasuartaatigut aqutsisunut pisussaaffiliisinnaanissaat aalajangersakkami siunnersuutigineqartumi siunertarineqarpoq.

§ 18-imut

Nalunaarasuartaateqarnermi aqutsisut ukiumoortumik nalunaarummik saqqummiussisarnissamik pisussaaffilerneqarput, tassaasunik:

- suliat tamakkiisut, tassunga ilanngullugu maannamut nakkutilliinermi suliaasimasut naliliiffigineqarneri aammalu siunissami tamatuma isumagineqarnerani eqqarsaatersuutaasinnaasut, kiisalu
- misilittakkat, nalunaarasuartaateqarnermi aqutsisut nalunaarasuartaateqarnermik suliaqarfimmi inatsisitigut tunngaviusunut tamakkiisunut tunngatillugu, aammalu inassutit, tamatuma allannguiffiginissaanik ilaartorneqarnissaanillu pisariaqartitsinerusinnaasunik tunngaviliisinnaasut pissarsiarisimasaat.

Suliat akimorlugit paasiniaanermi misissueqqissaarnermilu, nalunaarasuartaateqarnermi aqutsisut ukiup ingerlanerani nakkutilliinerminnut atatillugu aallartissimasaannut inerniliussassatut inassutissatullu tunngaviliisinnaasut tassunga ilanngunneqarnissaat pissusissamisuuginnassaaq.

Kiisalu ukiumoortumik nalunaarut pilersuisussaatitaaffiusunik tuniniagaqartup pilersuisussaatitaanermik naammassinninneranut kiisalu atuisunut illersuinermut attuumassuteqarsinnaasuni pissutsinut killiffinnik imaqassaaq.

§ 19-imut

Imm. 1-imut

Naalakkersuisut nalunaarasuartaateqarnermi maalaaruteqartarfimmik pilersitsinissaat

siunnersuutigineqarpoq. Maalaaruteqartarfiup pilersinneqarnerani siunertarineqarpoq akuersissummik pigisaqartut, nalunaarasuartaateqarnermi tuniniagaqartut pilersuisussaataitanermillu tuniniagaqartut nalunaarasuartaateqarnermi aqutsisut aalajangiineri pillugit maalaaruteqartarfimmu sulianik paasisimasalimmut, suliap suliarineqarnissaannut pingaarutilinnik ilisimasalimmut allaffissornikkut maalaaruteqarnissamut periarfissinneqarnissaat. Nalunaarasuartaateqarnermi maalaaruteqartarfik sulinerminni Naalakkersuisunut, nalunaarasuartaateqarnermi maalaaruteqartarfiup suliarnik isumaginninneranut ilitsersuisussaataaangitsumut attuumasuteqassanngilaq.

Nalunaarasuartaateqarnermi maalaaruteqartarfiup suliakkiissutigineqartunik suliaqarnera pillugu tunngaviumik inatsimmi § 63 naapertorlugu eqqartuussivimmu misiliinissaq mattunneqanngilaq.

Imm. 2-mut

Aalajangersakkami aalajangerneqarpoq maalaaruteqartarfik ataatsimik siulittaasoqassasoq, marlunnik ilaasortaqaassasoq aammalu ataatsimik amerlanerusunilluunniit siulittaasumut sinniisussaqaassasoq. Ilaasortat marluk aningaasaqarnermik nalunaarasuartaateqarnerullu teknikkimut tunngasortaani ilisimasaliussapput. Tamanna maalaaruteqartarfiup atuunnissaanut pingaaruteqarpoq, ammanerulersitsisoqaassappat suliat nalunaarasuartaateqarnerup teknikkimut tunngasortaanut aningaasaqarnermullu tunngasunik pisariusunik imaqaarnissaat naatsorsuutigineqarmat. Siulittaasoq ilaasortallu allat marluk ukiuni marlunni atuuttussatut toqqaarneqartassapput, qinigaaqqittoqarsinnaassalluni.

Imm. 3-mut

Nalunaarasuartaateqarnermi maalaaruteqartarfimmu siulittaasutut toqqaarneqartoq inatsisilerineri soraarummeersimassaaq. Nalunaarasuartaateqarnermi maalaaruteqartarfiup sullissivittut eqqartuussivimmu assingusutut, eqqartuussiviit nalinginnaasut saniatigut qinigassatut allatut ingerlanissaa siunertarineqarmat, siulittaasutut toqqaarneqartup sapinngisamik Danmarkimi eqqartuussisumik toqqaaniarnermi piumasarineqartutut piginnaaneqaassaaq misilittakkatigullu tunngaveqarnissaa piumasarineqarpoq. Matumani Kalaallit Nunaanni pissutsit immikkooruteqarnerat taamatullu atorfinitsitsiniartarnermi ajornartorsiuteqartarnerit eqqarsaatigineqartussaammata, retsassessorimik, piginnaaneqarfigisassatut piumasarineqartunik suli angusaqarsimanngitsumik toqqaasoqarsinnaanera akornuserneqassanngilaq. Siulittaasoq ukiuni marlunni atuuttussatut toqqaarneqartassaaq, qinigaaqqinnissamut periarfissaqartinneqassalluni.

Imm. 4-mut

Imm. 4-mi aalajangersarneqarpoq nalunaarasuartaateqarnermi maalaaruteqartarfimmu ilaasortat marluk Kalaallit Nunaanni nalunaarasuartaateqarnermik suliassaqaarfimmit innersuussisoqarneratigut Naalakkersuisunit toqqaarneqassasut. Toqqaaneermi najukkami suliatigut soqutigisanut attuumasuteqannginnissaq pingaartinneqassaaq, taamaattumillu ilaasortanik Kalaallit Nunaanni najugaqanngitsunik toqqaasarnissaq pisariaqalersinnaalluni. Suliaqaarfimmut kattuffimmik innersuussisinnaasumik soqanngippat, Naalakkersuisut suliassaraat suliffeqaarfimmut

nalunaarasuartaateqarnermik suliaqartunut naammattumik amerlassusilinnut innersuussititsiniarlutik saaffiginnissallutik. Nalunaarasuartaateqarnermi suliaqartut pineqartut tassaapput suliffeqarfiit, niuernikkut annertunerpaamik nalunaarasuartaatigut attaveqaqatigiinnermik ingerlatitseqqittarnermik imaluunniit nalunaarasuartaatigut attaveqaqatigiinnermut atortunik sanaartornermik ingerlatsinermillu suliaqartut.

Naalackersuisut ilaasortassanik, nalunaarasuartaateqarnermik suliaqartunit innersuunneqarsimannigitsunik toqqaasinnaangillat.

Imm. 5-imut

Imm. 5-imi Naalackersuisut suleriaasissamut maleruagassiornissamik pisussaaffilerneqarput. Suleriaasissami ilaatigut ataatsimiigiaqqusisarnermut, ataatsimiinnerit imaqarniliornerinut aamma maalaaruteqartarfimmiit tunuarnermut maleruagassanik aalajangersaasoqassaaq.

Imm. 6-imut

Imm. 6-imi Naalackersuisut allattoqarfittut ikiuuttussanik atugassiisarnissamut pisussaatinneqarput. Allattoqarfittut ikiorsiisarnermi maalaaruteqartarfiup ataatsimiinnissaannut piareersarnerit ingerlatsinerillu suleqataaffigineqartassapput. Tamatumani siunertaavoq allattoqarfiup maalaarutinik, nalunaarasuartaateqarnermi maalaaruteqartarfiup oqartussaaffiinut ilaanngitsunik itigartitsisinnanissaat, tak. § 20, imm. 1-imut oqaaseqaatit. Kiisalu allattoqarfiup maalaaruteqartarfimmi aalajangiinerit malitseqartinneqarnissaat isumagisussaavaa.

Maalaruteqartarfimmut allattoqarfissarpiamik pilersitsisoqarnissaa maannarpiaq naatsorsuutigineqanngilaq, allattoqarfittut ikiorsiisarnernerup inunnit, "naalackersuisoqarfimmi", sukkulluunniit nalunaarasuartaateqarnermut akisussaasumik naalackersuisoqarfeqartumi inissisimasunit isumagineqartartussaammat.

Imm. 7-imut

Imm. 7-imi maalaaruteqartarfik sulinini pillugu Naalackersuisunut ukiumoortumik nalunaaruteqartarnissaanik pisussaaffilerneqarpoq. Tamanna ilaatigut Naalackersuisut maalaaruteqartarfiup sulinerata annertussusia qanorlu issusia pillugu paasissutissinneqarnissamik pisariaqartitsinerannik tunngaveqarpoq, taamaalilluni maalaaruteqartarfiup suliaqartut peqqussummi pisussaaffiliunneqartut suliarisarsimanerai Naalackersuisunit qulakkeerneqarsinnaammat., aammalu suliaqartut isumagineqarnissaannut naatsorsuutigisaqarnermut atasunik ajornartorsiortoqarpat tamanna maalaaruteqartarfimmiit erseqqissaatigineqartassammat.

§ 20-mut

Imm. 1-imut

Aalajangersakkami maalaaruteqartarfiup suliaqartut pingaarnerit aalajangersarneqarput. Nalunaarasuartaateqarnermi maalaaruteqartarfiup

nalunaarasuartaateqarnermi aqutsisut § 11, imm. 2, nr. 5 aamma 6 naapertorlugit aalajangiineri pillugit maalaarutit suliarisassavai.

Tamatuma nassatarisaanik nalunaarasuartaateqarnermi maalaaruteqartarfiup allattoqarfiata maalaarutit, maalaaruteqartarfiup oqarsinnaatitaaffinut ilaanngitsut itigartissinnaavai, tassunga ilanngullugit maalaarutit, nalunaarasuartaateqarfimmi aqutsisunit suliarineqarsimannngitsut. Allattoqarfiup itigartitsineranut maalaarutit tamanna maalaaruteqartumit kissaatigineqarpat nalunaarasuartaateqarnermi maalaaruteqartarfimmut ingerlatinneqarsinnaapput. Tunniussisoqassappat maalaarut allattoqarfimmut isumagisassannngortinneqassaaq.

Imm. 2-mut

Aalajangersakkami allassimavoq nalunaarasuartaateqarnermi maalaaruteqartarfiup pissutsit imm. 1-imi taaneqartut pillugit maalaarutinut aalajangiinerisa maalaaruteqartarfimmut saqqummiunneqarnerminniit kingusinnerpaamik qaammatit pingasut qaangiunnerini piareersimanissaat anguniarneqartassasoq.

Assersuutigalugu attaveqaatinik ataatsikkut atuinnermut tunngatillugu aalajangiinerit sapinngisamik piaartumik piareersimanissaat pingaaruteqarluinnarsinnaavoq, tamanna unammilleqatigiinnermi tuniniaasut ataasiakkaat periarfissannut pingaaruteqarluinnarsinnaammat.

Imm. 3-mut

Sullissineq allakkatigut pisassaaq. Suliap suliarineqarnissaanut piareersarnermi allattoqarfiup paasissutissat, nalunaarasuartaateqarnermi maalaaruteqartarfiup aalajangiinissaanut pingaaruteqarsinnaasut suliamut ilaanissaat isumagisassavaa.

§ 21-mut

Aalajangersakkami Naalakkersuisut maalaaruteqartarfiup sulineranut aalajangersakkanik tamanut matussutissiisinnaasunik aalajangersaasinnaanerat inatsisitigut tunngavilerneqarpoq.

Naalakkersuisut nalunaarasuartaateqarnermi maalaaruteqartarfiup suliassanik sunik suliaqarsinnaaneranut aalajangersaasinnaassapput. Assersuutigalugu Naalakkersuisut maalaaruteqartarfimmi siunnersuisarnerit ilanngullugit isumagineqartarnissaannut maleruagassanik aalajangersaasinnaapput, tassunga ilanngullugit misissueqqissaarnerusinnaasunik paasiniaarnerusinnaasunillu inassuteqarnerit, kiisalu inatsisinik allannguinerusinnaasunik inassuteqarnerit.

Piginnaatitsinerup nassatarisaanik Naalakkersuisut ukiumoortumik nalunaarutit ilusissaannut imassaannullu maleruagassanik aalajangersaasinnaapput. Assersuutigalugu nalunaarasuartaateqarnermi aqutsisut nalunaarusiornissaanut maleruagassiortoqarsinnaavoq, tassanilu pineqassapput:

- suliat suut nalunaarasuartaateqarnermi maalaaruteqartarfimmut ingerlatinneqarsimanersut pillugit nassuiaat,

- nalunaarasuartaateqarnermi maalaaruteqartarfiup sulianut maalaaruteqartarfimmu ingerlatinneqarsimasunut, aammalu innersuussutitut, tamatuma allannguiffiqineqarnissaanut ilaneqarnissaanullu pisariaqartitsilersinnaasunut tunngatillugu misilittagaat, kiisalu
- nalunaarasuartaateqarnermi maalaaruteqartarfiup aalajangiineri tunngaviugalugit inerniliinerit innersuussutillu.

Taagorneqartut tamaginnut matussusiinngillat.

Pisariaqartinneqassappat naalakkersuisut missingersuutinut naatsorsuutinullu maleruagassanik aalajangersaasinnaassapput.

Aammattaaq Naalakkersuisut nalunaarasuartaateqarnermi aqutsisunit aalajangikkamik piffissaliussaasut iluanni nalunaarasuartaateqarnermi maalaaruteqartarfimmu ingerlatitseqqissinnaanissamut maleruagassanik aalajangersaasinnaapput. Piffissaliunneqartut malinneqanngippata nalunaarasuartaateqarnermi maalaaruteqartarfiup maalaarut itigartissinnaavaa. Kisiannili maalaarutit suli eqqartuussivinnut suliakkiissutigineqarsinnaassapput.

Nalunaarasuartaateqarnermi maalaaruteqartarfik pingaartumik sulianik pisariusunik, nalunaarasuartaateqarnermi teknikkimut tunngasunik angisuunik annertuunillu kinguneqartussanik isumaginnittussatut pilersinneqarpoq. Taamaattumik aalajangersakkamik iliuuseqarnissamut malittarisassiuussiviusumik ilanngussisoqarpoq, nalunaarasuartaateqarnermi maalaaruteqartarfimmu suliakkiineri akiliuteqartitsisalersinnaanermut inatsisitigut tunngavissiiisumik. Tamatumunnga tunngavigineqartoq tassaavoq, nalunaarasuartaateqarnermi maalaaruteqartarfiup suliassanik soqutaarpiannigitsunik suliaqartarnissaata siunertaannginnera. Taamatuttaarlu maalaarut tamakkiisumik ilaannaasumilluunniit taparserneqarpat akiliutip utertinneqarnissaanik Naalakkersuisut aalajangiisinnaanerannut inatsisitigut tunngavissiiisoqarpoq.

§ 22-mut

Aalajangersagaq aqutigalugu nalunaarasuartaateqarnermi maalaaruteqartarfiup akuersissummik pigisaqartumit, pilersuisussatitaaffiusunik tuniniagaqartunit aamma sullississutitut tuniniagaqartunit paasissutissanik, aalajangiinissaq eqqarsaatigalugu attuumassuteqartutut naliliiffiqineqartunik katersisinnaanerit aalajangersarneqarpoq.

Paasissutissat akuleriillutik tassaassapput ingerlatseqatigiiffik pillugu paasissutissat isertuunneqartussat, tak. § 14, aamma paasissutissat tamanut ammasumik politikikkikullu suliaqarfimmu paasissutissanik saqqummiussinissamut atugassat.

§ 23-mut

Imm. 1-imut

Aalajangersakkami pinerluttulerinermu inatsimmi § 29-imut innersuussisoqarpoq,

kisiannili inatsisip oqaasertaani pissarsiaqarfiusinnaasumik aalajangersakkamut innersuussisoqanngilaq, tassani ilaatigut Kalaallit Nunaanni pinerluttulerinermut inatsisip iluarsaanneqarnissaanik naatsorsuuteqarneq eqqarsaatigineqarmat.

Aalajangersakkap atuutilernerata nassatarisaanik piaaraluni nipangiussisussaataaerneramik unioqqutitsineq kisimi pinerluuteqarnertut isigineqarpoq. Taamaattumik pineqaatissiissutaasinnaasumik aalajangiineq pinerluttulerinermik inatsit naapertorlugu pissaaq.

§ 24-mut

Aalajangersakkami erseqqissarneqarpoq nalunaarasuartaateqarnermi maalaaruteqartarfiup aalajangiineri allaffissornermik oqartussaasunut allanut ingerlateqqinneqarsinnaanngitsut. Taamaattorli aalajangiinerit inatsimmi tunngaviusumi § 63 naapertorlugu tamatigut eqqartuussivinnut suliakkiissutigineqarsinnaapput, taamaattorli tak. imm. 2.

Imm. 2-mut

Imm. 2 naapertorlugu suliamik eqqartuussivimmuut tunniussineq aalajangiinerup pineqartumut nalunaarutigineqarneraniit kingusinnerpaamik sapaatit akunnerisa arfineq pingasut qaangiunnerini pissaaq. Tamatumunnga tunngavigineqarpoq illuatungeriit aalajangiineq malillugu iluarsiinissamut periarfissaqarnissaat, taamaalillutillu aalajangiinissamik piffissami sivisuumi annaasaqaatigisaminnik utaqqinnginnissaaq.

§ 25-mut

Kapitalimi aalajangersakkami siunertaavoq atuisut tamarmik piumasaqaatit naammaginatut akillu naammaginatut atorlugit nalunaarasuartaateqarnermi sullissinernik nalinginnaasunik atuisinnaanissaasa qulakkeerneqarnissaa.

Pilersuisussaataaneq tunngavimmigut nalunaarasuartaatitigut sullissinernik nalinginnaasunik eqimattakkaanut suliaasaqarfinnulluunniit, niuernermi qilersorsimannngitsumi nalunaarasuartaatitigut sullissinernik nalinginnaasunik tuniniaaffigineqarsinnaanngitsutut qularnaateqanngitsunut tuniniagaqarnissamik qulakkeerisussaavoq.

Matumani nalunaarasuartaateqarnermi sullississutitut nalinginnaasutut pineqartut tassaapput PSTB/ISDN-ikkut oqaluussisarneq, kiisalu taakku aqqutigalugit internettimik atuisinnaanerit. Tamatut pineqartut uninngaannartuunngimmata, sullississutit nutaat ima atungaanerulersimanersut, allaat pilersuisussaataaernermit ilannguttariaqalerlutik akuttunngitsumik naliliiffigineqartariaqartassaaq. Assersuutigalugu tassaasinnaapput ADSL bredbåndikkullu attaveqaatit allat. Aaqqiissutissani annertuneq tassaassaaq, attaveqaatit nammattuunik nalunaarasuartaatitigut sullissinertut nalinginnaasutut taaguusiinissaaq. Tassanili atuisut ataasiakkaat namminneerlutik aalajangissavaat, sullissinerit arlaat attaveqaatit

nammattui aqputigalugit nuunneqartassanersut. Assersuutigalugu tassaasinnaavoq telefoni (VoIP), internetti imaluunniit radiu/TV.

Imm. 1-imut

Naalackersuisut nalunaarasuartaatigit sullissinerni assigiinngitsuni⁹ pilersuisussaatitaanermi tuniniagaqartussanik assigiinngitsunik toqqaasinnaapput. Naalackersuisut pilersuisussaatitaaffinnik tuniniagaqartussanik toqqaaniarnerminni ingerlatseqatigiiffik imaluunniit ingerlatseqatigiiffiit toqqarneqartut toqqaanermi niuernikkut nuimasutut inissisimareersut pingaartittassavaat.

Aalajangersakkamissaaq pilersuisussaatitaaffiusut tamakkiisut ilaannik, soorlu oqarasuaatikkut oqaluussisarnernik nalinginnaasunik, isumagisaqartussatut pilersuisussaatitaaffinnik tuniniagaqartumik ataatsimik, sullissinernillu allanik pilersuisussaatitaaffinnik tuniniagaqartussamik allamik toqqaasinnaaneq periarfissinneqarpoq.

Akuersissutit pillugit aalajangersakkat akuersissummik pigisaqartup Kalaallit Nunaat tamakkerlugu assigiinnik atugassaqartitsilluni nalunaarasuartaatigit sullissinernik tuniniagaqarnissamut pisussaaffilerneqarneranik imaqarput. Naalackersuisut taamatuttaaq kiffartussinernik pilersuisussaatitaaffiusunik aalajangernermikkut taakkunungalugu piunasaqaateqarnermikkut, kiisalu pilersuisussaatitaanermik tuniniagaqartussamik toqqaanermikkut innuttaasut nalunaarasuartaatigit sullissinernik nalinginnaasunik atuisinnaanissaat qulakkeerniarpaat.

Nr. 1

Aalajangersakkami Naalackersuisut sullissinerit suut pilersuisussaatitaaffineqassanersut pillugu aalajangiinissamut piginnaatinneqarput. Tamatumunnga tunngavigineqarpoq, § 2 naapertorlugu sullissinerit ammanerulersinneqartarnerat iluatigalugu akuersissutinut aalajangersakkat nungukkiartortussaammata.

Sullissineq pilersuisussaatitaaffiussanersoq pillugu aalajangiinermi sullissineq tamanut siaruarneqarsimanersoq, aammalu inuiaqatigiinnut aningaasaqarnikkut pingaaruteqarnerasoq pingaartinneqassaaq. Sullissinerit annertuut tassaasinnaapput sullissinerit Namminersornerullutik Oqartussat kisermaassineranit peerneqarsinnaasut, tak. § 2, imm. 1 aamma 2. Tamatuma saniatigit eqimattakkaanut killilinnut immikkut ittumik pilersuisussaatitaaffissanik aalajangersaasoqarsinnaavoq, tassalu assersuutigalugu innarluutilinnik, nuna tamakkerlugu normunik paasiniaavimmiit aamma nunani allani normunik paasiniaavimmit annertuumik atuuffeqartumiit sullissinerit pilersuisussaatitaaffinngortinneqarsinnaallutik. Teknologii mut tunngassuteqartut ineriartorerisa ilutigisaanik sullissinernut pilersuisussaatitaaffiusunut piunasaqaatit allanngortinneqartarsinnaassapput.

Nr. 2

Imm. 1, nr. 2-mi aalajangersagaq sullissinerit atortullu suut pilersuisussaatitaanermi sullissivinnut ataasiakkaanut killilerneqarnissaannut tunngaviliisuussaaq.

Nr. 3

Kiisalu Naalackersuisut nalunaarasuartaatitigut sullissinerni pilersuisussaatitaaffiusuni pilersuinermi pisussaaffeqarnerup sukumiinerusumik killilerneqarnissaanut maleruagassiornissamut piginnaatinneqarput. Aalajangersakkami pilersuisussaatitaaneq illoqarfiup nunaqarfiullu killeqarfiisa avataanni atuutissanersoq pillugu maleruagassiornissamut tunngaviliisuusaaq.

Siunnersuutigineqarpoq Naalackersuisut pilersuisussaatitaanermik pisussaaffiup sukumiinerusumik killilerneqarnissaanut maleruagassiornissamut piginnaatinneqassasut. Najugaqarfiit avinngarusimasut, illoqarfiit nunaqarfiillu killeqarfiisa avatanniittut pilersorneqarnerat inuiaqatigiinnut akisoorsuummat, pilersuisussaatitaanermik aningaasartuutit aalajangersimasunik amerlassusilikkanik atuisup nammineerluni akiliinissaanik piumasaqaateqarfiusumik aalajangersaasoqarsinnaavoq. Tamatuma kingunerisaanik savaatillit, tuttuutillit, outfitterit, piniariartarfiit assigisaallu avinngarusimasuniittut nalunaarasuartaatinut atortulersuutit pilersinneqarnerini taakkununnga aningaasartuutit amerlassusissaattut killiliusaaq sinnerlugu amerlassuseqarpata, aningaasartuutit sinneri namminneerlutik akilertassavaat.

Imm. 2-mut

Aalajangersakkami pilersuisussaatitaanerup kingunerisai suunersut aalajangersarneqarput. Tassalu pilersuisussaatitaanermi pilersuinissamut pisussaaffik pingaarnertut inissisimavoq, tamatumalu kingunerisaanik sullissinerit pilersuisussaatitaanermut ilaatinneqartut Kalaallit Nunaanni atuisumut kimulluunniit, tamanna pillugu qinnuteqartumut aammalu imm. 1, nr. 2 aamma 3 naapertorlugit piumasaqaatit aalajangersarneqarsimasinnaasunik naammassinnittumut atugassiissutigineqarsinnaapput.

Inunnit piareersimaffigineqarsinnaangitutum itunik pilersuisussaatitaanerup naammassineqarnissaanut ajornarsititsisunik pisoqarsinnaavoq, tassani assersuutigalugu pisut, pilersuisussaatitaanermik tuniniagaqartup sulisuisa suliumajunnaarnermut ilaanerat ima annertutigisimappat, allaat pilersuisussaatitaanermik tuniniagaqartup nammineq sulisuni atorlugit pilersuisussaatitaanermik naammassinnissinnaajunnaarluni, teknikkikkut aningaasaqarnikkullu. Taamatut pisoqarnerani suliani ataasiakkaani naliliineq apequtaassaaq.

Kiisalu pilersuinissamik pisussaaffeqarneq maleruagassani piumasaqaatinilu killissarititaasut, pilersuisussaatitaaffiusumik tuniniagaqartumit aalajangersarneqartut iluanni taamaallaat atuutissaaq. Tassalu pilersuinissamik pisussaaffeqarneq pisuni tamaginni pinngitsoorani pisussatut isigineqassanngilaq, pilersuisussaatitaaffiusumik tuniniagaqartoq assersuutigalugu piumasaqaatit maleruagassallu taaneqartut naapertorlugit qularnaveequsiiffigineqarnissamik il.il. piumasaqarsinnaassammata.

Pilersuisussaatitaanermik aalajangersarneqartumik naammassinninnginnermi akiliisitsinermik pineqaatissiisoqarsinnaavoq, tak. § 36.

Imm. 3-mut

Pilersuisussaatitaaneq piusuusaartitsinerinnaassanngippat, Naalakkersuisut sullissinernut pilersuisussaatitaaffiusunut akinik aalajangersaanissamut piunasaqarsinnaassapput. Aalajangersakkami matumani anguniagaanngilaq Naalakkersuisut pisuni tamani sullissinerni pilersuisussaatitaaffiusuni akinik akuersissarnissaat, kisiannili piffissami aalajangersimasumi sullissinerni pilersuisussaatitaaffiusuni akit qanoq qaffatsigisinnaanannerannut qummut killiliisoqarsinnaavoq, taamatullu sullissinerit pilersuisussaatitaaffiusut tuniniarneqarnerini akit annerpaaffissaannik aalajangersaasoqarsinnaalluni. Akinut qaffaatissanut akillu annerpaaffissaannut qummut killiliinermi pilersuisussaatitaaffiusunik tuniniagaqartup niuernikkut atugassarititaasut malillugit suliaqarsinnaanerannut periarfissat sapinngisamik eqqarsaatigineqassapput.

Akinik qaffaanissamut annerpaaffiliinermi aninillu annerpaaffiliinermi sapinngisamik annertunerpaamik pilersuisussaatitaaffiusunik tuniniagaqartup niuernerpalaartumik atugassaqartinneqarluni niuernissaa periarfissinneqassaaq. Akit atuisunut akinik nalilersuutinut naleqqiussat malillugit akinik annerpaaffiliinissaq periarfissat ilagisinnaavaat, periaaserlu taanna nunanit allanit ilisimaneqarpoq, taannalu akinut ataasiakkaanut qaffaataasinnaasunut annertunerpaaffiliinikkut ilassuteqarsinnaavoq.

§ 26-mut

Imm. 1-imut

Aalajangersakkami matumani tuniniagaqartut pilersuisussaatitaanermik pisussaaffiligaasut suliassatut pisussaaffiliussap imaluunniit pisussaaffiliussat ingerlanneqarnerinut amigartoorutinut uppersarsarneqarsimasunut matussusiivigineqarsinnaanerit aalajangersarneqarpoq.

Amigartoorutit matussusiivigineqartussatut piunasaqarfigineqartut tassaassapput, nalunaarasuartaateqarnermi sullissinerni pilersuisussaatitaaffiusumi pineqartuni sullissinermut amigartoorutit tamakkiisut. Tamanna pillugu allaaserisat sukumiinerusut oqaaseqaatini nalinginnaasuni immikkoortoq VI-imi takuneqarsinnaapput.

Imm. 2-mut

Aalajangersakakkut Naalakkersuisut imm. 1-imi taaneqartunik amigartooruteqartoqarsimaneranut uppersaasiinissaq eqqarsaatigalugu pilersuisussaatitaaffiusunik tuniniagaqartunut piunasaqaatinik maleruagassiornissamut tunngavissinneqarput. Assersuutigalugu amigartoorutit naatsorsuutitigut kukkunersiuisunit atsiorneqarsimasutigut, oqaaseqaatini nalinginnaasuni immikkoortoq VI-mi tunngavissatut aalajangersakkanik naammassinniffiusutigut uppersarsarneqarsimanissaat piunasaqarpoq.

Naalakkersuisut tamatumani pilersuisussaatitaanermi amigartoorutaasinnaasunik naatsorsuinissamut atugassatut tunngavissarpianik maleruagassiuussisinnaanngillat.

Taamaattumik tamanna pillugu maleruagassat imm. 5 tunngavigalugu aalajangersarneqarnissat siunnerfigineqarpoq.

Imm. 3-mut

Aalajangersakkami tassani aalajangersarneqarpoq nalunaarasuartaateqarnermi aqutsisut Naalakkersuisut imm. 5 naapertorlugu maleruagassiaat tunngavigalugit, aammalu imm. 2-mi tunngavigalugu maleruagassani piumasarineqartutut uppernarsaatissanik saqqummiussereernerikkut uppernarsaatissat saqqummiunneqartut amigartoorutinut aningaasaliinissamut tunngaviliisunik angusaqarfiusunillu saqqummiussisoqarnersoq pillugu aalajangiisassasut.

Imm. 4-mut

Aalajangersakkami erseqqissarneqarpoq pilersuisussaataitanermi tuniniagaqartoq suliaasaqarfimmi ammanerulersinneqartumi pilersuisussaataitanermi amigartoorutinut matussusiivigineqarnissaq pisinnaatitaaffigigaat.

Imm. 5-imut

Naalakkersuisut imm. 5 tunngavigalugu amigartoorutit qanoq naatsorsorneqassanersut, naatsorsukkat taamaattut saqqummiunneqarnissaannut piffissaliussat, tamatuma kingorna akiliutissanik akiliisitsiniarnissaq tamannalu pillugu piffissaliussat pillugit sukumiinerusunik aalajangersaasinnaapput. Tassanilu allassimassaaq akiliutissat nalunaarasuartaateqarnermi malittarisassiuussisartunut akilerneqassasut, tamatumalu kingorna tassangaanniit amigartoorutinut aningaasaliissutissat pilersuisussaataaffiusunik tuniniagaqartumut akilerneqassasut. Periaatsip tamatuma aammalu akiliutissap annertussusissarpiaata aningaasanut inatsisikkut aalajangerneqarnissaata kingunerisaanik, pilersuisussaataaffiusumik tuniniagaqartup amigartoorutinut aningaasaliiffigineqarnissamut pisinnaatitaaffeqarfigisaata paasineqarneraniit tamatumunnga akiliinissap tungaanut piffissamik kinguaattoortoqassaaq. Sullississutinik tuniniagaqartut ataasiakkaat aningaasaqarnerannik tunngavissamik ilisimaneqartumik qulakkeeriniarluni, ukiut aningaasaliiffiusut ataasiakkaat sioqqullugit akiliutissap ilisimaneqarnissaa piumasarineqarpoq, taamaattumillu amigartoorutinut aningaasaliinermi pisariaqarpoq ukiup aningaasaliiffiusup aallartinnginnerani missingersuutit aqqutigalugit pilersuisussaataaffiusuni amigartoorutissat nalunaarutigineqartarnissaat.

§ 27-mut

Imm. 1-imut

Aalajangersakkakkut pilersuisussaataaffiusuni atuisunik immikkut illersuinissamik atuutsitsisoqalernissaa ajornarunnaarsinneqarpoq. Tassani piumasaqaatit nalinginnaasut pitsaassutsimullu piumasaqaatit sukannernerusunik maleruagassiuunneqarnerat pineqarpoq. Pilersuisussaataaffiusunik tuniniagaqartut aamma maleruagassanik, nalunaarasuartaateqarnermi sullissinerinik tuniniagaqarnermut maleruagassanik tamakkiisunik aalajangersaaffiusunik malinnittussaapput, tak. § 30.

Atuisunik illersuinermi ilaatigut pineqartut tassaasinnaapput:

1) tunngaviusumik sullitanut tungassutilinni suniluunniit ilaatinneqassapput allaganngorlugu isumaqatigiisummik, isumaqatigiissusiornissamut piumasaqaatit minnerpaaffissaat, tuniniaasup paasissutissiinissamut pisussaaffii, kiisalu isumaqatigiissutip imasaanut isumaqatigiisummilu piumasaqaatinut piumasaqaatit minnerpaaffissaat, tassunga ilanngullugu piffissaq qilersorsimaffiusoq, akinik piumasaqaatinillu allannguinermi siumoortumik ilisimatitsisarneq, qulanaveeqqusiineq, atusup tungaaniit sumiginnaasoqarneranut atatillugu atorunnaarsitsineq attaveerinerlu pillugit isumaqatigiissutinut piumasaqaatit imaasa minnerpaaffissaannut piumasaqaatit,

2) terminalimi atortunut attaviliinissamut atuinissamullu piumasaqaatit minnerpaaffissaat, aamma teknikkikkut tunngaviusunik immikkut ittunik atugassiinissamut akuersissutit,

3) atuisunut piginnaanernik atortunillu immikkut ittunik atugassiusaataaneq, tassunga ilanngullugu piginnaanernik atortullu taakku atuisumut akeqanngitsumik atugassiisutigineqarsinnaanerat, aamma piginnaanernik atortullu taaneqartut pillugit atuisumut ilisimatitsinissaq, kiisalu

4) immikkut ittunik atuisut ataatsimoortut pisariaqartitaannik naammassinninnissaq, taakkununga ilaallutik innaarluutillit.

Imm. 2-mut

Siunnersuutigineqarpoq allaffissornikkut maleruaqqusanik aalajangersaanikkut iluarsisooqassasoq, taakkulu malinneqarnissaat nalunaarasuartaateqarnermi aqutsisut nakkutilliisuuffigissavaat. Allaffissornikkut maleruaqqusat aalajangersarneqarnerini pilersuisaataaffiusunik tuniniagaqartut atuisunut isumaqatigiissutaanni piumasaqaatit minnerpaaffissaat taakkulu imassaat aalajangersarneqassapput.

Atuisut maleruaqqusanik malinninnginnermi tamanna pillugu nalunaarasuartaateqarnermi aqutsisunut maalaaruteqarsinnaassapput.

Allaffissornikkut maleruaqqusat imassaat eqqarsaatigalugit tuniniaasup atuisullu akornanni isumaqatigiissutinut piumasaqaatit imaritinneqartussat minnerpaaffissaannik aalajangersaasoqarsinnaavoq, aammattaaq tak. § 30. Tassani assersuutigalugu piumasaqaatit minnerpaaffiliissutigineqarsinnaapput:

- tuniniaasoq sullissinermik naammassinninngippat taarsiinissamut utertitsillunilu akiliinissamut aqqissuussineq,
- sumiginnaanermut atorunnaarsitsinermullu maleruagassat, kiisalu
- isumaqatigiisummi piumasaqaatinik atorneqartunut tamanut saqqummiussinissamik piumasaqarneq.

Tamatuma saniatigut allaffissornikkut maleruaqqusani sullissinerit tuniniarneqartut pitsaassusissaannut piumasaqaatit minnerpaaffissaat ilaatinneqarsinnaapput. Tamatumunnga piumasaqaatit tunngavimmikkut minnerpaamik maanna

pitsaassuseritinneqartut ataannarnissaasa qulakkeerneqarnissaat eqqarsaatigalugu aalajangersarneqartariaqarput.

Imm. 3-mut

Imm. 3 immikkut piumasaammik qulakkeerisussamik imaqarpoq, aalajangersakkamilu atuisunut piumasaqaatit siumoortumik akuerineqarnissaat pillugit maleruagassiornissamut periarfissiisoqarpoq. Taamaaliortoqassaaq atuisunut annerpaamik paasiuminarsaanissaq qulakkeerniarlugu. Tamatumunnga atatillugu aamma atuisunut piumasaqaatit akuerineqartarnerinut sukumiinerusunik maleruagassiornermi nalunaarasuartaateqarnermi aqutsisut tamatuminnga akuersissuteqarnissaminnut atuisuni oqartussaasunut tusarniaasinnaanerat ilaatinneqarsinnaavoq, tamatumani pissutsit nalunaarutikkut, peqqussut manna tunngavigalugu suliarineqartukkut immikkut maleruagassiuunneqarsimanngippat.

§ 28-mut

Nalunaarasuartaateqarnermik suliassa qarfiup nalunaarasuartaateqarnermi aqutsisut, nalunaarasuartaateqarnermi maalaaruteqartarfik pilersuisussaataitanermilu amigartoorutaasinnaasut aningaasalersussavai. Periaaseq taanna nunarsuarmi annertuumik atugaavoq. Ungasianiit attaveqaqatigiinneq tassaavoq illoqarfiit nunaqarfiillu akornanni, kiisalu nunanut allanut aamma nunanit allaniit nalunaarasuartaatitigut attaveqaqatigiinneq.

Imm. 2-mut

Akiliutissap annertussusissaa Inatsisartut aningaasaqarnermut inatsisaatigut aalajangerneqartassaaq. Akiliut amerlasuukkaarluni tuniniagaqarnermi isorartuumut attaveqaqateqartarnermut akiliutit akilersinneqartassaaq, taamaalilluni allaffissornikkut aningaasartuutit ikilisarneqassammata, tamatumalu peqatigisaanik sullississutinik tuniniagaqartut tamarmik assigiimmik tassunga tapersiisassallutik. Akiliutit nalunaarasuartaateqarnermi aqutsisut aamma nalunaarasuartaateqarnermi maalaaruteqartarfiup missingersuutaannut immikkortillugit matusissutissatut, aammalu pilersuisussaataitanermi amigartoorutaasinnaasunut immikkoortillugit matusissutissatut ersarissumik agguarneqarnissaat naleqquttutut isigineqarpoq. Isorartuumut attaveqaqateqartarnerup immikkoortuinut assigiinningsunut akinik assigiinningsunik aalajangersaasoqarsinnaavoq.

Ammanerulersitsiniarluni suliniutit aallartinneqarnissaasa tungaanut akuersissummik pigisaqartoq kisimiilluni niuerfimmi tuniniagaqartussaavoq, taamaattumillu kisimiilluni nalunaarasuartaateqarnermi aqutsisunut aamma nalunaarasuartaateqarnermi maalaaruteqartarfirmut aningaasalersuisussaalluni. Tuniniagaqartut amerliartortillugit tuniniagaqartut isorartuumut attaveqaqateqarnermik akuersissummik pigisaqartumut pisarnerisigut akiliut taanna angeqqatigiimmik akilerneqartalissaq.

§ 29-mut

Aalajangersakkami nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartunut piumasaqaatit minnerpaaffilerneqarnissaasa periarfissinneqarnissaa qulakkeerneqarpoq. Tamatuma ataani aamma maleruagassanik, "sumiiffiup iluani atassuteqaatit" taaneqartartunik, "tunuani" imaluunniit atuisutut normuni pineqartumi ikkussuunneqarsimasunik piginnittunut tunngatinneqartunik maleruagassiornissamut tunngaviliisoqarpoq, tassunga assersuutigalugu ilaallutik suliffeqarfiup ataatsip iluani nunap immikkoortuini arlalinni immikkoortortat arlallit akornanni nalunaarasuartaatinut atortut atortullu nuussisarfiit. Tassani sullissinerit nutaat atuutsinneqalernerat ilutigalugu atuisinnaatitaanermut piumasaqaatit assingirik pisussaaffiliinissamut periarfissaqartitsisoqarpoq.

Piumasaqaatinut minnerpaaffiliussami pineqartumi atuisut tamarmik akeqanngitsumik kalerrisaarivimmut, minnerpaamik nuna tamakkerlugu normunik paasiniaavimmut, siulianilu taaneqartut taamaaqataannut inuiaqatigiinnut pingaarutilinnut allanut pilersinneqarsimasinnaasunut sianersinnaanissaat qulakkeerneqassaaq.

§ 30-mut

Imm. 1-imut

Aalajangersakkami matumani siunertarineqarpoq nalunaarasuartaatitigut sullissinerit atuisunut neqeroorutigineqartut malittarisassiuunneqartarnerisa assigiinngisinneqarsinnaanissaat, taamaalilluni malittarisassiarineqartut ilaat taamaallaat nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartunut, pingaartumik atuisunit inuussutissarsiutinik ingerlataqanngitsunit atugassatut aalajangerneqarsimasunut atorneqarsinnaassallutik. Tamanna aalajangersakkat ilaasa taamaallaat atuisunut inuussutissarsiutinik ingerlataqanngitsunut atorneqarnerisigut pisinnaavoq, piumasaqaatillu atuisunut inuussutissarsiutinik ingerlataqartunut tunngatillugu atunngitsuunneqarsinnaapput, imaluunniit isumaqatigiissusiornikkut atuuttussaatinneqannginnerminni aatsaat atorneqarsinnaassallutik.

Tamatuma saniatigut assigiinngisitsinerup nalunaarutikkut malittarisassiuunneqarnissaa siunertarineqarpoq, taamaalilluni tamatuma ilaa taamaallaat atuneq malillugu akeqartitsiviusuni nalunaarasuartaatitigut sullissinernik tuniniagaqarnermut atorneqassalluni.

Siunertarineqarpoq nalunaarutikkut malittarisassiuussinerup tunngavimmigut tamanut atuutsinneqarnissaa, sullissinermi pineqartumi neqeroorutaasup suunera apeqqutaatinnagu. Tassalu tunngaviatigut malittarisassaaq nalunaarasuartaatitigut sullissinernut tamanut atuutissaaq, taakkununnga ilaallutik oqarasuaatikkut oqaluussisarnerit, ISDN-ikkut sullissinerit, Internetinut sullissinerit il.il.

Imm. 2-mut

Nr. 1

Aalajangersagaq ilaatigut sullitanut atassuteqarnerni suniluunniit tunngavittut allaganngorlugu isumaqatigiissusiornissamut maleruagassiornissamut atorneqarsinnaavoq.

Tamatununga atatillugu ilaatigut isumaqatigiissusiornierpiaq qanoq ingerlassanersoq pillugu aammalu atuisut peqqissimisinnaatitaanerit pillugu aalajangersaasoqarsinnaavoq.

Allaganngorlugu isumaqatigiissuteqarnissamut piumasaqarnermut tunngatillugu tamatuma eqaannerusumik naammassineqarnissaanut periarfissiisumik maleruagassiortoqarsinnaavoq, assersuutigalugu isumaqatigiissusiaq tamanna toqqissisimanartumik pisinnaassappat atortut elektroniskiusut atorlugit suliarineqarsinnaavoq, assersuutigalugu atsiornermik elektroniskiusumik atuinnikkut.

Tamatuma saniatigut pissutsit suut allaganngorlugu isumaqatigiissummut ilaatinneqassanersut minnerpaaffissaannik aalajangersaasoqarsinnaavoq, tassunga ilallugu isumaqatigiissutit tamarmik paasissutissanik makkununga tunngasunik imaqarnissaat:

- akit,
- tunniussinissamut piffissaliussat,
- pitsaassutsip sullissinerullu qaffasissusia,
- sullissinernut atortunullu tapertat atuisunut neqeroorutigineqartut,
- sullississutissatut isumaqatigiissutigineqartup naammassineqannginnerani sullitanut taarsiissuteqarnissamut akilikkanillu utertitsinissamut aaqqissuussinerit,
- atuisup tungaaniit sumiginnaasoqarsimatillugu atorunnaarsitsinissamut attaveerneqarnissamullu piumasaqaatit,
- atuisup tungaaniit akiliinngitsoornerup kingunerisaanik isumaqatigiissummi piumasaqaatinut minnerpaaffiliineq, tassunga ilanngullugu pingaartumik sullitamik taamaatitsinissamik attaveersinissamilluunniit killissarititaasut.

Aammattaaq nalunaarutikkut malittarisassiuussinermi piumasaqaatigineqarsinnaavoq, isumaqatigiissutit atorneqartut qularnaveeqqusiinissaq, isumaqatigiissuteqarnermi piffissat pituttorsimaffiusut, akinik piumasaqaatinillu allannguinnissamut, sullissinermik pineqartumik attaveersinissamut il.il. atatillugu siumut ilisimatitsinissamut maleruagassat, aamma tuniniagaqartup suliassaqarfiit taakku pillugit paasissutissiisussaataitanera pillugit paasissutissanik imaqassasut.

Nalunaarasuartaatitigut sullissinermik ataatsimik attaveersinissamut nalunaarummi maleruagassani ilaatigut piumasarineqarsinnaavoq, peqquserlunneq eqqarsaatigissanngikkaanni, kingusinaarluni akileeqattaarnermi akiliinngitsooqattaarnermiluunniit tunngaviatigut sullissineq aamma/imaluunniit atuneq pineqartoq (akilerneqanngitsoq) taassumaluunniit ilaa kisimi attaveerneqarsinnaasoq, aammalu nalunaarasuartaatitigut sullissinerusinnaasut allat aammattaaq atuisup pineqartup atuisuuffigisai pineqaratik.

Taamaattumik nalunaarutikkut malittarisassiuussinerup ilaatigut kingunerisaanik, tuniniaasup oqarasuaammut attaveqaammut ataatsimut tunngatillugu sumiginnaanermi oqarasuaammut attaveqaatit sullitap pineqartup pigisinnaasai allat attaveersinnaanngilai. Tamatumunnga pingaartumik atassuteqaammik aalaakkaasumik atuisup inuuneranut pingaaruteqartut tunngavigineqarput, taassuma ataani oqarasuaatip pisortat kalerrisaariviannut atassuteqaataanera.

Aalajangersagaq manna tunngavigalugu nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartup isumaqatigiissutini piumasagaatit siumoortumik akuerisassanngorlugit nalunaarasuartaateqarnermi aqutsisunut saqqummiussinissaa piumasarineqarsinnaassanngilaq, taamaattorli tak. § 27, imm. 3-mi pilersuisussaataitaaffiusunik tuniniagaqartut isumaqatigiissutini piumasagaataannut tunngasoq pillugu matumunnga tunngavigineqartoq.

Nr. 2

Aalajangersakkami Naalackersuisut atassusiineq terminalinullu atortunik atuneq, aammalu teknikkikkut atassusiivinnik immikkut ittunik atugassiisarneq pillugu piumasagaatinik minnerpaaffiliiffiusunik maleruagassiornissamut tunngavissineqarput, tamatuma ataani tuniniaasut apeqquteqarfigineqarnerminni nalunaarasuartaatit teknikkimut tunngasortaanik apeqquteqarfigineqarnerminni ersarissumik paasissutissiinissamut pisussaaffeqarnera.

Nr. 3

Aalajangersakkami pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik tuniniagaqartut ingerlatseqatigiiffiup pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik tuniniagaqarnerminnut tamakkiisumut atatillugu sullissinernik atortunillu immikkut ittunik arlaqartunik atuisunut neqerooruteqartarnissaannik maleruagassiornissamut piginnaatitaaffiliisoqarpoq, tamatumani atortut sullissinerillu taakku akeqanngitsumik atugassiissutigineqarnissaat piumasarineqarsinnaalluni.

Tamatumunnga maleruagassiuussinermi pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik atuisunut tuniniagaqartut aammattaq atuisunut erseqqissumik atortut pineqartut taakkulu periarfissarititaat pillugit paasissutissiisarnissaannik piumasagaartoqarsinnaavoq.

Tassani sullissinerit atortullu pineqarput, soorlu akiligassat immikkoortortalersukkat, avammut sianernissat ilaannik matusinerit, nikerarnermut ingerlaavartumik nakkutilliineq, tassalu atuinerup qaammatip siuliani atukkanut naleqqiullugu procentinik aalajangersimasunik annertunerunnginnissanik nakkutilliinissamut isumaqatigiissuteqarneq, tamannalu pippat atuisumut kalerriineq, aammalu akiligassat katinnerinik nakkutilliinermik aaqqissuussinerit, tassalu aaqqissiissinerit atuisup atugassatut naatsorsuutigisaasa annerpaaffilerneqarnerat, killissatut aalajangerneqartoq qaangerneqarpat atuisup kalerrinneqarneranik ilaqartinneqartoq.

Aalajangersagaq naapertorlugu sullissinernut atortunullu ataasiakkaanut immikkut piumasagaatinik aalajangersaasoqarsinnaassaaq. Taamaattorli piumasagaatit

sapinngisamik eqaatsumik naammassinnissinnaanermut periarfissanik ammaassisumik ilusilerneqarnissaat siunertarineqarpoq. Tassalu inatsisitigut tunngavissap atuutsinneqalerneratigut pingaartumik illersuinissamik siunertaq pingaarneq aallaavigineqassaaq.

Nr. 4

Aalajangersakkami Naalackersuisut atuisunut tunisassiat, immikkut ittumik atuisut, taakkununga ilaallutik innaarluutillit, pisariaqartitaannik naammassinninnissaq eqqarsaatigalugu neqeroortigineqartut pillugit nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartunut immikkut ittunik piumasaqarsinnaanerat tunngavissiuunneqarpoq. Taakkununga ilanngullugu pisinnaasat immikkut ittut, soorlu atuisuusutunut tusilartunut, isigiarsuttunut aalassarluttunullu.

Imm. 3-mut

Aalajangersakkami Naalackersuisut isumaqatigiissutit assigiinngitsut, soorlu tuniniagaqartup atuisunut inuussutissarsiutinik ingerlataqartunut aammalu inuussutissarsiutinik ingerlataqanngitsunut isumaqatigiissutaasa akornanni assigiinngisitsisinnaanissaat erseqqissarneqarpoq. Assigiinngisitsineq aalajangersakkat ilaasa atuisunut inuussutissarsiutinik ingerlataqanngitsunut taamaallaat atuutussaatinneqarnissaannut, imaluunniit aalajangersakkat ilaasa inuussutissarsiutinik ingerlataqartunut isumaqatigiissutini maleruagassiuussinermi piumasaqaatinik sanioqqutsisinnaanermut tunngasuusinnaavoq.

Assigiinngisitsineq atorpeqarsinnaavoq, malittarisassiuussineq pineqartoq pingaartumik atuisunik inuussutissarsiutinik ingerlataqanngitsunik illersuerusunermik tunngaveqarpat, aammalu malittarisassamik pineqartumik atuineq aammattaaq atuisunut inuussutissarsiutinik ingerlataqartunut tunngatillugu nalunaarasuartaatitigut sullissinermi piumasaqaatit akillu pillugit atuisut piumasaannik pilersuinissaq ajornakusoortippassuk ajornarsisivissimalluguluunniit tamanna atuisunit soqutigineqanngippat.

§ 31-mut

Aalajangersakkami tuniniagaqartup nalunaarasuartaatitigut sullissinernut ataasiakkaanut akinik piumasaqaatinillu aalajangersaasarnerata siunertanut sullissinerit ataasiakkaat atorpeqarfigisaannut attuumassuteqannginnissaat, aamma atuisup sullissinerup qinnutigineqartup saniatigut pisariaqartinneqanngitsunik tigusinissamut akiliinissamulluunniit pinngitsaalineqarneranik sunnuteqannginnissaat pillugu Naalackersuisut maleruagassiornissamut tunngavissiuunneqarput.

§ 32-mut

Telefonit akiliilluni akilerneqartartut tassaapput telefonboksit kiisalu telefonit akiliilluni atorpeqartartut tamanit atorpeqarsinnaasut allat. Telefonit akiliilluni

atorneqartartut aammattaaq innarluutilinnit atorneqarsinnaasunngorlugit inissiffissaannut ilusissaannullu piunasaqaateqartoqarsinnaavoq. Aalajangersakkap atuunneratigut aamma Naalakkersuisut telefonit akiliilluni atorneqartartut pillugit maleruagassiorsinnaanerit inatsisitigut tunngavissiisoqarpoq, tassanilu assersuutigalugu kalerriisarfimmut akeqanngitsumik sianersinnaanerup qulakkeerneqarnissaa piunasaqaatigineqarsinnaavoq, kiisalu akit assigisaasallu pillugit paasissutissanik telefonip akiliilluni atorneqartartup qanitaanut takussutissiinissaq piunasaqaatigineqarsinnaalluni.

§ 33-mut

Imm. 1-imut

Aalajangersakkap atuunneratigut nalunaarasuartaatitigut attaveqaqatigiinnermut atortunik pigisaqartut aamma nalunaarasuartaatitigut attaveqaqatigiinnermut atortunik imaluunniit nalunaarasuartaatitigut sullississutinik tuniniagaqartut akisussaapput, inuit attaveqaqatigiinnerat pillugu paasissutissat susassaqaanngitsunit takuneqarsinnaannginnissaat qulakkiissallugu.

Taamaalilluni imm. 2-p, atuneq nalunaarasuartaatitigut attaveqaqatigiinnermut atortut aamma nalunaarasuartaatitigut sullissitutit aqutigalugit inerlanneqartoq eqqarsaatigalugu isertuussisussaataaernerik uniuinnermut tunngasup aamma imm. 1-ip, paasissutissat oqaatigineqareersutut susassaqaanngitsunit takuneqarsinnaannginnissaannik qulakkeeriniarluni iliuuseqarnissamut tunngasup akornanni immikkoortitsisoqarpoq..

Aalajangersakkamik malinninngitsoornermi pillaatitut akiliisitsinermik pineqaatissiisoqarsinnaavoq, tak. § 36.

Imm. 2-mut

Aalajangersakkami aalajangersarneqarpoq nalunaarasuartaatitigut atassuteqarnermut atortunik imaluunniit nalunaarasuartaatitigut sullissinerbuj piginnittut sulisuisalu paasissutissat nalunaarasuartaatitigut attaveqarnermut atortut imaluunniit nalunaarasuartaatitigut sullissineq aqutigalugu sullissinnermut atatillugu ilisimalikkatik akuerineqaratik ingerlateqqissanngikkaat atornerlussanagilluunniit. Taamatuttaaq pineqartut paasissutissat oqaatigineqartut susassaqaanngitsunit pissarsiarineqarsinnaannginnissaat qulakkeeriniarlugu iliuusissanik aalajangersaassapput.

Aalajangersakkami erseqqissarneqarpoq, inerteqqussuteqarneq aammattaaq nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik tuniniagaqartumi sulisumut sulisuusimasumulluunniit atuutissasoq.

Aalajangersagaq nalunaarasuartaatitigut atassuteqarnermut atortunik imaluunniit nalunaarasuartaatitigut sullissinernik tuniniagaqartuinnarnut tunngatinneqaanngilaq, aammali nalunaarasuartaatitigut atassuteqarnermut atortunik, nammineq atugassatut pilersinneqarsimasunik piginnittunut atuutissalluni, taassuma ataani aamma

assersuutigalugu nalunaarasuartaatitigut atassuteqarnermut atortut, atuisut arlallit nammineq atugassamittut pilersissimasaat immaqalu aamma ingerlatsisuuffigisaat pineqarlutik.

Tamatuma saniatigut imm. 2-p attaveqarneq nalunaarasuartaatitigut atassuteqarnermut atortut nalunaarasuartaatitigullu sullissinerit pineqartut aqutitigalugit ingerlanneqartoq eqqarsaatigalugu tatiginassutsimik unioqqutsitsinerimut tunngasup, aamma imm. 3-p, paasissutissat oqaatigineqartutut susassaqaanngitsunit pissarsiarineqarsinnaannginnissaat qulakkeerniarlugu iliuuseqarnermut tunngasup akornanni assigiinngisitsisoqarpoq, tak. imm. 1.

Atorfeqartut pisortat nalunaarasuartaatitigut atassuteqarnermut atortuinik nalunaarasuartaatitigullu sullissinernik piginnittunut naleqqiunneqarnerini, atorfeqavissut saniatigut inuit allat, atorfeqavinnikkaluarlutik pisumi aalajangersimasumi naliliineq malillugu taakkununga sanilliunneqarsinnaasut, soorlu atassuteqaammik pigineqartumik ingerlatsisuugunik, taassuminnga nakkutilliisuugunik assigisaanilluunniit suliaqarunik tassani aamma pineqarput.

Nalunaarasuartaatitigut atassuteqarnermut atortunik nalunaarasuartaatitigullu sullissinernik atuisut allat pillugit paasissutissanik taakkuluunniit imaannik ingerlatitseqqittarneq eqqarsaatigalugu paasissutissat kukkunerisuisoqarfimmut, assersuutigalugu nalunaarasuartaatitigut atassuteqarnermut atortunik nalunaarasuartaatitigullu sullissinernik piginnittoq imaluunniit nalunaarasuartaatitigut atassuteqarnermut atortunik nalunaarasuartaatitigullu sullissinernik tuniniagaqartoq sinnerlugu atassuteqaatit qularnaassusiannik assigisaanilluunniit misissuisumut ingerlatitseqqinneq unioqqutitsinerussanngilaq, tamatumani paasissutissat taamaallaat suliffeqarfiup iluani atorineqarnerat pineqarmat. Taamaalliluni ikiortit sulianik ilisimasallit taamaattut aamma paasissutissanik susassaqaanngitsunut ingerlatitseqqinnginnissamut pisussaaffiliinermut ilaatinneqassapput.

Aalajangersakkamik unioqqutitsinerimi pillaatitut akiliisitsinerimik pineqaatissiisoqarsinnaavoq, tak. § 36.

§ 34-mut

Aalajangersakkami nalunaarasuartaateqarnerup iluani inuit pillugit paasissutissanik suliaqarneq aamma inuttut toqqissisimanissamik illersuineq pillugu Naalakkersuisut maleruagassiuussisinnannissaat tunngavissiuunneqarpoq, tassanilu ilaatigut nalunaarasuartaatitigut attaveqaqatigiinnermut atortut pisortanit pigineqartut iluanni nalunaarasuartaatitigut sullissinerit atorineqartut atugassiissutigineqarnerinut atatillugu inuit pillugit paasissutissat suliarineqarnerinut maleruagassat pineqarput, taassuma ataani pingaartumik atortut digitaliusut atorlugit sullississut (ISDN) aqutitigalugit sullissineq kiisalu paasissutissanik suliaqarneq toqqortaqaarnerlu pineqarlutik.

§ 35-mut

Imm. 1-imut

Aalajangersakkamik piginnaatitaaffiliisumik upalungaarsimanermi pisunilu immikkut ittuni allani nalunaarasuartaatitigut attaveqarnerup inuiaqatigiinnut pingaarutillip qulakkeerneqarnissaanut tunngasumik ilanngussisoqarnissaa siunnersuutigineqarpoq, tassanilu Naalakkersuisut maleruagassanik aalajangersaasinnaassapput. Aalajangersagaq taanna sorsunnerup nalaani upalungaarsimanermut tunngasuvoq, kisiannili aamma ajunaarnersuarnut pisunullu immikkut ittunut allanut, nalunaarasuartaatitigut atassuteqaatinut atortulersuutit artorsarnissannut ulorianartorsiorfiusunut tunngasuussalluni.

Naalakkersuisut ilaatigut ilaatigut ajungaarnernut annertunerusunut, ulussaarsuarneranut uleruloorneranullu pisunullu immikkut ittunut allanut atatillugu tamanut kalerrisaarinissaq, attaveqatigiinnermi salliutitsinerup ingerlanneqarnissaa il.il. eqqarsaatigalugit teknikkikkut atortut sulisullu upalungaarsimanissaannik pisariaqartinneqartumik qulakkeerinissamut piunasaqaammik imaqalimmik aalajangersaasinnaassapput.

Naalakkersuisut malittarisassiuussinerat artukkiisoqassanngilaq, aammalu tamatuma kingunerisaanik ingerlatseqatigiiffiit assigiinnik tuniniagaqartut suliaqartulluunniit akornanni unammilleqatigiinnermik oqimaaqatigiinngitsumik naapertuutinnngitsumillu pilersorneqarneranik kinguneqartumik aalajangersarneqannginnissaa anguniarneqassaaq.

Piginnaatitsissummi nalunaarasuartaatitigut atassuteqarnermut atortulersuutinik nalunaarasuartaateqarnermilu sullissinernik tuniniagaqartut nalunaarasuartaatitigut upalungaarsimanissamut atatillugu pisussaaffiliisunik maleruagassiornissamut periarfissiisoqassaaq, tassanilu suliassaqaarfittut pingaarnertut pineqarput: 1) nalunaarasuartaatitigut atassuteqarnermut atortulersuutinik nalunaarasuartaateqarnermilu sullissinernik tullerriiarineq, 2) nalunaarasuartaatitigut atassuteqarnermut atortulersuutit nalunaarasuartaateqarnermilu sullissinerit timitaannik illersuineq, aamma 3) nalunaarasuartaatitigut atassuteqarnerup inuiaqatigiinnut pingaarutillip pilersinnissaanut piujuartinnissaanullu malittarisassat.

Imm. 2-mut

Imm. 2-mi piginnaatitsissuteqarnikkut nr. 1-imi pissutsinut taaneqartunut tunngatillugu pisortani oqartussaasut, kiisalu pisortat namminersortullu suliffeqarfiutaasa sullissiviutaasalu il.il. pisussaaffigisassaannik taakkununga assingusunik aalajangersaanissaq ajornarunnaarsinneqarpoq.

§ 36-mut

Peqqussummi matumani maleruagassanik unioqqutitsinerup kingunerisaanik pillaatitut akiliutissat annertussusilerniarneqarnerini pineqartup aningaasatigut

iluanaarutigisimasai, iluanaarutissatut siunnerfigisai imaluunniit pineqartup aalajangersakkanik unioqquitsinermini soqutigisai immikkut isiginiarneqassapput.

§ 37-mut

Aalajangersakkami najoqqutassiani, peqqussut tunngavigalugu suliarineqartuni eqqartuussisutigoortitsinermi pillaatitut akiliisitsinikkut pineqaatissiisinnaanissamut tunngavissamik aalajangersaasoqarpoq.

§ 38-mut

Imm. 1-imut

Tassani pinerluttulerinermut inatsimmi § 116, imm. 3 immikkut eqqumaffigineqassaaq, taannalu malillugu pigisat, inatsisinik unioqquitsisup inatsisit malillugit inuussutissarsiutinik ingerlataqarneranut annertuumik pingaarutillit arsaarinnissutigineqarsinnaanngillat, tamatumani pisut immikkorluinnaq ittut pineqanngippata.

Imm. 2-mut

Imm. 2-mi qulakkeerneqarpoq arsaarinnissutit Landskarsimut tutsinneqartassasut, pinerluttulerinermi inatsimmi piumasarineqartutut naalagaaffiup karsianut tutsinneqaratik.

§ 39-mut

Aalajangersakkakkut aalajangersarneqarpoq peqqussut 1. januar 2007-imi atuutilissasoq.

Tamatumunnga peqatigitillugu nalunaarasuartaateqarnermi attaveqatiginneq aamma nalunaarasuartaateqarnermi sullissineq pillugu Inatsisartut peqqussutaat nr. 10, 28. oktober 1993-imeersoq, Inatsisartut peqqussutaatigut nr. 12-ikkut, 6. november 1997-imeersukkut allannguuteqartinneqartoq atorunnaarpoq.

Taamaattorli nalunaarutit Inatsisartut peqqussutaat taaneqartut tunngavigalugit suliaasut immikkut tamarmik atorunnaarsinneqarnissamik allannguuteqartinneqarnissamilluunniit tungaanut atuutiinassapput.

§ 40-mut

Inatsisartut peqqussutaata nr. 10-p, 28. oktober 1993-imeersup Inatsisatut peqqussutissaata matuma atuutilernissaata tungaanut danskit-amerikamiut illersornissamik suliassaqarfiinut atuutiinnarnissaa aalajangersakkakkut qulakkeerneqarpoq, tak. imm. 2.

Imm. 2-mut

Siunnersuutigineqarpoq peqqussutissatut siunnersuut inatsit atuuttoq assingalugu danskit-amerikamiut illersornissamut suliassa qarfiinut, Kalaallit Nunaanni illersornissaq pillugu isumaqatigiissut 27. august 1951-imeersoq naapertorlugu pilersinneqarsimasunut atuutinneqalersinnaassasoq.